







Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4357/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4357/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4357/A




Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4357/A

4357/A







ALEXIKEPVVS, SEV
AVXILIARIS
HORTVS, EXTEMPORA-
nea Morborum Remedia ex singu-
lorum viridariis facilè compa-
randa paucis proponens.

AVTORE ANTONIO MIZALDO
Monluciano, Medico.

A D H A E C,
Dioclis Caristij Epistola ad Antigonum, de
tuenda valetudine per hortensia.

LECTORI,
Aere tibi paruo quia diues venditur Hortus,
Tu potes Alcinoo dicere, nolo tuum.



LVTETIÆ,
Apud Federicum Morellum in vico
Bellouaco, ad vrbanam Morum.

I 5 6 5.

CVM PRIVILEGIO REGIS.

4357

Catalogus

SENTENTIA PRIVILEGII.

REGIA sanctione cautum est ne quispiam alius præter Federicum Morellum Typographum Parisiensem, hunc Alexikepum seu auxiliarem hortum, extemporanea morborum remedia ex singulorum viridariis facile comparanda, paucis proponentem, cum Dioclis Caristij epistola ad Antigonum, autore ANTONIO MIZALDO MONLVCIANO, Medico, intra quinquennium, absque manifesto autoris, & dicti Typographi consensu, sub Regis ditione imprimat, aut vendat. Qui secus fecerit, libris & pœna, in sanctione æstimata multabitur. Concessum fuit Privilegium Lutetiæ Parisiorum, die VII Augusti, 1562.

Subsignante

CAMVS.

303797



ANTONIUS MIZALDVS


NOBILI ET ERVDITO IUVENI

IACOBO DAPCHON, Domino

loci S. Germani à fossis in

agro Borboniorum,

S. P. D.



VISQVIS ille fuit qui
hæc protulit, *Beneficium*
dando accepit, qui digno de-
dit, næ ille perappositè
significauisse mihi vide-
tur, IACOBE charissime,
donationes temerè faciendas non esse,
sed ex iudicij delectu, nihilque largien-
dum nisi bene merētibus & dignis, etiam
si nihil tale sperent, ambient & expectēt.
Exemplo Archelai Macedonum Regis, à
quo, vt scribit Plutarchus, cùm parasitus
quispiam, qui nihil ducebat honestum
præterquam accipere, inter cœnandum
postulauisset aureum poculum, pruden-
tissimus Rex statim iussit ministro, vt id

A ij

EPISTOLA

daret Euripidi Tragœdiarum scriptori: ad hominẽmque illum tam impudenter petacem conuersus, dixit, Tu quidem dignus es qui poscas, nec accipias: hic verò dignus qui, etiam non postulans, accipiat. Hæc scribo, ornatiss. iuuenis, vt palàm significem, te annos vixdum duos & viginti natum, senilem Regis huius prudentiam (quæ rara est auis) ad vnguẽ expressisse in fratre meo IOANNE MIZALDO, adolescẽtiæ tuæ, & illustrissimorum octo fratrum tuorum, formatore & moderatore. Nam præterquàm quòd illum ex eo tempore domesticum tibi esse voluisti, nõ vulgaribus etiam beneficiis, quæ nonnullis instanter vrgentibus recusaueras, nec postulantem, nec ambientem, exornare contendisti. Quod etiam paulò antè fecerat clarissimus frater tuus ANTONIVS DAPCHON Pontificij iuris Doctor eximius, & haud ita pridẽ Therbens. Episcopus, nũc verò Abbas monasterij Cerisiaci in diœcesi Baiocẽsium, & B. Mariæ de Evroneo in agro Cenomansensi, qui eodem fratre meo, moderatore & formatore tecum vsus fuit. Nec dif-fido quin eadem etiam pietate & muni-

N V N C V P A T O R I A .

ficentia erga eum, aliquando vsuri sint, illustrissimi reliqui fratres tui (quæ vestra summa est omniũ liberalitas & gratitudo) vbi commoda sese obtulerit occasio . Exemplo, ita me Deus amet, vbique prædicando, ac omnibus discipulis erga suos doctores & moderatores pergratis summè imitãdo . Quibus, vt scripsit Aristoteles, necnon Diis, ac parētibus, nunquam satis digna & æqua compensatio rependi potest . Quod hoc dimetro sic complectimur,

- » Sunt tria quæ meritis nunquam persoluimus æquis:
- » Quod schola, quod Superi, quod dat vterque parens.

Sed amabo te, Iuuenis optime, quid illud, quòd fratrem vnum tibi demeruisse non fuit satis, nisi alterũ quoque (de me loquor) nihil tale expectãtem, etiam de uincires, & de te, tuisq; nullo modo meritum, tua liberalitate obstringeres? At quid hîc & fratrem, & meipsum commemoro, cùm sciam plerosque alios in hac tua munificentiã cymba, etiam fœlicibus ventis nauigare? Sanè id à te factum facillè crediderim, vt aliis multò opulentioribus præluceas, & veluti faces admoueas, quibus memorabili tuo exẽplo excitentur.

EPISTOLA

tur, ad largitiones studiosis erogandas, & iis maximè qui ob rei familiaris angustiam (quæ maxima turba est) quò virtus illos impellit, emergere non possunt, & lucubrationũ suarum fructum in lucem proferre, dum eis cominus & eminùs cum pera & sacco quotidie luctandum est, ingenti Rerumpub. & posteritatis incommodo. Præclarè itaque facis, dum in hæc benefica studia erga eos quos viuere par est, tam strenuè incūbis. Maçte istius animi & virtutis semp̄ esto, sic itur ad astra. Hac via gradũ sibi fecerunt ad immortalitatem celebres viri: quiq; sui memores alios fecêre merendo. His vestigiis incedens, nomen super æthera notũ sibi comparauit præstâtissimus ille auñculus tuus, Franciæ Marefcallus, vt vocant, à S. Andrea, Henrici Regis olim fidus Achates. Qui superioribus annis pro patria libertate, próque aris, vt aiunt, & focis dimicans, cū multis illustribus viris occubuit. Nec à tãto fratre suo degenerat prudentissima & nobilissima mater tua, Fronfáci Marchionissa, & Mirimontis Vice comitissa, ac Dominarum aulæ Regineæ vna. His tantis maiorum tuorum exemplis,

N V N C V P A T O R I A .


ne, quæso, defatigeris benefaciendo : accipies, mihi crede, immortalē mercedem non defatigatus . At sponte & alacriter currenti, calcaribus nihil est opus . Superest itaque, vt istum animum verè heroïcū tibi gratulemur, Deūmque Opt. Max. supplices deprecemur, vt illū perpetuò foueat, fœliciter promoueat, & sua pietate vnà cum corpore sospitet: faxitque, vt munusculū hoc nostrum hortensē & medicum, quod tibi ex animo offerimus, & in tuo nomine & auspiciis publicum esse volumus, aliqua ex parte tuis erga nos meritis respondere, omniumque saluti, vtilitati, & commoditati inseruire possit . Hoc votum nostri summa laboris habet. Fœliciter vale, Iuuenis candidiss. & mihi inter omnes dilecte, mēque, vt soles, amare perge, id mutuò facturus . Lutetiæ,
ad quartum Calend.

Novembr.

1564.

A iiij

IN ALEXIKEPVM, SEV
 AVXILIAREM ET MEDICVM
 Hortum Prolegomena, ad
 Lectorem ΦΙΛΟΥΓΙΕΙΟΝ.



NON sunt mihi tam obæse nares,
 amice Lector, nec oculi vsque-
 adeò lippi, vt non facilè subodo-
 rer, ac præuideam Φαρμακοφίλως
 η̄ Φαρμακοπλόυτους plerosque

Horum
 temporum
 infelicitas,
 & inuidia.

fore, qui institutum hocce meum de vitæ auxi-
 liis, & morborum remediis ex cuiusque horto,
 statim & absque impendio comparandis, super-
 ciliosè legant, ac grauiter ferant. Vah, inquiēt,
 non illud est irridere, velle hodie morborū præ-
 sidia, per tot annorum centurias in hortis conse-
 pultra, vigente pharmacorum tanta luce & co-
 pia, suscitare, aut reditura commonstrare? Sa-
 nè, etsi anceps ac lubricum sit rerum omnium
 nouarum initium, videatúrque res ista ardua,
 & questuoso hocce tempore admodum operosa,
 nihilominus tentanda est, tam grandi & salu-
 tari multorum emolumento, maximè eorum qui
 diurno & nocturno labore, curaque indefessa,
 & operis irrequietis, vitam fouent ac tuentur
 nostram: cuiusmodi sunt populares, rustici, &
 quis alij, medicorum ac consiliorum inopes,

Rerū no-
 uarum ini-
 tia diffici-
 lia.

PROLEGOM. IN ALEXIKEP.

emendorúmque pharmacorum impares. Quibus mutuas debemus operas, & vicaria auxilia, interim dum nobis terrena colunt, serunt, metunt, ac sudando, & plerunque ægrotando ad nos comportant:

Hoc lex, hoc pietas, hoc vult Deus, oïa nõ dans
Omnibus, insigni pro bonitate sua.

Domesticas itaque hortorum opes incomparabilis illius rerum omnium parētis naturæ, quam noster Hippocrates vbiq̃ue iustissimam nuncupat, illis certatim perlustremus & illustremus.

Natura
vbiq̃ue iustissima.

Quam, per deos immortales, quis nescit voluisse, vt statim à positis terræ fundamentis, prima & præcipua morborum remedia in agris essent, & postea, ne longius eundum esset, in hortis?

Quis inficiabitur templa AEsculapio, medicina deo prisco, in syluis & mediis viis extra vrbes olim condita, significauisse prisca & prima morborũ auxilia, non fuisse in vrbibus & officinis, sed potiùs in agris & syluis, vbi वोοδ. Dios ille, & auxiliarius Deus implorabatur, & ægrotantibus eò tendentibus, quid agēdum esset suggereretur? Quis nescit populũ Rom. annis DC, salubriter vixisse absque vllis pharmacopolis & medicis? sed non tamen absque medicina: quæ tum simplex erat & suaui, adhæc inuentu & paratu facilis, quia altilis, vernacula ac hor-

Tēpla Aesculapij
extra vrbes.

Populus
Rom. diu
vixit absq̃
medicis.

PROLEGOMENA

tensis. Quemadmodum præclarè testatus est M. Cato in eximiis illis suæ brassicæ encomiis, ut suo dicemus loco. Qui vnus herbis quas plantauerat, & maximè brassica, vsus, se, coniugem, filium, necnon libertos, ad longæuam senectutem incolumes perduxit. Vis tibi antiquiora proponam? consule M. Varronem, ex eo statim audies, sapientiss. illum Nestorem, qui Troiani belli temporibus floruit, ἀλεξίηπον, hoc est, auxiliarem hortum carmine descripsisse: à quo id nominis in titulum huiusce Opusculi verè mutuati sumus. E didit etiam Sabinus Tyro librum Cepuricôn, seu hortensium, quem, Plinio autore, Mecœnati dicauit. Itaque, escas antiquis hortus dabat & medicinas, sicuti scripsit AEmilius Macer, poëta & medicus non indoctus. Fuit ergo medicina hortensis apud Romanos omnium prima & præcipua. Quæ cum annis DC, in precio illis fuisset, vnà cum agresti, superueniente, et sensim cum imperio crescente, effrænata gula & Veneris licentia, è medio hominum cœtu, retrò abire, ac longè exulare fuit coacta. Nam cum morborum omnium agmina, hasce duas sorores pestilentissimas vbique comitarentur, & confertim opes triumpharent, ac opum furiosa libido, velis, quod dicunt, & equis, è Græcia, ac locis aliis accersiti fuerunt medici,

Nestoris
Alexikep⁹
& auxiliariis
hortus.

Medicina
hortensis
prima
apud Rom.
& quando
illinc exulauit.

Vitæ & necis imperatores imperiosissimi: eoque
 cæcitatibus ventum fuit (perinde atque hodie) ut
 quibuscunque se medicos, vel de titulo & veste
 profitentibus, statim crederetur: cum in nullo mē-
 dacio periculum sit periculosius. Hi, ut ex fumo
 darent lucem, & famam nouitate aucuparentur,
 cœperunt illico in hortorum materias, & hortenses
 medicinas palam inuehi, ac inflatis buccis illas
 despuere. Quas ut funditus extirparent, qua-
 stuosissimas officinas, ac superba myropolia, bar-
 baris & inauditis medicamentis longè ac latè ra-
 diantia, pedetentim erigere nihil fuerunt cun-
 ctati. Quæ radices vsque adeò disseminarunt suas,
 & artifices paulatim sparserunt suos, ut de illis
 hodie iure dici possit: Quis enim non vicus
 abundat? In his emicant capsulae & pyxides
 suis nomenclaturis perbellè distinctæ, in quibus
 latitant deorum manus, ut vocabat Herophilus,
 & numerosa ostentantur artificia, quæ solis ho-
 minum ingenii consistere certum est: neglectis, si
 diis placet, simplicibus illis naturæ opibus ac ope-
 ribus, absque vlllo artificio, vlllo apparatu magno,
 aut latente fuco, suauibus & absolutis. Hinc,
 nimirum, dubia vitæ & fortunarum alea, ut
 peregrina sibi comparet medicamenta,
 Impiger ad Persas, Mauros, Babylonas et Indos,
 Velis ac remis Pharmacopola volat.

Primorū
 medicorū
 apud rom.
 fastus.

Quando
 pharma-
 copolæ in-
 troducti.

PROLEGOMENA

Barbarorū
& exotico-
rum medi-
camento-
rum alca
dubia.

Hinc malè sarta putatur esse vita, & corpo-
ris valetudo parum firma, nisi barbaris, ac ple-
runque adulteratis & suspectis, magnòque em-
ptis praesidiis saepenumero delusa fuerit: Hinc vl-
ceri admodum paruo, & leui morbo, medicina
à rubro mari, aut nouis insulis accersitur, cum
vera & neutiquam suspecta remedia, quotidie
pauperrimus quisque coënet, ac pedibus in suo
hortulo, vel agello passim conculcet. Ita est pro-
fectò, merces vltro oblatæ sordet: & quæ patria
sunt ac domestica, quantumuis preciosa ac salu-
bria, externis, etiã summè abiectis & plerūque
dubis, viliora ac despicabiliora habentur.

„ Vtilior seges est, inquit poëta, alieno semper
in agro:

„ Vicinūque pecus grandius vber habet.

Stultissimū sanè est longius quærere, quod ante
pedes situm habes: & periculoso, insanòq; sum-
ptu cōparare velle, quod impostura saepenumero
constat. Dic, amabo te, non summa est cœcitas

Peregrina
non esse
preferēda
patriis &
domesti-
cis.

alienis & peregrinis ita subscribere, vt tua ne-
gligas? non deploranda est amētia, dum tibi scire
non libet quid salutis tuæ conducat, alienis pedi-
bus ita ambulare, alienis oculis sic asp̄icere, au-
ribus alienis ita audire, & aliorum manibus sic
omnia cōrectare, vt tibi aliena ope miserrimè
prorsus viuendum sit? Siccine incōparabilia re-

I N A L E X I K E P V M .

rum natura & precia et vitæ subsidia in hortis con-
 tempta iacent, ac si ventri duntaxat saburrādo,
 aut oculis & naribus tantum pascendis nata es-
 sent? Quid hoc est, nisi mera stupiditas est, dubia
 & suspecta sic persequi, sic ambire, sic ample-
 cti, ut certam & domi vigentem medicinam de-
 seras? ô quantum est in rebus inane! Medemur,
 scilicet, aliena fide, & famam exoticorum me-
 dicamentorum miscellaneis, ancipitique farragi-
 ne, ac inani ostentatione venamur. Hæc dū au-
 dis, amice Lector, scire fortasse laboras quid in
 tam dubio pharmacorum casu, tibi serio ac tuto
 agendum sit: dicam paucis, Fruere priscorum sa-
 lutarum more: elige ex tuo hortulo & agello me-
 dicas materias tibi notas ac familiares, tecum edu-
 catas, apud te excultas, patribus tuis assuetas, pa-
 tria probatas, ac sub eodem coelo & aere tecum
 viuentes: quarum copia, ubi, quoties, & quando
 visum erit, recens ac vegeta haberi potest. Irri-
 de auidos lucrorum aucupes, & φαγοαγοζόφως
 plerosque, quibus nihil potest placere, nisi quod
 Indiam loquatur, Hesperiam respiciat, & extre-
 mum reboet oceanum. Despue in illos qui barba-
 ras, & adhuc male cognitatas pharmacorum vires
 ac nomenclaturas tibi ad miraculum usque ex-
 tollunt: quæ, re vera, magis expiatione quandoque
 egent, quam quod corpus expiare possint ac cu-

Pulcherri-
 mæ ac ve-
 rissimæ ex-
 postula-
 tiones.

Consilia
 notatu sū-
 mē digna,
 & non de-
 spicienda.

PROLEGOMENA

Exhortatio ad hortensem medicinam amplectendam.

Pharmacopolianon damnanda, & qualia.

rare. Agè itaque, vernaculas opes externis constanter præpone, & priscam medicinam hortensem, extemporaneam, fidam, ac minimè suspectam, è profundis tenebris in apertam lucem proferre incipe, sopitam excita, exulantem reuoca: & ut idem faciant noti & amici tui omnes, cõtende, insta, & pro viribus adnitere. Eam in re tibi prælucebit hic noster Alexikepus: viam indicabit, ac fidum comitatũ ubique præstabit. Tibi, obsecro, persuade verissimum esse Quintilianum illud, Vsitatis tutius utimur, noua non sine periculo vsurpamus. Tibi confidenter proponere, ea remedia optima esse, quæ pluribus cognita, & pluribus probata sunt: qualia esse diximus domestica & hortensia. Quibus tamen sic uteris, ut nec externa bene nota et selecta, siue simplicia fuerint, siue cõposita, omnino reiicias, ac pharmacopolia esse inutilia iudices: quæ summè probamus ac laudamus, modò nacta sint doctos, peritos ac fidos artifices, probis & recentibus materiis medicis, accuratè, ut par est, instructos. Hæc in medicum Hortũ satis erunt: quem nouam formam disposuimus, ut ad eius imaginem cuique deinceps liberum sit similem construere, colere, & per proprios campos & areas, platis arboribusque eiusdem generis, ut fecimus, regionatim disseminare: ut sint quæque hinc inde

IN ALEXIKEPV M.

locis, digesta decenter, & non cōfusis ordinibus,
ac diuersarum qualitatum, variorūque gene-
rum miscellaneis, vt perperam apud omnes fieri
solet: ob causas cū alibi, tū in nostris hortorum
Secretis expressas. Fœliciter valebis, Lector
optime, & si quid alicubi peccatū erit, imò verò
quia peccatum, tecū reputa, optimum esse arti-
ficem, non cui nūquam, sed quā minimū er-
rare concessum sit. Fruere alienis laboribus, &
tibi sudantibus, argentibus, ac lucubrantibus,
bene, quæso, precare.

Autoris
depreca-
tio, & con-
clusio.

ALEXIKEPV S SEV AVXILIARIS ET

medicus Hortus, octo Campos, vel regiones, continens,
proptis areis, quo sequitur ordine, nobis
distinctus ac descriptus est.

Campus primus olera aliquot
cibaria, decem areis hac serie
completitur.

- 1 Iactuca.
- 2 Brassica.
- 3 Petroselinum.
- 4 Portulaca.
- 5 Beta.
- 6 Blitum.
- 7 Oxalis.
- 8 Spinacea.
- 9 Borrago.
- 10 Asparagi.

Campus secundus radices ali-
quot esculētas, quatuor areis
claudit.

- 1 Porrum.
- 2 Cēpa.
- 3 Allium.
- 4 Raphanus.

Campus tertius herbas odora-
tas areis XI disseminat.

- 1 Salvia.
- 2 Hyssopus.
- 3 Satureia.
- 4 Maiorana.
- 5 Fœniculum.
- 6 Mentha.
- 7 Thymus.
- 8 Ocimum.
- 9 Orualla.
- 10 Rosmarinus.
- 11 Lauandula.

ALEXIKEPV S.

Campus quartus herbaceos et fruticeos fructus sex arenis distinguit.

- 1 Cucurbita.
- 2 Cucumis.
- 3 Pepo, melo & melo-pepo.
- 4 Cinara.
- 5 Fragaria & Frambœsia.
- 6 Grossulæ.

Campus quintus flores aliquot tam odoros, quam inodoros, nouem arenis dispergit.

- 1 Rosa.
- 2 Lilium.
- 3 Leucoion.
- 4 Viola Martia.
- 5 Betonica altilis.
- 6 Phlogium.
- 7 Iris.
- 8 Amarantus.
- 9 Solsequium.

Campus sextus plantas aliquot non esuletas arenis undecim capit.

- 1 Absinthium.
- 2 Abrotonum.
- 3 Ruta.
- 4 Vrtica.
- 5 Plantago.
- 6 Artemisia & Tanacetū.
- 7 Chelidonium.

8 Mercurialis.

9 Parietaria.

10 Malua.

11 Lathyrus seu Cataputia, & Ricinus seu palma Christi.

Campus septimus pomiferas arbores cum suis fructibus arenis tredecim distribuit.

- 1 Malus & eius pomum.
- 2 Pyrus.
- 3 Cotonea.
- 4 Prunus.
- 5 Cerasus.
- 6 Morus.
- 7 Persica.
- 8 Mespilus & Sorbus.
- 9 Citria malus.
- 10 Aurantia malus & Limonia.
- 11 Punica malus.
- 12 Ficus.
- 13 Olea.

Campus octauus arbores nuciferas et earundem fructus arenis quinque continet.

- 1 Iuglans & eius nux.
- 2 Amygdalus.
- 3 Pinus.
- 4 Corylus & Auellana.
- 5 Castanea.


His adduntur sub finem, faciles & populares oleorum medicatorum concinnationes ex quibus hortensi materia, necnon aquarum distilladarum formulæ pulcherri-
rimæ ac summè vtilis.

ANT. MIZALDI

MONLVCIANI ALEXI-

KEPVS, SEV AVXILIARIS

& medicus hortus.



SCRIPTVRVS hîc non
de asini vmbra, quod
aiūt, sed de medicis hor-
tensiũ facultatibus, quæ,
re vera, omniũ accuratè
medicantiũ iudicio,

„ *AE* què pauperibus profunt, locupletibus æquè,

„ *AE* què neglectæ pueris, senibûsque nocebunt:

precium operæ facturum me puto, si in-
stituta narrationis fores à Lactuca ape-
ruero. Nõ quòd ei olerum & hortorum
principatum velim ascribere, contra M.
Catonem & Plinium: qui illum, vt suo
dicemus loco, Brassicæ constanter adiu-
dicât: quin potiùs, quòd sciam Lactucam
salubrem & euchymam esse plantam in-
ter omnes hortēses, & ob id benedictum
olus, ab Auicenna appellari. Qua dote &
priuilegio, certum est illam priscis vsque
adeò placuisse, & tanta cura excultã fuis-
se, vt ab ea Lactucinos in Valeria familia,

*Autoris sco-
pus & in-
stitutum.*

B

*Lactuca à
morbo D.
Augusti no-
biluata.*

Plinio autore, cognominari non pudue-
rit. Illa, illa est qua D. Cæsar Octavianus
Augustus, in lōga & ancipiti ægritudine,
consilio Antonij Musæ medici excellen-
tissimi, conseruatus fuit. Vnde statuam
collato ære iuxta signum Æsculapij, Sue-
tonio Tranquillo attestante, promeruit.
Sed prætermisso lactucæ verbosiori en-
comio, medicas eius vires, pro nostra te-
nuitate in mediū proferre, & hortulum
nostrum per suos campos areatim distin-
guere aggrediamur.

HORTI MEDICI CAMPVS

PRIMVS, OLERA ALIQVOT
cibaria, decem arcis
complectens.

Lactuca altilis, & medica eius auxilia.

AREA I.

*Quid per
olus hîc in-
telligendum.*

OLERIS nomine hîc complectimur
plantas eas hortenses & herbaceas
quæ non solùm condiendis iusculis ac-
commodari solēt, sed etiam paruo sum-
ptu & facili apparatu in vsum cibarium
pauperibus quotidie venire, siue in ace-

tariis, siue aliter id fiat. Tale est illud Horatij ad Sæuam,

- » *Si pranderet olus patienter, regibus vti*
- » *Nollet Aristippus: si sciret regibus vti,*
- » *Fastidiret olus, &c.*

Sed hæc Grammaticis discutienda relinquemus, & medici medica lactucæ præsidia tractabimus: quam norunt omnes in historiis versati, vsque adeò priscis Romanis fuisse commendatam, post D. Augustum per eam ianitati restitutū, vt seruari, etiam in hybernos menses, ex oxymelite repertum sit. Plāta est admodum salubris, sicut testatur Columella in suo hortensi carmine, de illa propter seruatum Augustum ad hunc scribens modū,

Lactuca, planta salubris.

- » *Iámque salutarî properet lactuca sapore,*
- » *Tristia quæ releuat, longi fastidia morbi.*

Huius succus febricitantis fronti illitus somnum accersit, quæadmodum scripsit Florentinus, rerum agri & medicinæ interpres Græcus ad vnguem factus. Qui etiam tradit eum, qui ieiunus lactucam prægustauerit, ebrietatem non sentire: adhæc semen eius tritum & potum, genituræ effluuia cohibere: quapropter aduersus crebra Veneris ludibria in somno,

Febris, somnus, ebrietas, Venus, gonorrhœa, & alui fluxus.

utiliter propinatur: sicuti vulgari hoc iactatur disticho,

” *Semen lactuca Veneris ludibria tollit,*

” *Cum vino bibitū, fluxum quoque cōprimit alui.*

Quod equidem distichon esse astruimus Macri poëtae & medici non indocti: quem multi, hocce Ouidiano dimetro, ipsius Ouidij σύγχερον sub D. Augusto fuisse contendunt,

” *Sapè suas volucres legit mihi grandior æuo,*

” *Quæq; nocet serpēs, quæ iuuat herba, Macer.*

Sed his dimissis, lactucam repeto, quam idem Florentinus tradit stragulis suppositam, agris nescientibus, hac præsertim ratione, vt ante solis exortū sinistra manu radicitus euulsa sit, somnum illis conciliare. Qui etiam accersetur, eodem auctore, si folia quina, terna, aut vnū, cervicali clanculum supponantur: sed ita, vt quæ imo caule decerpta fuerunt, ad pedes: summo verò, ad caput spectent. Admonent insuper Græci geoponici, quòd effusus & assiduus lactucarum vsus, cane peius & angue fugiendus est his qui procreandis libèris operam dare solēt. Nam fœcunditatem non modò minuere scribunt (vnde δινάχιον, hoc est spadoniam

Somni conciliatio.

Lactuca cur fugienda cōiungatis.

vocauerunt Pythagorici) sed quos postea sustulerint partus, velut amentes, ineptos ac stupidos à progenitorum ingenio degenerare promittūt. Haftenus illi: à quibus ad nostros deficio Medicos, apud quos etiam lego, lactucas somnos conciliare, ac sanguinē neque improbum creare, neque vndique perfectum, multò tamen, quàm à cæteris oleribus, præstantiorem. Quæ duo, Eobanus Hessus poëta elegātis. pulchrè expressit in libello de tuēda valetudine, hunc in modum:

- .. Hortorū lactuca decus, quia friget & humet,
- .. Sæpè leueis somnos conciliare solet.
- .. Atq; vt corporib⁹ reliqua omnia vincit alēdis,
- .. Sic vini succus sanguinis inde venit.

Qualem gignat sanguinem lactuca.

Hinc factum arbitror, vt Galenus illam de oleribus solam, in homine temperato euchymam esse dixerit, hoc est succū bonum gignere, & optimum corpori alimentum sufficere. Quæ, vt calidis ventribus sumpta mirè auxiliatur, ita vsu crebro, oculorum aciem retundit, ac caliginem, vt mox scribemus, inducit. Addo quòd suspiriosis, & sanguinem excreantibus, ac pituitosis summè nocet. Præterea, quòd tam crudæ quàm coctæ vsus lar-

Ventres, caligo, asthma, hæmoptis & pituita.

gior, non minus est periculosus quã cicutæ. Æstate ea utimur ut medicamẽto, potiùs quã alimento: nimirum ad humectandũ & refrigerandũ. nam frigida est, ac humida. Quod cum ita sit, iure quis dubitet, quomodo probũ & purum sanguinem in nobis possit gignere: substãtia, inquam, nostræ familiari, quæ illi planè est lactea & dulcis, adhæc moderatè cocta, & proinde in sanguinem prõptè ac facilè mutabilis: quã obrem etiã lac affatim gignere solet.

Lac & cholera morb⁹.

Prodest eadẽ aduersus morbum præcipientem & periculosum, quẽ Græci χολέρα vocant, ab immodica bilis deiectione, & implacabili vomitu. Cui⁹ rei testẽ præferem⁹ antiquis. poetam & medicũ Q. Serenũ,
 „ Noxia (inquit) si penit⁹ cholera sæuire venena
 „ Perspicias, cocta lactuca fronde leuabis:
 „ Proderit & caules assumere sæpè madentes.

Lubricam aluum quomodo faciat lactuca.

Aluum ideo lubricare dicitur, quòd humiditate & frigiditate sua immoderatũ hepatis calorem tẽperet: qui ob celerem & vehemẽtem cibi ac potus distributionem, & direptionem, aluum resiccare plerunque solet. Huius lubricationis & facilis per lactucam ad excrementa vacuãda apparatus, testem etiam citabimus Mar-

tialem hunc in modum scribentem,

„ Prima tibi dabitur ventri lactuca mouendo
„ utilis. Et alibi:

„ Vtere lactucis, vel mollibus vtere maluis,

„ Nam faciem dudum, Phœbe, cacantis habes.

Visiōem præterea turbare fertur, vt nūc dicebamus, & oculis nocere, eisque caliginem inducere, quòd spiritus visorios denset & incrasset, humorémque crystallinum, videndi speculum summè tersum, turbidum reddat, & animale spiritū sua frigiditate offendat: nisi caloricis herbis illi remistis, aut generoso vino superepoto, frigiditas ea téperetur. Nā ex Hippocrate, frigidū cerebro, spinali medullæ, neruis, ossib⁹ ac dētibus summè inimicū esse solet: ex quo fit vt soporifera etiam censeatur esse lactuca, sicuti suprā à nobis adnotatū fuit, & Claud. Galen. suo experimēto cōfirmauisse intelliges. Ple-

*Quomodo
visiōe tur-
bet lactuca.*

riq; (inquit) lactuca vtūtur prius q̄ in caulem assurgat, aqua illā incoquētes. Quod ego nūc, ex quo dentes mihi malè habēt, cœpi facere. Quidam meorum sodalium conspicatus olus id iam olim ab adolescentia mihi esse consuetum, nunc tamen ipsius esum esse permolestū, autor mihi

*Quomodo
vtebatur la-
ctuca Gale-
n⁹, Et quam
ob rem: ex
suis Alimēt.
libru, &
aliis.*

fuit, vt ipsum coquerem. Ætate autē iuuenili cū mihi ventriculus assidua bili infestaretur, cruda lactuca, vt eum refrigerarem, vtebar. Cū verò ad ætatē declinantem perueni, hoc olus fuit mihi remedio aduersus insomniam & dormiendi impotentiam. Tunc enim, contrà ac in iuuentute, somnum mihi dedita opera conciliabam · nam graue erat præter voluntatem vigilare. Quæ res mihi accidebat, partim quòd in iuuentute me aptè spòte vigiliis, studiorum gratia, assueuifsem: partim quòd declinantium ætas ad insomniam sit admodum propensa. Itaque, lactuca vespere in cœna, vel somni hora, cocta & commansa vnicū mihi insomniæ erat alexipharmacum & remedium. Hactenus Galenus: ex quo hanc historiam, quòd pulchra sit, præfenti loco accommodare visum fuit. Veteres, initio mensæ, primisue epulis, lactucam, vt solemus, nō proferebant, sed postremis, sicuti Martialis hoc disticho eleganter expressit,

” *Claudere quæ cœnas lactuca solebat auorum,*

” *Dic mihi cur nostras inchoat illa dapes?*

Cur postremis epulis

Quod, nec temerè, nec citra rationē fa-

Galenus vigiliis assueuit.

Etum fuisse audies: cū enim lactuca frigida humidæque sit naturæ, si à cœna sumatur & summis epulis iniiciatur, somnū efficacius conciliat, vini que fumos halituosos promptius reprimat, ac ebrietati, inducta cerebro humiditate, facilius pugnat & obsistit. At nostra ætas, ab eius esu cœnas & prandia auspicari salubrius esse duxit, ex aceto, sale, & oleo conditam illam cibis aliis præponens, nimirum ut æstuantem venter recreet, & sopitam per calores appetentiam excitet, sanguinisque feruorem temperet, ac hepatis & cordis æstum mitiget. Ex quo mirum non est, si ebrietati aduersatur, & capitis grauitatem, quam Græci apposito vocabulo *καρβαρία* vocant, insita frigiditate sanat, vapores à nimio vini potu sursum elatos, & caput grauantes, retundendo ac discutiendo. Quod Q. Serenus poëta ac medicus præstantissimus non omisit, hunc in modum scribens de curanda ebrietate,

” *Quidam lactucæ huic credunt prodesse saporis:*
 ” *Curandi modus hic, & suauis, & utilis idē est.*

Inde factum crediderim, ut lactuca à Ruffo Ephesio medico, *ἀκρυπάλη*, rectè nuncupata sit: quod crapulā arceat, & omnē

olim sumebatur lactuca.

Capitis grauitas & ebrietas.

capitis noxam à vino contractam excutiat. Verum enim uerò, ea cautè utendum est: nam illius usus immodicus, ut præmonuimus, Veneris ignes extinguit.

Quibus pro-
hibeatur &
concedatur
lactuca
usus.

Quare his qui matrimonij capistris sunt alligati, parcus ac sobrius debet esse lactucarum cibus: nisi calorificis, ut cruca, nasturtio, mentha, sampsucho, & similibus, frigiditas illarum obtundatur, aut generosum vinū aliquod superbibatur. Qui verò cœlibatui addicti sunt, sacerdotes, monachi, vestales, & alij qui claustra sequuntur, calorifica excludere debent: ut pudicitiam illasam tueantur, & prurire, vr̄ique desināt. Lactuca itaque consulto prius tēperamento, prudenter utendum erit: in qua Callimachus ἀλληγορικῶς scripsit, Venerem suum amasium Adonin abscondisse: ὅτι ἀθενεῖς εἰσι πρὸς ἀφροδίσεια δισπειχῶς χρώμενοι θρίδαξι: hoc est, ut Athenæus exponit, quòd imbecilles sunt ad Venerea, qui assiduè utuntur lactucis. Quare videant vxores, ne earum mariti nimiùm illis utantur. Hic non tacebo rarum experimentum & sæpenuerò mihi fœliciter probatū aduersus albas mulierum fluxiones, quod constat cremore

feminis lactucae prius macerato in aqua extinctionis chalybis, addito pulvere eboris in tenuissimum pollinem redacto: non tacebo praeterea, quod semen lactucae in iusculo tritum & haustum, dormiendi impotentiam expugnat: & folia in aqua hordei cocta, lac potu mirandum in modum augent, si postea mammae blanda manu fricentur. Addam, quod si vehementer caput incaluerit ab aestu, & hinc doluerit, aceto miscebitur succus lactucae, & eo fouebitur, monitore Galeno. Et ad ardores ac ambustiones, folia diligentissime terentur, & cum pane inducta, parti affectae admouebuntur, ac subinde commutabuntur, ne ibidem incalescant & obrigescant. Sed de medicis lactucae facultatibus haec satis erunt, ubi admonuero quod tam manducata, quam admota, aestus, nec non ardores internos & externos, ut diximus, clementer mitigare & restinguere solet. Cuius rei gnarus Antonius Musa D. Augusti medicus incomparabilis, ad desperationem redactus in curanda distillatione, qua optimus ille imperator, ob vitium iecur, vehementissime torquebatur, contrariam medendi rationem inire fuit

Albae mulierum fluxiones, somnus, lac, capitis dolor, ardor et ambustio.

Aestus tam interni, quam externi.

Lactuca ab Augusto nobilitata. coactus, & ad lactucæ præsidia confugere, sicuti paulò antè adnotauimus: quorum auspiciis cõualuit Augustus, & hinc lactucam summè nobilitauit.

Brassica, & medica eius auxilia.

A R E A I I.

Brassica à priscis valde commendata & laudata.

NON sum nescius optimum illum, sine æmulo, agricolam M. Catonem, triumpho, censura, ac literis insignem, oleribus omnibus Brassicam anteposuisse, & Plinium hortorum principatum eidem ascripsisse, adhæc Pythagoram eius laudes ante omnes celebrasse, ac Chrissippum medicum, priuatũ volumen per singula hominis membra digestum, de eadem composuisse, ipsũq; e Catonem eius facultates & medica auxilia populo Rom. vsque ad eò fœliciter indicasse & præscripsisse, vt annis multis absque vllis medicis ac medicamentis aliis salubriter vixerit: verum enim uerò omnia hæc, magna licet, me mouere non potuerunt (ob causas paulò antè memoratas) vt in hac medica hortensium historia, brassica ante lactucam describeretur. Quæ vna, ob

infignem truncum & brachiatas virgas, etiam Caulis nomen sibi asciuit, & nunc demum nobis medicè excutienda venit: sumpto initio à priscis M. Catonis de illa experimentis aliquot. De iis itaque quibus agrè fuit lotium, & substillum est, hūc in modum scribit. Sumito brassicam, coniicito in aquam feruentem, coquito paulisper, vti subcruda fiet: postea aquā defundito, nō omnem, eò addito oleum & salem, ac cumini paululū, inferuefacito paulisper, postea inde iuseulum frigidum sorbeto, & ipsam brassicam manducato, ac quotidie id facito. Ad omnes tumores & omnia vlcera, etiam inueterata, brassicam cōtritā, quæ minutis est caulibus & foliis tenuioribus (Crambem vocant) ille idem imponit: ac eodem præsidio caneros purgat & sanos reddit: quod facere non potest, vt scribit, medicamentum aliud. Verūm, prius quàm imponat, aqua calida multa lauat, aut vino tepido, vt legit Macer, postea bis in die, cōtritā admouet. Quo remedio etiam ad luxata & contusa, mammásque vlceratas & canerosas vtitur. Si vlcus acrimoniam ferre non possit; farinam hordeaceam miscet,

*Substillum
seu strangu-
ria, tumo-
res, vlcera
& cancri.*

*Luxata, cō-
tusa, māmē
vlceratæ &
cācrose, nec-
non articu-
laris morb⁹.*

ac ita apponit : testaturque articulare
morbum nulla re æquè domari, atque
brassica cruda, si eam concisam cum ruta
& coriandro quis edat : aut salis mica &
hordei farina mista , opportunè illinat.
Quod herbularius poëta , versibus ali-
quot complexus est , de M. Catonis bras-
sificaria medicina, hunc in modū loquens,

- » *Hordea quam dederint cauli miscere farinam*
- » *Idem præcepit, rutam quoque cum coriandro*
- » *Et sale permodico: sic omnia mixta terendo*
- » *Apponi dixit docuit cataplasma podagræ:*
- » *Hoc etiam morbo medicabitur articularum.*

Si auribus parum audies (inquit ille idem
Cato) cum vino brassicam terito, succum
exprimito, & tepidum in aurem instilla-
to, citò intelliges. Si bilis atra est, si lienes
turgent, si cor dolet, si iecur, pulmones,
aut præcordia, vno verbo omnia sana fa-
ciet brassica, quæ intus dolitabunt. Qui
plura curiosè scire curabit, librum de Re
rustica eiusdem consulat, illic inueniet
quod placuisse queat. Sed hæc, inquires,
magna ex parte non quadrant nostræ
hortensi brassicæ, de cuius vsu hodierni
medici inter vtrunque volant. Causam
alibi accipies. His sic positis, venio ad

*Surditas. bi-
lis atra, liē,
cor, iecur,
pulmo, præ-
cordia, men-
ses, oculi &
boleti.*

geoponicos, apud quos lego brassicæ decoctum cum dulci vino haustum, mulieribus menses ducere: adhæc succum eiusdem cum optimo melle remistum, oculos iuuare, si illorum angulis admoueat. Quòd si venenatos boletos quis ederit, potò brassicæ succo valde iuuabitur. Addunt præterea q̄ corpori alimentum ex ea multùm præstari solet: adeò, vt pueri brassica vescentes, citiùs adulescere credantur. Succus cum vino albo ad dies xi, haustus, splenicos & ictericos curat: quemadmodum in Rusticis paradoxis scripsit Paxamus Græcus. In quibus non omittit quòd brassica alumini rotundo, aceto macerato permista, psoram ac lepram mundat: coctaque & præsumpta, voci atque arteriacis affectionibus medetur. Vnde vocis studiosi hæc libentissimè vti solent. Folia perinde atque semen, cum sylphio & aceto trita ac imposita, morsum canis rabidi, vel alterius perfectè sanant. Et si contigerit à destillatione vuulam aut columellã in guttur laxari, succus crudæ brassicæ summo capiti admotus, illam in sublimem oris partem reuocabit, solitùmque locum re-

*Splenicis,
ictericis, psora,
lepra,
vix & arteria.*

Canis morsus & laxata vuula.

Succus melancholicus, os ventriculi, visus, viperarum morsus, et articularis morbus.

Ulceras, caput, menses, tumores, carbunculi, capilli, lienosis, gangrenae & laterum dolores.

petere coget: quod naturæ arcanis & secretis ascribendum est. Hactenus Græci geoponici. Medici vno omnes ore tradunt, brassicam frequenter manducatam succum melancholicum plus iusto augere: cuius substantia os vetriculi etiam lædit, & visum, vt mox dicemus, obtenebrat: quare illa, nisi vrgente olerum meliorum penuria, mensis excludenda est salubribus. Crudus eius succus cum vino potus, viperarum moribus auxiliatur: & cum fœni Græci farina illitus, podagris ac vitiis articulorum præsentis est remedio. Idem prodest sordidis ac vetustis vlceribus, sed impermissus: qui etiam naribus immissus caput purgat, & cum loliacea farina pudendo muliebri inditus, menses trahit. Folia per se illita, aut cum polenta trita, conferunt inflammationibus ac tumoribus, & ex sale carbunculos rumpunt, fluentesque capillos retinent. Eadem folia cruda, ex aceto profunt lienosis, & addito melle cocta, plurimum pollent aduersus vlcera depascētia & gangrenas. Virētes cauliculi cū radice cremati, & vetusto porci adipe excepti, diuturnos laterum dolores mitigāt. Quod poëta herbu-

herbularius nec ignorauit, nec omisit,

„ *Cum Veteri pingui (inquit) cineres caulis bene triti,*

„ *Profunt ad Veteres lateris, coxaque dolores.*

„ *Sit licet hæc vilis, tamen est medicina salubris.*

Si humētem aluum siccare volueris, vbi mediocriter ebulliisse videbitur brassica, priore aqua effusa, repentē aliam calentem ei iniicies, atque ita rursus illam discoques, vsquedum tenera, flaccidāque euaserit: quod non fit cū ventris subducendi causa sumitur. Hinc emerfit Salernitanum illud,

*Quomodo
coquenda
brassica ad
mouendam
aluum, &
continendā.*

Ius caulis soluit, cuius substantia stringit.

Hæc omnia, & plura, versiculis aliquot paulò elegantioribus, Eobanus Hessus, pulchrè & ingeniosè sic est complexus,

„ *Brassica vētris onus bis cocta, comestāque sistit:*

„ *Sed semel & modicè cocta, resoluit idem.*

„ *Profuit hanc succo conspergere pinguis oliu.e,*

„ *Lac auget, multum seminis esse facit.*

Nō putauī hoc loco prætereundū, quòd omnis brassica, vt diximus, oculis admodum officit. Quæ res lucubrantibus, & literarum studiosis est imprimis notanda.

*Lac, si erma
oculi, somnia, &
puerpera.*

|| Parum nutrit, & somnia terribilia parit, ||
|| ob humorem melancholicum, cuius pa- ||

rens, vt monuimus, illa esse solet. Porrò, scitu indignum non est, quòd Athenis olim brassica in cibo parabatur puerperis, amuleti cuiusdam vice, vt author est Athenæus. Tradit præterea Suidas, priscos in cõuiuuis crambem adhibuisse, sed recoctam, adeò vt nauscam adferret, ex quo Græcis in prouerbium abiit, *δὲς κρήμ-
βη δάνατος*. Inest brassicæ vis peculiaris contra ebrietatem: cuius noxas non solum ante cibum & à cibo sumpta impedit, sed etiam crapulam & grauedinẽ inde obortam tollit ac discutit. Cuius rei duos è multis testes & autores profereamus. Marcum Catonem imprimis, hominum, vt scribit Plinius, in omni rerum vsu summum & maximum. Si voles, inquit, multum in conuiuio bibere, cœnareque libenter, crudam brassicã ante cœnam esto quãtum voles ex aceto: & item vbi cœnaueris, esto quinque folia, reddet te quasi nihil ederis ac biberis, bibesque quantum voles. Testem dabimus secundum, Cl. Gal. scribentem, folia brassicæ calida aqua macerata, & capiti circumposita, ebrietati naturaliter resistere: quod mirabili fit oleris huius cum vino antipa-

*Ebrietas,
crapula &
grauedo.*

thia, vt admonuit Agrius apud M. Var-
ronem. Ex quo non temerè scripsisse mi-
hi videtur Athenæus, vineas in quibus
nascuntur brassicæ, languidius vinū crea-
re, vsque adeò illis pernicialia sunt cum
parente & filio, hoc est cum vite & vino,
odia, ac dissidia. Hinc nimirū Theophra-
stus, viuam vitem, oleris huius odore fu-
gari, rectissimè adnotauit: & Plinius, vi-
num in dolio huius sapore & odore cor-
rumpi, sed betæ foliis demersis restitui.
Quo argumento, Androcydes sapientia
clarus, vt idem tradit Plinius, brassicam
cōtra ebrietatem, vt præmonuimus, ma-
ximè pollere dixit: atque hinc Ægyptij
vini, vt scribit Suidas cum Athenæo, ma-
gnoperè amantes, omnibus esculētis co-
ctam brassicam olim in cibatu præmitte-
bant, & primum in symposiis ex eius ole-
re ferculum faciebant, ad inhibēdam vi-
ni noxam & crapulam. Quorū vestigiis,
defixo (vt aiunt) pede, cum alij, tum præ-
cipuè Germani inhærere mihi videntur:
brassicam suis cibis & mēsis anteponen-
tes, & quandoque postponentes, vt do-
lofas vini insidias fallant: quod manu æ-
què liberali prōpinare consueuerunt, at-

*Mira brassi-
ca odia cum
vitis &
vino.*

*Ægyptij,
vini aman-
tes.*

*Germani
laborum pa-
tientissimi,
sed sitis im-
patientes.*

que impigro gutture haurire, laborum alioquin patiētissimi, sed sitis admodum impatientes. In quam rem cum nostro Geruasio Marstallero Brisgoico, Germano mihi amico & vndequaue crudito, sic ludere aliquādo solebam, dum nobiscum ageret,

„ *Germani varios norunt tolerare labores:*

„ *O vtinam possent tam bene ferre sitim.*

*Furfures,
lac, ambu-
sta, impeti-
gines, oculo-
rum fluxio-
nes, poda-
gra, phle-
gmone &
erysipelas.*

Quæ restāt animaduersione digna sunt. Cinis caulium brassicæ & eorundem decoctū, caput à furfuribus emundant si illis abluatur. Et fots vberum ex iusculo brassicæ tepido, lac auget: cinis præterea cum albumine oui, ambustis auxiliatur: & aqua quæ ex eius caule; dum aduritur, stillat, recētes impetigines delet, non secus quàm cortex radicis oxylapathi comāducatus & eisdē illitus. Addam quòd brassica cum tenui polentæ polline trita, & ex aqua rosacea oculis apposita, calidas illorum fluxiones emendat: & si foliis coctis ac tuis fēcem aceti addideris, crudorumque ouorum lutea duo, cum pauco rosaceo, & omnia accuratè miscueris, tepefeceris, admoueris, continuè mutaaueris, præstantissimum experieris reme-

dium aduersus podagræ insultus & accessiones. Eadem brassica per se, vel cum axungia trita, phlegmonis induratis & erysipelatibus valde idonea cęsetur esse, hoc modo: Partes affectæ rhodelæo fuentur, & materia tusa in cataplasmate fasciis alligatur. Nihil mihi video superesse in hac medica brassicæ historia, nisi ingens & minimè vulgare naturæ miraculum, quod tacendum non est: nempe hoc olus, quo vitem fugari diximus, cyclamino & origano aduersum, perarescere: naturali & occulto odio, quo plātæ illæ brassicam non minùs prosequuntur, quàm vitem & vinum brassica, & cõtrà. Hinc absurdum videri nõ debet, quòd si feruescenti & ebullienti brassicæ, paululum vini generosi guttatim quis instilla- uerit, non ampliùs coquetur illa, sed suis viribus defuncta, mutato colore corrumpetur, quemadmodum adnotauit Paxamus ex Græcis geoponicis vnus. Quibus ex rebus appositè colliges, eos qui vinũ multum bibere volunt, & potandi certamine victores coronari cupiunt, crudam brassicã cibus antepone- re debere, ne temulentia, ut paulò antè diximus, tenten-

Vinũ brassicæ cocturã impedire.

*Historia
notatu di-
gna, sed non
imitanda.*

tur. Quod se præfente factū fuisse à quodam docto & philosopho homine, autor est Gulielmus Gratarolus medicus præstantissimus, in libro de tuenda valetudine. Nam dum is in cōuiuio accumberet, probatis & acceptis inuitātium omnium poculis, perstrenuè potauit: quòd foliolum crudi caulis rubescentis præsumpsisset. Hæc de brassica satis, vbi addidero, illam nascētem in locis aridis & siccis, terrestrem esse valde & adstringentem: in calidis verò & humidis, contrà. Adhæc Raphanum Græcis etiam κράμβη dictū, iisdem viribus pollere, quàm brassica: quæadmodū proprio loco explicabimus.

*Apium hortense, seu Petroselinum, &
medica eius auxilia. A R. III.*

*Ignis sacer,
calculi, vri-
na & renes.*

AP I V M fatium, Græcis σέλινον, vulgò Petroselinum, & nostratibus Persilium dici consuevit: cuius facultates & medica auxilia hîc nobis sunt paucis explicanda. Florētinus in suis Græcis georgicis, vt hinc auspicer, tradit Apium cum pane, cataplasmatibus vice impositum, sacris ignibus mederi: eius verò decoctum, calculos, insidentibus deturbare, & fotu idem præstare. Adhæc vrinæ difficultati-

bus, & ægrotantibus renibus, tam folio, quàm radice auxiliari. Quod ab herbulario poëta etiam adnotatum fuisse reperio, vbi de apij planta sic scribit:

- „ Prouocat vrinæ hæc cruda comesta, vel hausta:
- „ Sed magè radicem faciet decoctio sumpta:
- „ Hoc itidem semen operatur fortius haustum.

Subdit præterea idem Florentinus, sugillata colori reddere, si eius semine decocto foueantur, mammarumque duritias, foliis attritis & impositis emollire. Plinius semen cum oui albo illitum, aut ex aqua coctum & potum, renibus mederi scribit: ac in frigida tritum, oris vlceribus prodesse: necnon cum vetere vino, vesicæ calculos frangere: quod etiam præstat radix. Datur ictericis idem semen ex vino albo, & iis mulieribus, quibus statim menses non procedunt. Radicibus in iusculo coctis, vel acetariorum modo ex oxelæo apparatus licebit per hyemem, veris initia, & autumnii finem, potiùs vti, quàm æstate: idq; prædij, vel cœnæ principio: quoniam materias à superioribus ad inferiora, vrinam proritando, euocant, ac vehiculi modo deducunt. Sed hoc loco nequaquam dissimulandum est, quòd

*Sugillata,
mamma, re-
nes, oris vl-
cera, calculi,
ictERICI,
Et mēstrua.*

*Colicus do-
lor, flatu &
inflationes.*

non solùm renibus medetur hortulanũ apium, sed etiam colicis cruciatibus & aliis qui ex flatuoso spiritu egressum non habente generãtur. Prætereà, quòd succus apij cum melle bibitus, coagulatum in vètriculo sanguinem, vomitu exhaurit. Et semen eiusdem coctum in aceto & aqua, lotium remoratũ elicit: plantaque ipsa contusa, & in vuluam missa, fœtum cum secūdis trahit. Quòd si bibatur succus eiusdem, vterus à superfluis humoribus purgabitur. Dioscorides ad nullum determinati morbi genus apium applicat, sed omnibus indifferenter inflatōnibus vtile esse pronuntiat: sic de eo simpliciter scribens, Soluit inflationes. Tradit nihilominus petroselino vires cōtra colũ intestinum, vt diximus, validas inesse: adhæc cōtra stomachum, sic loquẽs: Petroselinon stomachi & coli inflationibus, torminibúsq; medetur. Cui subscribit Galenus, tradens insuper, ori sanè quàm gratũ esse. Plinius incoctũ, aquas potu suauiores reddere prodit: & Florẽtinus Græcus, in cibo sumptũ facere, vt propriæ vulnerum fluxiones magis pronæ deferantur. Oculorum tumores, vti

*Stomachus,
tormina,
vulnera, o-
culorum &
mammarum
tumores.*

etiam mammarum, succus eius mica panis candidi exceptus, emendare solet ac tollere. Quod non prætermisit herbularius poëta, sic de apio rursus scribens,

- » *Illius succo si candida mica terendo*
- » *Panis iungatur, oculis sedare tumorem*
- » *Dicitur, emplastri, noctu, superaddita more:*
- » *Sicque ferunt mammis prodesse tumētibus illā.*

Penè omittebam, quòd neutrum apium (de mare loquor & fœmina) Chrysippus medicus & Dionysius, cibus admittēdum censent (licet Plinij tēporibus, vt etiam hodiernis, per iura largis portionibus innataret, peculiarēque gratiam condimentis accerferet, ex quo *ἔνοσμον* Theophrasto vocatur) quoniam epulis feralibus, vt volunt, dicatum sit, & ob id nefastum habitum. Vel, vt Plutarchus scribit, quòd apio sepulchra coronentur: vnde vetus illud prouerbium, *Apio indiget*: de eo qui desperata sit valetudine. Sed hæc nihil ad apij nostri facultates: Caule fœminini vermiculos innasci tradunt: creduntque eos in sexu vtroque sterilescere, qui ederint: adhæc, in puerperis comitiales fieri, qui post apij cibum vbera hauserint: innocentiorē tamen esse ma-

*Cur olim
apium cibus
damnatum
sit.*

*Sterilitas &
comitiales.*

rem affirmât, vt Plinius scribit, veterum
sententia & testimoniis fretus. Quibus
ex rebus mirandum non arbitror, si re-
centiores medici, ex Auicennæ consilio,
comitialibus seu epilepticis apio interdi-
cant, ac contendunt quòd illorum paro-
xysmos moueat & excitet: atque ea causa
Græci infantulorum nutricibus, & gra-
uidis, puerperis que apium in cibo prohi-
beant. Quanquam alia etiam potest sub-
esse causa, nimirum quòd fœmininos fon-
ticulos reficcet, lactis que prouentum ne-
get, ac vescentes ad libidinem proritet.
Sed ne, quæso, hîc intactum relinquatur,
quòd apium, Celso inter ea que reprimunt
& refrigerant collocatum, febrium ardo-
res ex oleo inunctum, refrigerare, à mul-
tis non infœliciter expertum fuit. Quod
etiam à Q. Sereno confirmatũ scriptum-
que audies ad hunc modum:

- „ *Sin autem calidæ depascent corpora febres,*
„ *Tunc apij succus leui soluatur oliuo:*
„ *Membra line, fotu que ferus mulcebitur ignis.*

Cætera de apij facultatibus conticebo,
nisi quòd pisces ægrotantes in piscinis,
illo summè recreantur ac refocillantur.
Ad hæc, quòd nihil æquè oris suauitatem

*Nutrices,
grauida,
puerpera,
lac & li-
bido.*

*Febriles ar-
dores.*

*Oris & ha-
litus suauis-
tas.*

commendat, atque recens apium & viride commanducatum. Quod meritoria mulieres pleræque non ignorant, apium mandentes & circumferentes, vt virus terti odoris, quo imbuuntur, fallant, & suauio-rem auram spirent. Hanc de apio medicam historiam penè claudebam, cum tria percommode mihi in mentem venerunt. Primum est, quod apium manducandum non est vbi scorpionum ictus timetur: sicuti adnotauit Alubater scribens ad Almanforem Sarracenorum regem. Secundum, quod cocci acetum suis obsoniis apio, & cellarij grauem odorem vino, in faccis eximere solent, Plinio auctore. Tertium, quod petroselinum, hipposelinum, eleoselinum, oreoselinum & apium rusticum, adeo congeneres sunt plantæ, ac tanta virium affinitate coniunctæ, vt altera alterius nomen apud rei herbariæ autores quandoque sibi arroget. Quod ad hipposelinum attinet, ego sanè illud (vt id obiter adnotem) appositè à Gaza equapium interpretatum fuisse mihi aliquando persuasi, non ob insignem magnitudinem, vt multis visum est, sed quod equis ociosis & defatigatis,

*Tria sum-
mopere no-
tanda.*

*Equorum
ocioforum
& fatiga-
torum re-
media.*

salubre sit ac gratum pabulum. Quod non ignorans ter maximus ille Homerus, Achillem ociofis equis legatorum Vlyssis & Phœnicis, palustre apium, aut si mauis eleoselinum, quod nonnulli paludapium vertunt, non temerè exhibuisse scribit. Cuius rei causam Plutarchus in Symposiis reddidit, quòd vacantes à labore consueto equi, pedum vitio offendantur, cui præcipuum remediũ, apium esse tradit. Quo loco illud cum eleoselino & hipposelino, ob virium & auxiliorum cognationem ac similitudinem, cõfundit. Hactenus de hortensi apio & petroselino.

Portulaca, & medica eius auxilia.

AREA IIII.

*Fluxiones
biliosæ, &
febris ar-
dens.*

PORTVLACA ex hortensibus vna est quæ omnium ferè iusculis suo tempore innatat, & pauperum ac diuitum mensas, oleo, sale & aceto condita, inchoat. Frigida est & humida, quapropter fluxiones biliosas ac feruentes, commutãdo & refrigerando emendat, febrique ardente conflictatis summè opitulatur. Quod poëtæ herbulario non fuit occultatum,

de illa hunc in modum scribenti,

- » Humida vis eius & frigida dicitur esse.
- » Vnde iuuat febrem quam dicit Græcia causum,
- » Trita super stomachum viridis si ponitur herba:
- » Præstat idem succus si sumitur, herbâque māsā.

Dentibus qui stupore obtorpescunt ab esu acidorum, austerorum, vel frigidorum, māsā remedio esse solet, ignibûsque sacris auxiliatur, ac Veneris impetus & somnia frangit. Capitis dolores infolatione contractos, cum rosaceo mitigat, & vulneribus syderatione periclitantibus, efficaciter cum polenta inungitur. Prætereà infantibus vmbilico prociuo laborantibus, salubriter apponitur, ac dentes mobiles commanducata stabilit: orisque ac tonsillarum vlcera, & gingiuarum tumores suo opportunè sedat succo. Animalia ventris rotūda ex decocto, vel stilititia aqua pellit, ac dysentericos ex vino hausta liberat. Vnde idem poëta,

- » Mansa, vel hausta potest nimium restringere fluxum
- » Sanguinis, & ventris largum cohibere fluore.

Leontinus Græcus, ex geoponicis vnus, scribit folium portulacæ linguæ subditū, his qui siti cruciantur, bibēdi desiderium

Dentium stupor, ignis sacer, Venus, somnia, capitis dolor, vulnera, vmbilicus, dentes, tonsilla, gingiua, lumbrici & dysenteria.

Sitis, verru-

*ea, podagra
Et mamma.*

*Febris ar-
dens, oris
ulcera, fis-
sura labio-
rum, vulne-
ra, hamor-
rhagia, spu-
tum sangui-
nis & ven-
triculi ar-
dor.*

restinguere, & verrucas multorum die-
rum illitu tollere: quod etiam non omi-
sit Plinius: docens insuper, mammaram
& podagrę inflammationes, succo portu-
lacę cum melle, aut creta cimolia, sanari.
Qui frigido sunt ventriculo, vim portu-
lacę frigidam, mētha, fœniculo, aut simili
quapiam herba calorifica debent obtun-
dere. Sed, ô me obliuiofum! penè omit-
tebã quòd portulaca miraculo quodam
demulcet febres æstuãtes, trita cum hor-
dei farina, & hypochōdriis ac hepatis ad-
mota. Adhęc, quòd melli intincta, com-
mansa, & ore retenta, aphthas ac oris vl-
cera valde emendat. Insuper, quòd sua
radice siccata, & cum melle trita in for-
mam vnguenti, fissuras labiorum, par-
tiúmque aliarum non minùs adiuuat,
quàm vulnerũ dolores, si illis cum oleo
& polenta imposita fuerit. Quę si per-
coquatur, ad hæmorrhagias & sanguinis
profluuia summè efficax habetur. Postre-
mum id erit. Experti sunt veteres, quòd
succus portulacę sputa sanguinis mirifi-
cè compescit: imò verò portulaca ipsa
quouis modo ministrata. Quę si cum
aceto manducata fuerit, ventriculi ardo-

ribus valde commodabit.

Beta, & medica eius auxilia. A R. V.

CLAVDIVS Galenus hoc olus nitro-
fa facultate dotatum esse censet, qua
etiam sordes eluit ac discutit: quæ vis in
candida beta efficacior est, adeò vt ven-
trem ad excernendum inuitet, ac stoma-
chum sensu exacto præditum mordeat &
vellicet, cum nonnulla hepatis iactura.

*Sordes, ven-
tris excre-
tis, stoma-
chus & he-
par.*

Quæ duo postrema, versiculis duob⁹ ele-
gantissimis sic expressit Eobanus Hessus,

„ Cruda nocet beta, hanc coctã sumpsisse iuuabit:

„ Süpta frequens stomachũ vellicat, atq; iecur.

Diphilus medicus geponicus tradit, be-
ta cãdida aluos solui, & rubra vrinas pro-
ritari. Sunt qui nigram vituperent, quòd
atrabiliarium sanguinem gignat. Succus
naribus inditus, caput purgat: infusus,
aurium dolores sedat: illitus, dentium
cruciatus compescit. Si caput succo illius
detergeas & confrices, à porriginè & pi-
tyriasi vindicabis: & si radicis succum na-
ribus iniicias, dentium cruciatus emen-
dabis. Si decocto perniones fouebis, eos
mitigabis: si folia coxeris, ambustis me-
deberis. Addam quòd vsus betarum fre-

*Aluus, vri-
na, caput,
aures, dentes,
porrigo, p-
niones, am-
busti, nyctal-
opes, vul-
narum vi-
tia & ven-
ter.*

quens nyctalopibus est utilis: & si cum atriplicé illarū decoctum vuluis ritè infundatur, earum vitia corriget. Beta nigra seu rubra coquitur cum lente lubrico ventri cohibendo, quem, vt diximus, cādida soluit: quæ cocta, & cum allio crudo sumpta, intestinorum tincas abigit. Iecoris obstructionibus aptiùs quàm malua accommodatur, maximè vbi cum sinapi, vel aceto estur: lienosos similiter māducata, mirificè iuuat. Vnde quis eam medicamentum potiùs quàm alimētum dixerit, vbi hoc modo manditur. Menander, vnus ex schola Græcorum geoponicorum & medicorum, tradit radices betę tostas, tetrū allij odorem ac virus extinguere, si supermanducētur. Quæ rubras vel subrubras habent radices, vt valentiùs nutriunt, ita sanguinē gignunt longè crassiorem quàm folia: illudque insuper obtinent, quòd flatus facilè pariunt, cum facilè per aluum alioquin descendant. Huius oleris, sicuti aliorum, exigua est alimonia: quòd si largiùs sumatur, stomachum, vt paulò antè dicebamus, infestat & mordicat. Tacendū non est, quòd sicuti à brassica vini sapor (vt suprà docuimus)

Vermes, iecoris obstructionibus, lienosis, & flatibus.

Quale nutrimentum à beta.

cuimus) in dolio facilè corrumpitur, ita odore betę, foliis eius demersis, facilè reparatur. Caterùm si acetum subito facere voles, tusam betę radicem in vinum conicias, post horas tres in acetum degenerabit: quod si voles in pristinũ statum restitui, brassicę radicem indidisse satis erit. Sed hæc ad nostra vinorum secreta & auxilia releganda erant: quorum participes nunquam fient œnopolæ, nisi vina in multorũ perniciem temerè confundere & perditè turbare desinant.

Vinum & acetum.

Blitum, & medica eius auxilia. R. VI.

STOMACHO inutile olus censetur esse blitum, vĕtrem adeò turbans, vt choleram morbum aliquibus faciat, & alui fluxiones vomitionesq; cum intestinorũ torminibus, mota bile excitet: quod de immodico & assiduo eius vsu dictum accipies. Vnde à Plinio iners olus nuncupatur, & à poëta Hesso ignauum, ac ventri mouendo duntaxat vtile,

Venter, cholera, alui fluxio, vomitus & tormina.

„ *Ignauum (inquit) sine honore blitum, sine viribus estur,*

„ *Hoc solo, ventrem quòd bene deiiciat.*

Hinc fortasse fit, vt homines inertes &

D

Blitū igna-
uum & fa-
tuam olus.

inutiles *Bliteos* prouerbialiter vocēt Gal-
li. Sed hīc prætereundum non est, quòd
prisci cum blito betam confuderunt: vn-
de Martialis hanc fatuam, seu inspidam
hoc disticho appellauit,

„ *Vt sapiant fatuæ fabrorum prandia betæ,*

„ *O quàm sæpè petet vina, pipérque coquus!*

Furfures et
ambusta.

cùm re vera sapore sit nitroso, & non fa-
tuo, aut insipido, vt blitum. Vnū & item
alterum bliti auxilium omittebam. Prius
est, quòd aqua decoctionis eius, & maxi-
mè rubri, cum suis radicibus, furfures ca-
pitis amolitur. Posterius, quòd folia sub
cineribus cocta, vel elixata, ambustos sum-
mè iuuant.

*Oxalis seu Acetosa, & medica eius
auxilia. AREA VII.*

*Oxalidis
usus ad ex-
citandam
appetètiã,
& alia.*

OXALIS ab acido succo nomen habet,
vnde apud multos *Acetosa* dici solet,
& vulgari nomēclatura *Oxella*. Duorum
est generum, maior, & minor. Vtraque
iuribus affatim innatare cōsuevit, & sin-
gularē gratiam in acetariis habere. Quin
& carnibus intingendis iucundum succi
viridis accrementum subministrat: nec
aliud in obsoniis maiorem sibi vendicat

autoritatē : quam de multis in illa talem
 sum expertus , quòd carnes quantumuis
 duras , coriaceas ac peruetustas , esui aptas
 reddit ac teneras , si illi concoquantur &
 præmaceratæ elixentur . Nam lubricæ &
 humentis est naturæ , quâ dura emollit :
 Quæ facultas cum multò validior & ve-
 getior sit in oxylapatho & lapatho , ita
 rem eam certiozem cum illis sum affecu-
 tus , quàm cum hortensi oxalide , quâ
 nihil frequentius vbique ad irritandam
 appetentiam , si langueat , aut mitigādum
 vētriculi vel hepatis æstum immodicum ,
 si opus sit . Quod poëta herbularius nec
 ignorauit nec omisit : de Oxalide , hunc
 in modum scribens ,

Ventriculi
 & hepatis
 æstus.

„ Hanc auidè multi comedunt in tempore Veris :

„ Expertumque ferunt sibi quòd fastidia tollat .

Semen vtriusque tritum ex aqua aut vi-
 no , vtiliter bibitur contra dysenterias , &
 cœliacorum affectus , ac stomachi fastidia
 & nauseas . Radices ex aceto coctæ , aut
 crudæ illitæ , lepras & impetigines sanāt :
 sed antea locus aceto & nitro in sole est
 perfricandus . Sunt qui planta tota effica-
 citer vtantur (sicuti etiam aizoo mino-
 re) aduersus erysipelata & herpetas , nec-

Dysenterici,
 cœliaci, nau-
 sea, lepra,
 impetigo,
 erysipelas,
 herpes &
 oculi.

*Podagra,
capitatal-
gia, & fluxus
muliebris
ac ventris.*

non tumores oculorum in cataplasmate:
prætereà aduersus calidas podagras cum
polenta, & antiquos capitis dolores, cum
rosaceo. Fluxum muliebrem vtero ap-
posita, cōmodissimè sistit, vt tradit Dio-
scorides: sed non menstrua, seu lunares
fœminarum purgationes, vt vult poëta
herbularius. Ex quo etiã addimus quòd

- .. *Omne genus fluxus ventris restringere mirè*
.. *Cum vino potata solet, vel mansa frequenter.*

*Pruritus,
dentes, stru-
ma & re-
gius morb⁹.*

Decoctum radicū eius, pruritus corpo-
ris sedat, si eo foueatur aut confricetur:
corpus in solis balnearum: mulcet insu-
per dentium dolores cum vino. Nōnulli
in strumis amoliendis radicum gestami-
ne vtuntur, eas collo appendentes: quæ
etiam cum vino potet, regio morbo auxi-
liatur. Verùm, hæc omnia efficacius præ-
stare solet oxylapathi radix. Apuleius ad
abscessum qui fit in inguine, oxalidē con-
tundit absque sale, cum veteri axungia,
quæ dupla esse debet ad herbam: iisque
probè commixtis, pastillum concinnat,
quem folio caulis inuolutum sub calidis
cineribus sepelit, & mox abscessui aut
bubonicalentem applicat, lineoque pan-
no tegit, & colligat. In vino austero cocta

*Abscessus
aut bubo
inguinum
& malacia.*

& potata prægnantium malaciam & deprauatam appetentiam emendat: quod etiam præstat citrij decoctum. Non tacebo quòd radix aqua incocta, vel macerata, rubelli vini colorem mètiri solet, grata & salutari febricitantibus impostura. Folia papyro vestita, & sub calidis cineribus igneum teporem experta, necnon pauco rosaceo excepta, quosuis tumores ad suppurationem facillè mouent. Noui quendam qui omnes dysenterias in paruulis, ad hunc curabat modum. Oxalidem forti aceto macerabat, deinde stuppis eodem aceto intinctis, sub calidis cineribus modicè decoquebat, postea succum exprimebat, & calidū propinabat. Penè omiseram, quòd oxalis mirabilem habet energeiam aduersus luem pestilentem, si ex aceto macerata, matutinis sumatur horis: fœlici experimento probatum, quemadmodum locis multis ostendimus in nostro opusculo de Peste. Hoc postremū sit, Nostrates mulierculæ in febrrium ardore contusam oxalidem carpo manuum utiliter imponunt.

*Tumores,
suppuratio,
paruuorū
dysenteria,*

*Pestis &
astus febrilis.*

Spinacea, & medica eorum auxilia.

AREA VIII.

D iij

SANE mirandum est, spinacea olera veteribus incognita fuisse, cum & pauperum & diuitum mēsas onerēt per verna ieiunia, ac eosdē inferciant & saturēt.

Alui lubricatio et flatus.

Aluum emolliunt, & corpus humectant, flatúsque colligunt, nisi humor excrementitius abiiciatur, & calidis rebus admotis emēdetur. Cæterùm, quia in istorum olerum cibaria præparatione & esculenta, à multis peccatur, ideo illā paucis hoc loco ostendisse, inutile fortassis non erit. Abiectis radicum capillamentis citra aquam elixari postulant, nam magnam vim humoris inter coquēdum effundunt, proprióque iure contenta, alienum aspernantur: aliter si coquas, nativum illorum succū perdis ac temerè inebrias. Abactó post elixationem lentore, ligneo cultro, aut aliter, percutiuntur, & subinde versantur, postea in manuales globos & offas herbaceas (expressa penitus sanie) rediguntur, ac patinis ex oleo optimo vel recenti butyro, diligēter fringuntur, addito omphacio & piperis tusi momento, vt magis palatum titillent, & flatulētam humiditatem exuant. Sed hīc medicum agimus, non coquum: quare,

Quomodo sint coquenda & apparatus spinacea.

Notanda et in usum vertenda.

quæ medicorum sunt promittamus, & sua tractent coquinalia coqui.

Borrago, & medica eius auxilia.

A R E A I X.

BORRAGO, quæ verum & legitimum buglossum multis esse creditur, foliis suis, obsoniorum iuribus salubrem & peculiarem addit gratiam: éstque hyeme apud nonnullos eius radix, foliorum vice, quoties anni tēpus illa denegat. Flos æstate in acetariis summè gratus habetur. Olus hoc, suavi suo odore (nā pepo- nem iucundissimè subolet) vires recreare solet, ac animi voluptates, vt tradit Galenus in vino augere. Ex quo Græci ἀφρόσυρον, hoc est oblectans & lætificans, scitè admodum nuncuparunt: adhæc ἰκ- τερὶς, id est tristitiam discutiēs. In quam rem alludit vulgaris versiculus,

Borraginē vires ac animi voluptates recreare.

„ *Dicit borrago, gaudia semper ago.*

Tradunt plātam hanc vtilem esse aduersus horrores febrium, eiúsque radicem quæ treis emiserit thyrsos, cum semini- bus tritam, & ex vino decoctam, tertianis prodesse; quæ quatuor, quartanis, quod etiam cōfirmat Discorides. Alij testātur

Febris tertiana, abscessus, tussis.

D iij

Febris, cholera rubra, pulmonarij, cardiaci, ischiatici, & memoria.

abscessibus valde accommodam esse. Galenus illos, qui ob faucium asperitatem tussiunt, decocto eius in melicrato summè iuuari scribit. Plinius addit, quòd si quis borragine aut buglossò inarescente, medullam è caule exemerit, alligaueritque septē folia ante accessionem, à febre liberabitur. Poëta herbularius ex Arabum placitis etiam adducit,

- .. *Quòd choleram rubram nimio feruore perustā*
- .. *Purgat, cum vino fuerit si sumpta frequenter:*
- .. *Humores nocuos pulmonis detrahit hausta,*
- .. *Mixtus aqua tepida si succus sumitur huius.*

Partus eius purgatio.

Subdit præterea, quòd cardiacis valde prodest, & iis qui coxēdicum labores patiuntur: adhęc, quòd vino sæpè immersa, memoriam reddit illæsam ac vegetā. Hic non tacebo quod expertū audiui: Si mulier post partum non potest liberè purgari, propina illi succum borraginis, porrorum & petroselini, cum vino, vel oleo dulcium amygdalarum, & videbis rē admiratu dignam. Si addideris suffitum ex cornibus & vnguibus capræ, vterum valde commouebis ad excludendum excrementitias gestationis reliquias.

Asparagi, & medica eorum auxilia.

AREA X.

Hic mihi monendus est lector, quòd Græci germina herbarum & fruticum ante florem erumpentia, nomine largè sumpto, asparagos nuncupare solent. Sed nos hoc loco agimus, duntaxat de iis asparagis qui satiui sunt & altiles, quique propriè ac peculiariter id nominis sunt adepti. Horum cibus stomacho vtilissimus esse traditur: cui si cuminum vel anisū addatur, alui & coli inflationes discutiet, vrinas mouebit, ac calculos exturbabit. Sunt qui ad vuluæ dolores radicem cum vino dulci propinent, & negent ab apibus illum posse pungi, qui asparagis cum oleo tritis perunctus fuerit. Plinius pectoris & spinæ doloribus summè prodesse scribit, ac Venerem stimulare, & ventrem leniter mollire. Sed ante alios cibos debent sumi. Vnde maximo-perè peccant, qui postrema mensa illos apponunt. Dioscorides assos aut elixos, vrinæ stillicidium, difficultatémque, ac dysenterias mitigare tradit. Galenus verò renes ac iecur infarctu liberare, maxime radice & semine. Quod Q. Serenus

*Stomachus,
inflationes
alui & coli,
vrine, cal-
culus, vul-
ua pectoris
ac spinæ do-
lor, Venus
& venter.*

*Straguria,
dysuria, dy-
senteria, re-
nes & ie-
cur.*

in sua illa celebri remediorū poëtica syl-
ua non omisit, hunc in modum scribens
de lumbis & renibus sanandis,

” *Aut caput asparagi cum vino sume vetusto,*
” *Seu maui appone: modus conducit vterque.*

*Vrina &
dentes.*

Radicis decoctum agrè meientibus pro-
dest, ac dentibus excruciatibus medetur, si
qua dolent parte contineatur. Non de-
sunt qui canes necari scribant, hausto
asparagi iusculo. Quod an verum sit, nec-
ne, faciet experientia fidem. Cæterum
hîc non dissimulabo, nec tacebo, quòd
medicam coctionem sustinent asparagi:
nam diutiùs percocti, in tabem abeunt.
Ex quo Imperator Drusus, celerem rei
successum demonstrare volens, dicere
solebat, *Citius quàm asparagi coquantur.* Si
in iure pingui elixentur, suum condi-
mentum sic apud multos secum referunt:
Si in aqua, oleo optimo, vel butyro recē-
ti, addito sale & aceto, piperis que momē-
to conspersi & imbuti, summa cum vo-
luptate māducantur. Sed rursus obliui-
scor me hîc medicum agere, nō coquam.

*Quomodo
coquendi et
parandi sint
asparagi.*

HORTI MEDICI CAMPVS

SECVNDVS, RADICES ALIQVOT
esculentas, quatuor arco-
lis continens.

Porrum hortense, & medica eius

auxilia. AREA I.

RADICES aliquot hortorum esculen-
tas medicè hîc descripturus, à porro
auspicandum duxi: quod Sotion in suis
Græcæ agriculturæ præceptis refert tri-
tum & appositum, morsus reptilium, *Reptilia,*
alio quouis pharmaco citiùs, curare: eiùs- *dysuria,*
que semen cum passo potum, vrinæ diffi- *sanguis,*
cultati mederi. Adhæc vetustis sanguinis *oculi &*
reiectionibus opitulari, si temperato *stomachus.*
modo cum pari baccarum myrti vel gallæ
mensura, & thuris farina, opportunè ex
vino, si febris absit, propinetur. Hippo-
crates absq; vlla mistura dari iubet, vsûm-
que porrorum nimium & continuû pro-
hibet, quòd oculorum aciem hebetet, ac
stomachum malè habeat. In quam rem
Eobanus Hessus pulchrè & eleganter al-
ludit ad hunc modum:

Officiunt oculis capitati segmina porri:

Interiora graui viscera mole premunt.

*Succus por-
rorum inter
deleteria
adnumera-
tus.*

Vfus illorum innocentior fiet, si tantum percoquatur, ut in tabem ferè soluantur: sic enim creduntur non minus alere quàm carnes: tametsi agrè à ventriculo conficiantur, ob fibrosum nescio quid, quod illis inest. Crudorum succus largus Plinio inter deleteria recèsetur. Nam fama est, Melà equestris ordinis reum, ex procuremente à Tiberio principe accersitum, in summa desperatione succo porri ad trium denariorum argenteorum pōdus hausto, confestim expirasse absque cruciatu. Porrum ex melle tritum vlcera purgat: & eius succus paucus cum lacte muliebri haustus, profluuia ex abortu sedat, tussimque vetustam curat, quemadmodum herbularius adnotauit poëta,

- „ *Cōmixtus, inquit, porri succus lacti muliebri,*
 „ *Et bibitus, tussim fertur sanare vetustam:*
 „ *Ac variis vitiis pulmonum subuenit idem.*

Vlcera, fluxus muliebris, tussis, pulmo, punctura venenata & capitis dolor.

Datur salubriter cum vino his qui à venenatis bestiolis icti fuerunt: imò verò cum melle tritum vtiliter puncturæ earundem superponitur. Si prætereà eius succo pars mellis tertia addatur, & per nares vel aures guttatim infūdatur, modò id tepidum fuerit, capitis dolores fri-

gidos compeſcet. Idem ſuccus aceto exceptus, vel cum galla remixtus & fronti illitus, ſtillantem è naribus ſanguinem ſiſtit. Quod etiã fiet ſi adiecto thuris pol-
line naribus iniiciatur. Quin & thoracis vitia cum melle datus expedit. Hic non eſt tacendum ex Galeno, quòd porrum acrimoniam deponit, ac minùs inflat, ſi bis permutata aqua decoquatur, deinde frigida perfundatur: quo modo etiam fluentem aluum ſiſtere fertur, & grauem vocem explicare, faucium aſperitatẽ ſuo lentore deliniendo. Vnde & perdices (ſi Ariſtoteli credimus) porro veſcũtur, canoræ vocis gratia. Hinc minùs mirũ eſſe debet, à Nerone manſum fuiſſe porrum ex oleo, ſtatis menſium diebus, ad conciliandam vocis præſtantiam, dum pro ea certaret cum phonaſco: per quod tẽpus, nihil aliud, ac ne panem quidẽ, ſumebat, quemadmodum ſcribit Plinius, qui de ſectiuo porro id intelligendum cenſet: cui ille idem princeps Nero autoritatem dedit. Experti ſunt nõnulli, ſuccum porrorum ex vino hauſtum, lumborum dolores mitigaffe, & fracturas, apponendo ſolidaffe. Quid ampliùs?

*Sanguis,
thorax,
fluor alui
& vox.*

*Pulchra hi-
ſtoria de
Nerone.*

» *Contractas vulvas succo curabis eodem:*

» *Hocque hausto reddes fecundas saepe puellas.*

*Lumborum
dolor, fra-
ctura, san-
guis, vulne-
ra & lotij
difficultas.*

Diffimulandum non est ex Dioscoride, Plinio & Celso, quod porris facultas inest adstringendi, & sanguinem, ut diximus, supprimendi: ex quo vulneribus ritè imponuntur. Quod Q. Serenus non tacuit, hunc in modum ea de re eleganter scribens,

» *Præterea nimios reserati vulneris amnes*

» *Fœniculi cinis adstringit, vel fimbria porri.*

Semen eiusdem cõtusum, & ex passo, aut vino albo generoso, ut diximus, bibitum lotij difficultates soluit, ac vrinarios meatus aperit. Et si succo porri misceatur adeps anseris, ac eo inũgatur collum vteri post mēstruas purgationes, cõtractam matricem relaxabit. Idem succus cū aqua tepida haustus, potēter operatur in euocando & ducendo fœtu parturientium. A nonnullis pro experto audiui, quod porri semina cū mirrha & aqua, vel succo plantaginis trita, saluberrimum præstant auxilium aduersus excreationes sanguinis pulmonarias, vel thoracales. Et eorundem drachmæ duæ cum granis aliquot myrti & aqua portulacæ idem ope-

*Vterus, par-
tus, sangui-
nis sputum.*

rantur. Præterea vapor decoctionis foliorum porri, saluiæ & lauri ex generoso vino, per anum exceptus, & calentes herbæ, ventri appositæ, eius dolores etiam colicos abolent. Quod experimētis multis testatum est cum sequentibus: nimirum, quòd succus porri sectiui cū melle vulvas purgat, & cū vino generoso haustus, menses ciet. Cibus ex illis frequenter repetitus, ad fœcunditatem prodesse fertur. Et si cum thure, aut galla teratur porrum, & eo nares inferciantur, fluentem ex illis sanguinem sistet. Cæterùm, si quis experiri volet num membrum aliquod amputandum, verè sideratum fuerit & sphacelismo tactum, partem eam porrorum quæ virescit, cõtundat, & vna nocte membro superponat. Id si postridie liuorem aut nigrorem nō nihil exuerit, significabit vitale adhuc esse, sin minus, mortuum & iustè amputandum, ne pars sincera trahatur. Experimētis multis confirmatum fuisse mihi fidem fecit Hispanus quidam arcanorum naturę explorator indefessus: quod posteris impertitum volui. De medicis porrorum auxiliis hætenus. Sed prius quàm ex hac

Colicus dolor, vulua, menses, fœcunditas et fluor sanguinis.

Notatu valde dignum.

*Quomodo
regatur fœ-
dus odor
ex porris.*

*Quomodo
fiat ex vino
acetum &
contra.*

tabula porracea manū tollam, monuisse iucundum erit, & fortasse gratum, quòd qui cuminum prægustauerit, fœdum & tetrum porrorum odorem nūquam exhalabit, etiam si largā manu porrum ipsum manducauerit: nam eius esu grauis halitus extinguitur, quēadmodum tradidit Sotion in græcis agriculturæ præceptis. Hoc vnum restat ex Petro Crescentio cognoscendum, nimirum quòd semen porri in vinum proiectum, efficit ne acefcat: imò verò vt acetum in vinum redeat, hoc est acorem omnem exuat. Quod experientia admodum facili & labore paruo ita probari potest, vt inde sequantur cōmoda mille. Sed indigni sunt nostrates œnopolæ, vinorum pestes, & eorundem perniciosi fucatores ac impostores, qui hæc resciant, & alia item iucunda æquè ac vtilia, quāplurima, in nostris vinorum secretis & auxiliis describenda.

Cepa, & medica eius auxilia. AR. XI.

VETERES rustici, vt testatur Columella, Cepas *Vniones* nūcuparunt: quòd vno & singulari constent capite, & non pluribus bulbis aut nucleis coagmētato,
vt

vt allium. Quod nomen apud nostrates Gallos, velut triuiale haectenus vsurpatur. Hippocrates cepam aspectu, magis quam esu, commendauit, visu bonam esse dicens, & gustatu malam, quia est mordax, summè calida, & æstuosa. Sotion Græcus agricola & medicus, autor est, quòd si quis teneriorem cepã cum melle ieiunus quotidie manducauerit, firmitatem valetudinis custodiet. Id quod etiã adnotauit herbularius poëta, de cepis hunc in modum scribens:

Hippocratis iudicium de cepa.

- „ *-quisquis ieiunia soluerit illis,*
 „ *Vna quaque die, viuet hic absque dolore.*

Tradit insuper idem Sotion, cepas vlcera ad sanitatem perducere, & vitiligines in Sole perfrietas emaculare, purulentisque auribus suo prodesse succo. Si anginis illinantur, illis auxiliari ferunt: perinde atque tussi, modò sub cineribus coquantur, & ex oleo comedãtur. Sunt qui adfirmēt virides cepas ex aceto perlitas, canis morsum post diem tertium soluerre: necnon in foculo tostas, & cum hordeacea farina impositas, epiphoris, genitaliũque vlceribus succurrere: & succum tepidum cum lacte muliebri instil-

Vlcera, vitiligines, aures, angina, tussis et canis morsus.

E

*Epiphora,
genitalia,
aures, ob-
mutescētes,
Et morsus
canis.*

latum, aurium grauitatem ac sonitum emendare. Quem etiam ex aqua bibendum multi dederunt repenti obmutescētib. Hæc omnia, ille idem poëta, versibus aliquot expressit, de cepis ita loquens,

- ” *Appositas perhibent morsus curare caninos,*
- ” *Si tritæ cum melle prius fuerint, vel aceto:*
- ” *Apponunt alij cum vino, melléque tritas,*
- ” *Transactisque tribus soluūt cataplasma diebus.*
- ” *Fœmineo lacti commistus succus earum,*
- ” *Pellit sæpè graueis, infusus, ab aure dolores.*
- ” *Is rursus commistus aquæ, bibitusque iuuabit,*
- ” *Illos, quos subitus facit obmutescere morbus.*

*Dysenterici,
lumborum
dolor, hy-
drops, le-
thargus, tu-
bercula, na-
res et caput.*

Non defuerūt qui cepas dysentericis exhibuerint, & lumborum doloribus mirificè prodesse dixerint: succumque illarū cum succo fœniculi, incipientibus aqua intercutanea laborare vtiliter propinarent. Qui vnus cum ruta & melle, etiam lethargicos excitauit: & cum passis vuis, vel fico, tubercula maturauit, & cōfestim aperuit. Idem naribus exceptus, caput à noxiis humoribus exonerat: & cum bōbace, in anum missus, cunctantes hemorrhoides euocat. Præterea cepa confricata pilos regenerat, & olfacta paraly-

ticos ac spasmodicos valde iuuat. Quæ al-
 ba est, sub cineribus cocta & multo buty-
 ro recenti excepta ac pista, vehementes
 hæmorrhoidum dolores sedat, illis appo-
 sita. Cum sale & melle trita, & morsui ab
 homine vel rabido cane impresso, diem
 vnum admota, auxilium non vulgare ad-
 fert. Et si cum adipe gallinæ teratur, cor-
 poris rubras ac liuentes maculas oblite-
 rat, maximè faciei. Quod etiam præstat
 sanguis gallinæ nigræ. Eadem cepa cum
 sale aut melle trita callos & poros eradi-
 cat, præsertim qui de calceamētorum at-
 tritu fiunt. Addam ex Galeno, quòd qui
 ex vetere cepa locū alopecia vel ophiafi
 glabrum sæpenumero fricabit, summum
 illi præsidium adferet. Prætereà, si cepa
 in vino, vel aqua parum coquatur, dein-
 de teratur, & in oleo communi frigatur,
 ac vtero emplastretur, dolores à partu
 relictos soluet. Et qui eandem sub cine-
 ribus coctam cum fermēto & oleo lilio-
 rum subiget, præstantissimum habebit
 remedium ad maturādum, emolliēdum
 ac digerendum. Sed ne, obsecro, omitta-
 mus quòd cepa solo odoratu materiam
 multam pituitosam à cerebro elicit: ad-

Hemor-
 rhoides, pa-
 ralysis, mor-
 sus canis ac
 hominis, pu-
 stule calli &
 pori.

Alopecia,
 ophiafi,
 partus &
 plage be-
 stiarum.

*Menstrua,
intertrigi-
nes, dysente-
ria, hamor-
rhoides &
oculi.*

*Cepam ha-
bere vires
lunæ con-
trarias.*

hæc quòd præsci bestiarum omnium pla-
gis ceparum succum fœlici successu instil-
lauerunt : monueruntque cepam com-
māducatam, vel ex vino albo potam, tar-
dantia menstrua accelerare, & pedum in-
tertrigines, succo gallinarum pingui re-
misto, emendare. Qui foculo percoctam
& oliuo exceptam sumpserit, morsus ac
biliosas erosiones, dysenterix comites,
maximoperè leuabit, necnon sæuos hæ-
morrhoidum labores. Sed lucubranti-
bus, & literarum studiis addictis summè
cauendum est, ne cepis ac alliis profusè
vtantur : nam oculos vitiant, visum ob-
tenebrant, sitim accendunt, & bilem ex-
acuunt : profunt tamen pituitosis vtcun-
que, & maximè hyeme. His addo, ex Ga-
leno, quòd cum bis elixa fuerit cepa, acri-
moniam deponet, virésque imbecillio-
res habebit, succi prauitatem nec retinēs,
nec agnoscens. Verū enim uerò, hoc loco
valde admirandum occurrit, quòd cepa
olerum omnium sola, vt tradit Plutar-
chus, Lunæ damna non sentit, habetque
augendi & minuendi, vires illi cōtrarias.
Nam reuirescit ac regerminat deceden-
te & senescente luna, inarescit verò ac

marcescit eadem redeunte & adolefcēte. Atque hinc fortasse factum fuit, vt Pelusiotæ Ægyptij sacerdotes, cepas religiosè suis abdicarint mensis. Nam cū fruges, herbæ, arbores & animalia sideris lunaris incremēta & detrimēta sentiant, sola cepa vicissitudines agnoscit aduersas. Pro coronide sit hoc. Ceparum philuræ seu tunicæ sub cineribus coctæ & tepidè parti ambustæ admotæ, vstionis cuiuscūque dolorem ac sensum tollunt. Quod etiam præstare solet earūdem succus expressus & linteolis exceptus, ac non nihil calens per initia adhibitus. Nam acres fuligines & vstionis scintillas sub densata cute delitescētes expedit, & foras laxata cuticula abire finit. Res variis experimētis mihi & item multis, sæpenumerò probata.

*Remedia
cōtra vstionem.*

Allium hortense, & medica eius auxilia.

A R E A I I I.

INTER ruris pulmentaria, & domestica agri præsidia, allium admodū familiare esse, nemo est rerum rusticarū studiosus qui nesciat. Hinc de Græcis geoponicis vnus Sotion tradit, allia in cibo sumpta, vel è regione ventriculi appēsa, lumbrici,

*Lumbrici,
reptilium*

E iij

*ictus, rabio-
sicanis mor-
sus, & alio-
rum vene-
natorum.*

cos expellere: & in cataplasmate, morsis à vipera, aut rabioso cane, mirum in modum auxiliari: imò verò si quis illa præsumpserit, à serpentū, reptiliūmque venenis tutissimum esse. Quarum rerum post Græcos, Arabes & Latinos medicos omnes, testem citabimus Eobanum Hæsum, poëtam elegantis. de allij viribus in hunc modum scribentem:

” *Nanque venenatis melius vix vlla medentur*

” *Pharmaca, serpentes illius arcet odor.*

Quod etiam longè ante Eobanum confirmavit herbarius poëta, de eodem allio sic loquens,

” *-mansum, vel inunctum*

” *Curat quos serpens, vel scorpius attulit ictus.*

” *Sanat & appositū morsus cum melle caninos.*

*Pulchra &
mirabilis
historia, ac
notata sum-
mè digna.*

Hinc verè scripsisse mihi videtur Volaterranus, suo tempore inuentum fuisse rusticum, qui cum serpētem per hiantes fauces in agris dormiēdo, ignoranter admisisset, sese statim commāducatis alliis, ceu præsentī amuleto curauit: virus tamen ac mortem, vxori (res mira) in coitu stillauit, ac transfudit. Ex quibus facile colligis, allium rusticorum theriacem appositissimè dici: quòd illo nec præsen-

tius, nec certius vllū habeant antidotum
agrestes aduersus venena & venenata
omnia. In quam rem allufisse mihi vide-
tur Virgilius philosophus & medicus ar-
canorum naturæ conscius, hoc disticho,

- „ *Thestilis & rapido fessis messoribus estu,*
„ *Allia, serpillūmque herbas contundit olentes.*

Causa esse potest, quòd odorata omnia,
vermibus ac serpentibus sint valde no-
xia: vel quòd allia defatigatos spiritus re-
creent, & labascentes vires firment ac su-
stineant. sed versus Æmiliij Macri super
ea re pulchrum erit audire.

*Acria &
odorata, oīa
serpentibus
infecta.*

- „ *Hæc ideo (inquit) miscere cibus , messoribus
est mos,*
„ *Vt si fortè sopor fessos depresserit artus,*
Anguibus à nocuis tuti requiescere possint.

Redeò ad facultates, & medica alliorum
auxilia: quorum spicata & bulbacea capi-
tella melle subacta, suggillata delere, ac li-
uentia ad colorem reducere experientia
docuit: necnon vrinas mouere, vitiiisque
renum pugnare: & dentium dolores, ore
contenta, sedare, maximè à causa frigida.
His, ex Celso licebit addere quòd allium
ante accessionem quartanæ manducatū,
calorem mouet qui horrorem non ad-

*Suggillata,
vrina, re-
nes, dentes,
quartana
& oculi.*

*Pediculi,
lendes, ver-
mes, papu-
larum eru-
ptiones, len-
tignes, li-
chenes &
tussis.*

*Tussis: fe-
bris, vene-
num, conco-
ctio & ocu-
li.*

mittit. Sed illud de multis est memora-
bile, vt scripsit Serapio, quòd licet sanam
oculorum aciem lædant allia, nihilomi-
nus eandem humiditate vitiatam ac he-
betem refocillant. Cum nitro, sale & ace-
to inuncta, phthiriasi, seu pediculari mor-
bo medentur: quod etiam præstant per
se, tum pota, tū illita, ex Plinij & Auicen-
næ sententia. Dioscorides contra pedi-
culos & lēdes, cum origano vtiliter pro-
pinari tradit, siue cruda, siue cocta fue-
rint. Absque rei alterius permisione in
cibo sumpta, contra vermes prodesse, au-
tor est Celsus: cui subscribēs Rufus Ephe-
sius addit, noua antiquatis esse præstan-
tiora. Cum oleo & sale papularum eru-
ptionibus profuisse testatum est: adhæc,
lentigines ac lichenas emaculasse. Vctu-
stæ tussi tam cruda, quàm cocta succurrūt:
sed cocta crudis vtiliora censentur, & eli-
xa, tostis, ac ita voci plus conferunt. Sunt
qui pro certissimo experimēto mihi nū-
tiarunt, allia tria cum porci axungia sub-
acta ad formam vnguenti, summum ex-
hibuisse præsidium aduersus tussim ex
frigore contractam, quoties plantæ pe-
dum eo vnguento, ante focum inunctæ

fuerunt, & in lecto, spina dorfi: verum in prandio & cœna pectorali decocto vten- dum est. Profuit idem vnguētum etiam contra febriles horrores ac rigores, sed cum suprâ dictis, carpi manuum etiâ in- ungi debent. Qui allia prægustauerit, si venenum hauriat, nihil ei incommoda- bit: & qui coctiois munia obire nō pos- sunt, magnas vtilitates ab alliis percipiēt: modò id prodiga non fiat manu: nam sic oculis impense nocerent: quod non præ- termisit poëta Hæssus, de allio ita canēs.

- „ *Præterea, coctumue cibo, crudumue comestum*
- „ *Calfacit, & stomachos humiditate leuat.*
- „ *Verum oculis per sepe nocet, si copia sumpti*
- „ *Multa sit, & siccâ conficit ora siti.*

Praxagoras aduersus morbum regium, cum coriandro in vino admiscet. Hippo- crates suffitu, secundas partus euocari exi- stimat: quod etiam testatur Plinius, apud quem secundos partus perperam scribi existimo. Diocles apud eundem, nephre- ticos, si elixum fuerit, iuuare contendit: vbi etiâ phreneticos malè scribi arbitror. Sententiæ nostræ astipulatur Didymus Græcus geoponicus, tradens allia vrinam subducere, & nephritim, siue renū mor-

*icterus, se-
cunde par-
tus, nephre-
tici, vrina
& hydrops.*

*Vuln^o, mē-
strua, vte-
rus, conce-
ptio.*

*Dentes, ser-
pens & ve-
nenata.*

bum curare. Nunciarunt mihi nonnulli certo experimento, allium elixatum, vel sub cineribus coctum, & cum pice tritū, omnia quæ in vulnere continētur extrahere. Adhæc, nucleos allij sua tunica exutos, & in muliebri pudendum penitus missos, menstrua emulgere: sed filo debent coxæ alligari, vt cū visum fuerit retrahi possint. Addebant id iucundius & multò plausibilius fieri, aliis cum oleo de spica tritis, & in rarum linteolum oblongi sacculi modo conformatum, intrusis, ac in vuluam profundè pulsis, & dum licebit exclusis: sic enim cessantes menses potenter mouent, & vterum mira voluptate reficiūt ac repurgant: adeò vt hinc facta sit via nonnullis ad cōceptum, longo tempore desperatum. Hic non tacebo, quòd allij nucleolus decorticatus & affatus, ac denti excrucianti appositus, illi egregiè auxiliatur, modò à causa frigida abortus fuerit dolor. Quod etiam experti sumus in radice chelidoniae trita & admota. Prætereà, allium cum vino tussum & percolatum, valde confert puncturæ serpentis, si illico bibatur, & acri cepa locus ictus diligenter confricetur:

vel emplastrum ex alliis, foliis ficus & cumino vnà attritis, eidem superponatur. Quæ res etiam locum habere poterit in aliis venenatorum animalium morsibus. Eadem porrò allia cum cētaureo vel duplici fico, ad euacuādam & exclusis aquis resiccādam aluum, hydropicis valde conferre, testatur Diocles: sed certiùs id præstare aiūt viride allium, ex mero cum coriandro tritum ac epotum. In quam rem *πάρεργον* non erit poëtæ herbularij versus proferre, quibus hæc & superiora pulchrè, sic satis, confirmat: de allio itaque hunc in modum scribit,

Notanda hæc antiquorū experimenta.

- » *Prodedit Hippocrates educi posse secundas*
- » *Fumo combusti, si vulua diu foueatur.*
- » *Praxagoras illo fuit vsus cum coriandro*
- » *Et vino, morbos sic curans ictericorum.*
- » *Cum centaurea Diocles dare præcipit illud*
- » *Hydropicis: sic humores desiccet aquosos.*
- » *Idem nephreticis elixum sumere iussit.*

Sunt qui dentium dolores frigidos consopiant tribus alliaceis bulbulis, in aceto tritis, & in dentium caua immisissis. Alij, sola aqua decoctionis eorum os colluūt. His addendum venit, quòd porrigines, ex aceto & nitro tollunt allia, valèntque

Dentium dolor, prurigo, turbida aqua, frigidus aër & quartane.

plurimum præsumpta, & ore contenta, aduersus frigidi aëris iniurias, ac turbidarum aquarum, niualiúmque incommoda. Quartanas bulbulus vnus, cum laserpitij obolo potus fertur excutere: adhæc in cibo mistus & comminutus, aduersus pituitam gallinarum, ac gallinaceorum valde prodesse.

.. *Est id de multis etiam nescire pudendum,*

.. *Quòd nihil hoc Veneri gratius esse solet.*

Vrina, Venus, capitis dolor, surditas, tussis, suspiria, vox rauca, teinesmon Et pulmonum affectus.

Vnde si trito allio iumentorum natura tangatur, vrinam impeditam expediri, & hinc ad Venerem proritari aiunt. Si cum faba ad tabem vsque coquatur, & tempora inde illinantur, hemicraniam capitísque dolores, à frigida causa, de experimeto sanat: & cum anseris adipe auri instillatur, & surditati prodest. Elixum, tussim, suspiria, ac raucam vocem emendat. Quòd si pulticulæ incoquatur, aduersus teinesmon mirè confert, ac frigidis, pituitosisue pulmonum affectibus summè auxiliatur. Porrò, Galenus tradit, bis tæruæ cocta & elixa allia, acrimoniam deponere, sed alimentũ corpori paucissimum dare, quod ante elixationẽ omnino negabant. Abstinentum tamen præcepit,

non solùm à frequenti illorum vsu, sed acrium omnium, his potissimùm qui naturâ sunt biliosi. Solis enim qui succum crudum, crassum, aut lentum aceruarunt accommoda sunt, modò opportunè fumantur. Quæ sequuntur omittēda non duxi. Prodit Didymus, Græcus rei rusticæ scriptor, vel potius Sotion, vt meus habet codex Græcus, tædium halitus à manducatis alliis conciliatum aboleri, si faba cruda illis superedatur. Alij, betæ radicem in prunis tostam supermāducare, satis supérque esse putant: quo remedio virus tegi, è Græcis, Menander vnus pollicetur, sicuti in betæ medicis auxiliis paulò antè adnotauimus. Nostrates apio viridi fastidium illud deponunt. Si volēs allia habere, quæ mandentium halitum nullo modo vitient, & tetrum odoris halitum deponant, imò verò vt dulcia euadant, consule librum secūdum nostrorum Secretorum horti, inuenies illic quod placuisse queat. Duo valde mirabilia (quod postremum erit) hoc loco non tacebo. Prius est, mustelas & sciuros tentato allio dentibus, vix audere in posterum mordere, cicurésque hoc modo

*Quomodo
fædus halitus à com-
manducatis
alliis possit
emendari.*

*Duo pul-
chra èt val-
de notanda.*

fieri. Posterius, allia arborum ramis suspensa, accedentes ad fructuum deprædationem auiculas longè arcere, si vera sunt quæ in Græcorum georgicis adnotauit Democritus: cum quo hanc aliorum historiã claudimus, vt reliquis suis detur locus.

Raphanus seu radix altilis, & medica eius auxilia. A R. I I I I.

*Nephretici,
calculosi,
vomitus &
eructationes.*

RA P H A N V M satium, vulgus Gallicum *Rauen*, & *Reforum*, aut *Raphum* nuncupare solet: quo plerique omnes urbani & agrestes, dum cibi fastidio vrgentur, edendi appetentiam vbique excitant, nunc per se, nunc cum aqua & sale. Florentinus Græcus in suis de Agricultura commentariis scribit, pituitosis valde commodare, & nephreticis calculo vexatis appositè mederi: maximè si quis partem illius externam, cum vino albo & aqua coctam, vel tufam, nec non percolatam, ieiunus diluculo hauriat, & dies aliquot id facere perseueret. Vacuo stomacho ex aqua tepida offertur, vt meatum vomitionibus præparet: in quam rem medici potiùs semine vtũ-

tur, quàm carne. Si cum oleo manducetur, eructationes de ventriculo, quas solet, ciere non potest: nam eas exhalare non sinit oleum. Succus ex passio potus regium morbum curat, & cum melle, tuses. Quæ res etiam suspiriosis & anhelosis cõcedetur. Medius apud Pliniũ medicus, coctos raphanos dare iubet sanguinem excreantibus. Cui sic subscribit Q. Serenus,

Icterus, tussis, suspiriosis, anhelosis & sanguinem excreantes.

„ *Sin autem rutilus referetur pectore sanguis,*
 „ *Sorbitio menthæ, raphanus vel cocta iuuabit.*

Idem Plinius autor est, satiuos raphanos in posca decoctos, serpentium moribus mederi, si illinantur: sed poscam non addit Q. Serenus, his verbis rem eandem sic persequens,

„ *Proderit & caulem cum vino haurire sabuci:*
 „ *Aut coctum raphani librum, tritumue ligare.*

Tradunt alij, quòd tota radix venenis vique adeò aduersatur, vt præsumentibus ieiunis non sint nocitura. Et qui eius succo infectas habuerit manus, serpentes impunè tractabit, quod credendum potiùs quàm experiundum suadeo. Sed illud de multis videtur memorabile, quòd qui raphanum prægustauerit, si à scorpione

Serpentium morsus & venena.

*Plaga, vibi-
ces, cicatri-
ces, lentigi-
nes, quarta-
narij, puer-
pera, nutri-
ces, ructus
Et vrina.*

*Capilli, vul-
ua, iliosi, co-
lici, mēstrua,
lumbrici &
angina.*

feriatur, citra vitæ aleã euadet: Et si scor-
pionibus inspergetur raphanus, illos ad
mortem adiget. Addunt Græci geopo-
nici, quòd si quis à tormētis plagas ac vi-
bices accepit, trito ac imposito raphano
emendabit: nam cicatrices ac liuores ad
colorem reducit, lentiginésque in facie
delet: quartanarios liberat, si continuo
vsu ventriculus in vomitiones illo effun-
datur. Puerperis ac nutricibus ad augen-
dam lactis copiam efficaciter exhibetur,
ructúsque primo cibo laxat, & vrinas ex-
haurit. Haftenus bona ex parte Floren-
tinus, inter Græcos geoponicos summus.
Hippocrates, vt medica rusticis coniun-
gam, capillos mulierum defluos tritis ra-
phanis fricari iubet: adhæc super vmbi-
licum poni contra vuluæ cruciatus. Pra-
xagoras iliosis dandos censet, & Plistoni-
cus colicis. Cum melle non solùm men-
ses euocant, sed & intestinorum animalia
detrahunt, ac anginis opitulantur, cum
aceto mulso gargarisati, vt verbo vtar
medico. Sed in his Galenum, audiēdum
esse quis dubitat? Radix raphani, inquit,
ex iis est, quibus assiduè vescimur, éstque
obsonium magis quàm alimentum. Scri-
bunt

bunt multi, tam cibo quàm potu aduersus fungorum strangulantia pericula salutarem esse. Sanguinem acrem & mordacem gignit, proindèque biliosis corporibus obest. Sunt qui cacostomachum asserant, ac ructus ciere dicant, necnon cruditates, si coëtrix virtus imbecilla fuerit. Quæ omnia intelligi debent de immodico illius vsu, eoque simplici, vel cū pauco rerum aliarum cibo. Nam vt hodie estur, eius vires facilè obtūdūtur. Miratur Claud. Galenus quosdā crudas raphani radices à cœna manducātes, vt coëtionem iuuent. Quod tametsi, inquit, dicant se compertum habere experiētia, nullus tamen citra damnum potuit eos imitari. Hinc, sanè q̄ rectè poëta Hæssus scripsissē mihi videtur,

Raphani
facultates
ex Galeno.

Summè nota
adueriēda.

.. *Et sunt ante cibum qui magis esse probent.*

Decoëtio foliorum utilis est contra obstructions hepatis & icterū. Vnde prudenter facere mihi vidētur, qui foliis raphani loco brassicæ, iuscula condiunt sua, gustu æquè ac sapore ex vtrisque admodum iucunda & salubria. Succus radicis vel oleum eiusdem auribus instillata, flatus & sibila dissipant: & semen ex vino

Hepar, icterus, aures, venena, pestis, gangrena, phlegmone, vesica, lotiū, sugillata, lac & dentes.

albo tritum, percolatum & potū, nō minū est efficax aduersus venena, quā theriaca. Quod in lue pestilenti sæpenu-
 mero obseruatum vidimus. Idem se-
 men cum aceto tustum & gāgrēnis appo-
 situm, illas valde emēdat. Et si ex percus-
 sione, vel flagellatione, vibices, liuores
 aut vestigia superfuerint, delebuntur se-
 mine raphani cum melle trito & inūcto.
 Si cum aceto radix teratur, initiantes
 phlegmonas iuuabit: & si cū radice nenu-
 pharis coquatur, vesicæ dolores sedabit,
 ac lotium promouebit, emplastri modo
 pubi admota: prætereà si succo eius ca-
 seus salē expertus miscebitur, suggillata
 obliterabit. Addā quòd ex frequēti vsu
 raphanorum, lac augetur: nec omittam
 Plinium tradere, raphanis acrimoniā in-
 esse pro crassitudine corticis, ac dentibus
 nocere, quòd illos atterant. Est certè hoc
 admirabile, raphanis & vitibus odia vs-
 que adeò infensa & pernicialia esse, vt si
 iuxtà serantur, ad sensum diffugere vi-
 deantur, occulta nescio qua naturarum
 discordia. Quòd si permutatis scrobibus
 pangantur, nullo modo comprehendēt:
 ex quo, contra ebrietatem, medicinā esse

*Mira de vi-
 te et rino
 cū rapha-
 nis.*

raphanum scripserunt Græci, illum cum brassica, vt in nostris hortorum Secretis adnotauimus, confundentes, & cōtraria facultate (quod ad vina attinet) dotantes. Nam si in dolium corrupti ac vitiati vini immittatur, & paulò pōst eximatur illud emēdare fertur, & vitium in se contrahere. Quod contrario fit modo à brassica, quæ vino immersa, illud vitiat & corrumpit, tantùm abest, vt emendet ac reparet. Petrus Crescentius (ne quid hîc dissimulē quod legerim, audiuerim, vel obseruauerim) tradit ex raphano acetum fieri medicatū hoc modo. Radices raphani siccatas in puluerem redigito, deinde in vas quod vinū habeat, infundito, misceto, ac dies aliquot quiescere finito, sic acetum comparabis raphanatum, ad renum calculos atterēdos & deturbandos, aliáq; multa, summoperè vtile. Pauca restāt. Fuit apud priscos in tãto honore raphanus, vt Moschion Græcus de ei⁹ laudibus integrum scripserit volumen. In quo illum cæteris cibus in Græcia vsque adeò prælatum fuisse tradit, vt Delphis in templo Apollinis ex auro dicaretur, beta ex argento, & rapum ex plumbo.

*Quomodo
fiat acetum
raphanatū,
et quæ sint
illius vires,*

F ij

*Pulchra de
raphano, be-
ta, & rapu.*

Quod hisce quatuor versiculis doctè cō-
plexus est Eobanus Hessus, sic de rapha-
no loquens,

„ *Fabula narratur sacros ab Apolline Delphos*

„ *Omimbus hunc aliis præposuisse cibus:*

„ *Ex auro vt raphanum sacrent, pōdere betam*

„ *Argenti, plumbum rapa fuisse ferunt.*

*Nephretici,
calculosi, co-
lici, & vri-
nae suppres-
sio.*

Priusquam manum de hac historia tollā,
secretum raphaninū multis experimen-
tis mihi probatum & confirmatum cōtra
nephreticos cruciat⁹ & colicos, à calculis
vel flatibus obortos, necnō ad ischurias,
candidis lectoribus, candidè, vt omnia,
hīc proponam: quod tam præcauendo, q̃
curando summoperè efficax & salutare
inueni, ac pecunia oblata multis recusa-
ui: sic itaque habet. Accipe corticū acer-
rimi raphani vnc. vnam: ossium mespilo-
rum drach. duas: blandè cōquassata ma-
cerentur horis octo in vini albi generosi
vnc. quatuor, deinde percolata & modi-
cè calentia propinentur in egressu lectu-
li, & eiusdē ingressu: itereturque potio,
si opus fuerit, dosim eius augēdo vel mi-
nuendo pro corporum & ætatum modu-
lo. Non deerūt qui pro tam salutari mu-
nere mihi summā sint habituri gratiam.

Sed scitu etiam iucundum erit, quòd raphani eborà perbellè expolire feruntur: & falis cumulos quantumuis ingentes, in aqueam falsuginem ilicò trāsmutare, si illis consepeliantur: & si vino immergantur, fœtorem eius contrahere. Verùm hæc extra medicum nostrum institutum esse videntur: sequor itaque reliqua.

HORTI MEDICI CAMPVS
TERTIVS, HERBAS ODORATAS accipiens, XI areolis.

Salvia hortensis, & medica eius auxilia.

A R E A I.

NVLLI, vel saltem perpauci, reperiuntur horti, tam vrbani quàm rustici, in quibus frutex iste non spectetur: de quo nec temerè, nec ineptè mihi videtur scripsisse herbularius poëta,

„ *Cur morietur homo cui Salvia crescit in horto?*

salutaris enim est planta. vnde illi fortasse nomen, vt ille idem poëta innuisse videtur, hoc senariolo rythmologico, *Salvia planta salutaris.*

„ *Salvia saluatrix, naturæ conciliatrix, &c.*

Ad fœcunditatem imprimis, summè utilis cēsetur: ex quo Agrippa, illam sacram

*Fœcūditas,
parius &
conceptus.*

non temerè appellauit: tradiditque Lec-
nas eam quere & manducare ad partus
facilitatem. Nec omisit Aëtius quòd gra-
uidæ mulieres, si fluidæ laxæque sint, illâ
vtilissimè vesci possunt: nam conceptum
retinet, ac vitalem reddit. Si mulier suc-
ci plantæ huius heminam cum modico
sale, quarto à secubitu die potauerit, de-
inde viro post horæ quadrantē sese com-
miscuerit, proculdubio concipiet, si non
sunt mendaces priscorū libri. Hinc aiunt
in Copto Ægypti post sæuas pestilentias
ab his qui superfuerunt, ad eius succum
bibendum mulieres coactas fuisse, pluri-
mósque fœtus inde productos. Medici
tradunt saluæ suffitu, menses immode-
ratè fluentes, & omne muliebri proflu-
uū sisti, ac neruos omnes roborari: quod
etiam contingit potu eiusdem: nam hu-
miditates valde exiccat, quibus illi rela-
xantur. Ex quo manuum tremoribus au-
xiliari fertur. His addimus, q̄ folia potui
imposita, eius prauitatem & malitiam,
si quæ insit, emendant. Quod vulgato
hoc versiculo etiam iactari solet,
Salvia cum ruta, faciunt tibi pocula tuta.
Eadē trita & venenatis morsibus super-

*Menses, mu-
liebre pro-
fluuū, ner-
uis & ma-
nuum tre-
mor.*

posita, illis auxilio esse traditur, ac vuln-
 erum cruorem retinere. Et si cum vino
 succus eius tepidus hauriatur, veterem
 tussim & lateris dolorem compescit. Bi-
 bita vel supposita matricē purgat, & se-
 cūdas à partu remoratas educit, necnon
 cunctantes fœtus excludit. Potatur in-
 super salutarī haustu cū absinthio ad dy-
 senteriam: ferturq; mortuos partus ad-
 posita extrahere, & vermes aurium edu-
 cere, necnon ex oleo attrita, contra ser-
 pentes prodesse. Capillum denigrat, ac
 tetra vlcera purgat, & cum vino menses
 remoratos trahit. Testium præterea, &
 vuluę pruritus extingūt tam rami quàm
 folia, si eorū decocto foueantur. Quod
 herbularius poëta his versibus vtcūque
 expressit, de illa ad hunc scribens modū,

- „ Pruritus vuluę curat, virgæque virilis
- „ Si foueas vino, fuerit quo saluia cocta.
- „ Illius succo crines nigrescere dicunt
- „ Si sint hoc vncti crebrò, sub Sole tepenti.

Fit vinum ex saluia, saluiatum dictū, ad
 multa vtile & expetitum: de quo in vinis
 medicatis abundè scripturi sumus, si di-
 uina nobis fauerint numina. Hæc sint
 pro colophone huius capituli. Orpheus

Morsus ve-
 nenati, tuf-
 sis, vulnera,
 lateris do-
 lor, dysen-
 teria, part
 & vermes.

Serpentes,
 capillus, vl-
 cera, menses,
 testes &
 vulua.

Sanguinis
excreatio,
appetentia
estomach?

Salvia ve-
nenatis ani-
malibus ob-
noxia.

dare præcipiebat sanguinem excreanti-
bus, salvia succum bibendum cum mel-
le, ieiuno stomacho, atque hinc effrenes
illius impetus ilicò cohibebat. Sunt qui
in condimentis, & fassamentis vtatur sal-
uia, vt semisopitam appetentiam exci-
tent: maximè cum stomachus humori-
bus prauis & crudis fuerit imbutus. No-
lim impræsentiaram omissum, quòd sal-
uia in hortis comitem ac vicinã, vbique
habere debet rutam: alioquin à serpenti-
bus ac buffonibus vitiabitur (magno ve-
scentium pèriculo) qui prope eam stabu-
lari solent. Indicio erunt folia, illorũ af-
flatu in summitate, ceu sideratione qua-
dam, vsta ac denigrata. Sũt alia saluię me-
dica secreta hæctenus inaudita, quorum
gustum tibi exhibebimus, cum tempus
suaserit & res.

Hyssopus, & medica eius auxilia.

A R E A I I.

HYSSOPVS Gallis vel hoc nomine co-
gnita est, quòd in vsum condimen-
tarium illis frequenter veniat, & recen-
tibus fabis dum elixantur, aut friguntur,
populariter, ac salubriter, remisceatur,

nam flatuosam illarum humiditatem discutit & emēdat. Cum vino cocta & gargariffata, anginae medetur: bibiturq; vtiliter ad suspiria, & ventris lumbricos deturbandos. Quadrupedum scabiem ex oleo curat: & cum aqua, melle, fico & ruta, peripneumonicis & hepaticis suo decocto succurrit: necnon tussibus vetustis, orthopnoicis, pleuriticis & destillationibus obnoxiiis, vt interim non omittam quòd etiam teinias in aluo necat, ac lumbricos cum ficibus, & ad vlcera manātia valde est efficax. Iusculum eius cum aceto mulso propinatum, lentorē, & crassitudines pituitæ diffecat, ac per inferiora abigit. Ad aquam intercutem & lienem tumefactum cum fico, nitro & iride efficaciter illinitur. Cum calēte aqua, suggillata emēdat, & aurium inflationes ac tintus, vaporis sui suffitu, discutit. Dentium excarnificationes mitescunt, si illius decoctione tepida cū momento acciti colluantur: maximè si dolor excrucias à causa frigida obortus sit. Vinum decoctionis eius, vteri suffocationes laxat, & matricē à superfluis humoribus absterget. Singula his versibus nobis expe-

Angina, suspiria, lumbrici, peripneumonia, tussis, hepatici, orthopnoici, pleuriticis, & vlcera.

Pituita, hydrops, lien, suggillata, aures, dentes & vterus.

diet herbularius poëta,

- „ *In pectus, capitis si destillatio fiat,*
- „ *Quæ persapè solet tussim, phthisimque creare,*
- „ *Prodest hyssopi decoctio, sumpta decenter:*
- „ *Sic vt cocta simul sint mel, ficus quoque sicca.*

Proderit etiam iisdē puluis hyssopi cum melle, in modum ecligmatis, aut cū oxymelite. Quod medicamentum etiam flatu abigit, & viscosum phlegma diffecat, redditque ad expulsionē facile. Sed pulchrum erit in medium proferre quæ de hyssopo scripsit Ioannes Mesue, familiæ Arabicæ medicus præstantissimus. Hyssopus (inquit) thoracem & pulmones, partēsque alias respiratorias pituita, & humoribus putribus ac pure expurgat: & tenuando, incidendo ac tergendo sputū facile reddit. Ob hæc asthmatis & epilepsię pituitosæ, cæterisque cerebri affectibus humidis salubris est, si decoctum eius sumatur cū oxymelite scillitico. Coctionem quoque iuuat, respirationē leuat, & cutis colorem floridum facit. Cum vino decoquitur ad soluendos tumores hepatis, lienis & aliorum viscerum. Quæ odore & sapore est acerrimo, præstantior censetur, & quo floret tempore, eo colli-

*Flatus &
pituita.*

*Thorax,
pulmo, asth-
ma, epilep-
sia, coctio,
respiratio,
hepar, lien
& viscera.*

gi debet. haftenus Mesues. Hoc loco mihi fanè quàm opportunè in mentem venit secretum cuiusdã doctissimi medici, facile admodum & familiare ad deturbandos è renibus calculos. Id solùm constat syrupo hyssopi cum duplo vel triplo aquæ parietaria. Quo remedio per dies decem aut duodecim hyeme propinato adolescenti cuiquam, & aliis, ieiuno ventriculo, ille mihi fidẽ fecit se multos calculos è corporibus eorum exclusisse. Hęc de hyssopi viribus satis erunt, vbi admonero quod mediocrem sustinet coctionem ac trituram.

Satureia, & medica eius auxilia.

A R E A I I I.

SATURERIA Gallis *Sarrieta* dici solet, vrinasciens, ac menses euocans. Herba eius cum floribus, olfactu, aut coronæ modo capiti imposita, veterinosos excitat. Succus cum rosaceo auribus dolentibus ritè instillatur, & cum triticea farina coxendicibus vtiliter illinitur: medeturque cū vino, pulmonis, thoracis, ac vesicæ vitiis. Pulices, cum aqua trita & respersa, necat: purgâtque optimè mulieres à partu, ac

Vrina, menses, veterina, aures, coxendix, pulmo, thorax, vesica, pulices, partus & coitus.

Ventriculus,
pulmones,
tormina, le-
thargus &
Venus.

marcescentes coitus stimulat: quare à Sa-
tyris salacibus nomen traxisse creditur,
vt sit satureia, quasi satyreia. Non est o-
mittendum quòd ventriculi coctiones
adiuuat, & eius fastidia discutit. Suba-
ctus illius puluis cum melle cocto, & de-
linctus, aut cum vino haustus, tenacem
pectoris humorẽ per sputa educit. Idem
cum vino tepido, ventris tormina com-
pescit. Lethali somno oppressos exper-
gefacies, si aceto calido satureiam com-
misceas, & inde caput frequenter foueas.
Puluis in ouo sorbili haustus, Venerẽ so-
pitã excitare fertur. Hęc de satureia satis.

*Maiorana, seu sampsuchus, & medica
eius auxilia. A R. I I I I.*

Hydrops,
dysuria, tor-
mina, sug-
gillata, mē-
ses, oculi,
tumores,
scorpiones,
luxata ce-
rebrum &
vterus.

MAIORANA Gallis dici solet, quæ aliis
sampsuchus appellatur: nomine, vt
videtur, à Latinis mutuato: fortasse q̃
maiore cura & diligẽtia à mulierculis ex-
colatur, quàm herbæ multæ. Huius vis
excalfaciens esse traditur, vnde iusculum
decoctionis eius, ad incipientem aquam
intercutem salubriter propinatur: nec-
non his quos lotij difficultas, aut tormi-
na malè discruciant. Folia arida ex melle

illita, suggillata emēdant: & remorantes
 menses, in pefso subdita fenfim euocant.
 Oculorum inflammationes prohibent,
 & cum polenta, tumores. Scorpionibus
 ex aceto & melle inuncta aduerfantur, &
 cum cera luxatis mirè profunt. Succus
 expreffionis maceratorum in vino, nari-
 bus attractus, aut immiffus, fternutamē-
 ta mouet, & à pituita cerebrū expurgat.
 Oleum ex iis cōcinnatum, matricis coar-
 ctationem laxat: modò collum vteri, vt
 fcribit Auicenna, illo inungatur. Mirabi-
 le fanè est, nedū memorabile, mures ra-
 dicibus maioranæ certatim infidiari (sic-
 uti à nobis fæpius obferuatum est) ac fi
 medicamentum & præfens auxilium ab
 illis deponcerent: fed in quem affectū, aut
 quam in rem, nos adhuc planè ignora-
 re fatemur.

*Mures radi-
 cibus maio-
 rane infi-
 diari.*

Fœniculum, & eius medica auxilia.

A R E A V.

HORTIS omnibus innotefcit fœnicu-
 lum, à ferpentibus summè nobilita-
 tum. Nam gustatu eius fenectam exuere
 & oculorum aciem reficere traduntur.
 Vnde intellectum est, inquit Plinius, ho-

Caligo oculorum, lac, nausea, ventricul^o, pulmo Et iecur.

Venter, lotium, tormina, renes, menstrua, hydrops & tumores.

minum quoque caliginem eo præcipuè releuari. In lactis defectu potum illius semen mammæ implet: quod vnum etiam præstat, autore Dioscoride, si cum ptissana exhibeatur, imò verò herba ipsa. Idè semen ex aqua tritum nauseam sedat, & stomachi æstus compescit, ac dissolutum ventriculum recolligit: èstque pulmonibus, ac iocinori laudatissimum. Ventrem sistit, cum modicè sumitur, ac lotium mouet, & tormina si tostum fuerit, ilicò mitigat. Decoctum comæ, renum doloribus prodest, ac menstrua soluit: valètque radix cum ptissana ad eadem: quæ etiam hydropicis cum vino pota, necnon conuulsis mirè auxiliatur. Folia vtiliter illinuntur ex aceto tumoribus quibuscunque ardentibus. Et puluis feminis cum mētha & axungia tritus, mammillarum tumores laxat. Prætereà ventriculo perfrigerato, & iis quibus crassa pituita est incidēda, summè profunt vnciæ sex corticis radice fœniculi cocti in aceti & mellis libra vna. Post coctionē, facta expressione, abiiciuntur radices, & melle superfuso iterum coquuntur omnia ad spissitudinem, & de iis exhibentur cochlearia

tria cum aqua, plus, minus, pro ætate su-
 mentis. Plerique radice vtuntur cum ce-
 ra ad suggillata: cum melle ad canū mor-
 fus, nec non oculorum caliginem, & cum
 aceto ad tumores ic̄tu illatos. Cuius rei
 testem citamus poëtam herbularium, de
 marathri, seu fœniculi plāta in hunc scri-
 bentem modum,

*Suggillata,
 caligo et tu-
 mores.*

- » *Radicis succus oculis cum melle perunctus,*
- » *Pulsa reddit eos omni caligine claros:*
- » *Illatos, ic̄tu subito, quoscunque tumores,*
- » *Apponens tritam iuncto sedabis aceto.*

Semina ad dissipandos & vacuādos ven-
 triculi ac intestinorū flatus summè pro-
 sunt, vel vulgato id attestante versiculo
 rythmico,

- » *Semen fœniculi reserat spiracula culi.*

Cæterum, hîc de multis tacendū non est,
 quòd fœniculum quomodocunque hau-
 stum, geniturę abundantiam promouet:
 éstque pudendis amicissimum, siue ad fo-
 uendum, radice cum vino cocta, siue ad
 illinēdum, eadem cum oleo trita. Fit suc-
 cus è semine adhuc lactescēte & musteo,
 vna cum foliis, ramis & cauliculis tenel-
 lis trito, & simul expresso, qui in sole sic-
 catus utilis esse traditur medicamentis

*Flatus, ge-
 nitura, pu-
 dendum &
 oculorum
 acies.*

quæ parantur ad excitandam oculorum aciem. Prodest idem ex radicibus prima germinatione contusis. Sunt qui caulem demetunt vbi floret, ignique admouēt, vt caloris vi exudantem, vice gummi, liquorem excipiant, qui vnus oculis multò efficacior ac præstantior esse solet, quàm succus præcedens. Q. Serenus eã in rem vtitur liquore fœniculi melle excepto: cuius carmina hîc subscribemus.

- „ *Si tenebras oculis obducit pigra senectus,*
- „ *Expressæ marathro guttæ cum melle liquenti,*
- „ *Detergère malum poterunt.*

Modus con-
ficiendi aquã
caligantibus
oculis vilẽ.

Paulus Ægineta aquam oculis caligantibus vtilem ad hunc concinnat modum. In fictile nouum virẽtem fœniculũ cum pluuiali aqua iniicit, & ibi dies aliquot simul esse finit, deinde extrahit, & aquam in vsum seruat perpetuo mense oculis instillandam matutinis horis. Hîc nõ omitam, quòd fœniculo, tanquam alimento vtendum nõ est, quin potius vt medicamento: nam tardissimè coquitur, ac prauum & exile nutrimentum præstat. Nonnunquam tamen exhiberi solet ad corrigendam ciborum quorundam prauitatem ac malitiam. Quemadmodum enim
lactucæ

lactuca interdū addimus petroselinum, *Pulchra & notatu dignissima.*
 mētham, maioranam, aut quid simile, vt eius frigiditatem obtundamus, vel contemperemus: ita & fœniculum nonnunquam cucurbitis, & napis, vnà incoquimus, vt illorum noxam & prauam qualitatem emendemus. Quod etiam in coquendis piscibus multis, præsertim marinis, locū habere solet: quos fœniculi foliis nunc obuoluimus, nunc infarcimus, ad conciliādam saporis suauitatem, & fallendam marinæ auræ graueolentiam delicatulis palatis plerūque molestant. Sed hæc coquinam potiùs subolere mihi videntur quàm medicinam, quare verbum non ampliùs addo.

Mentha hortensis, & medica eius auxilia.

A R E A VI.

MENTHA nomen suum in Gallia retinet, quam Florentinus rusticæ disciplinæ apud Græcos professor eximius, scripsit vel ob id inutilem esse, quòd vulnerato exhibita, vulnus illius sanescere & cicatricem ducere prohibeat: datur nihilominus in sorbitionem sanguinẽ excreantibus, vel Q. Sereno teste, cuius hæc sunt verba, licet nobis alibi producta,

Vuln^o, sanguis, testes, aures, lingua, partus & canis morsus.

G

- „ *Sin etiam rutilus referetur pectore sanguis,*
 „ *Sorbitio menthæ, raphanus vel cocta iuuabit.*

Plantam hæc diuersis testium morbis occurrere certū est, si eius decocto opportunè foueantur: adhæc aurium dolores & linguæ asperitates cum melle iuuare, & cum sapa, partum accelerare, canisq̄ue morsus, cum sale curare. Si in lac proiiciatur, neque illud coalescere, neque spissari permittet, etiam si ei coagulum remisceatur, quemadmodum scripsit Florentinus: qui eadem vi illam generationi resistere, & proinde parum vtilem esse arguit. Alij contrà, perquam salubrem haberi defendunt, adeò quòd si mammis familiariter accesserit, nec coire lac patiatur, nec densari: quare lactis potionibus illam consultò addi promittunt, ne eius coagulatione periculum strangulationis immineat. Multi fidem mihi fecerunt, se probauisse, caseos nec corrumpi, nec putrescere, qui menthæ succo aut decocto illinerentur. Ex quo non ineptè post Græcos scripsisse videbitur herbularius poëta de hac planta hunc in modum,

- „ *Caseolos succus putrescere non sinit eius*
 „ *Admixtus, vel si viridis superadditur herba.*

Lac, mame
 Et casei.

Singultus & vomitiones tam pituitosas quàm sanguineas illius succus cum succo granati sistit, vt Democritus in suis adnotauit Georgicis. Cum amylo & aqua, coeliacorū impetus frænatur, ac mulierū purgationes immodicas cohibet. Huius odor vt animum excitat, ita sapor auiditatem & appetentiam in cibis proritat. Recētis succus spiritu subductus, narium vitia emendat: qui etiam in capitis dolore, temporibus vtiliter illinitur. Idem cum aceto, sanguinis fluxiones internas cōtinet. Quin aiunt plantam ipsam impetigines, vel si teneatur tantū, prohibere: quod aliis de mentastro scriptum placet. Non est hīc tacendum, quòd stomachum valde roborat, eiusque putrefactiones summo perē emendat, vermes eò reptantes, & ventrē inferiorem obsidentes, sūsq; deque exturbādo. Cuius rei testem proferemus Salernitanam academiam sic de mentha rythmicis versiculis scribentem,

- „ *Mentitur mentha, si sit depellere lenta*
 „ *Ventris lumbricos, stomachi vermēsq; nociuos.*
 Exhibenda est autem eius decoctio, velut absynthij, & non substantia. Cornel. Celsus de teretibus vermibus qui pueros

Singultus, vomit⁹, coeliaci, mulierum purgationes, appetētia, nares, caput & sanguis.

Impetigo, stomachus & vermes.

solent infestare, id accipiendum & intelligendum censet. Dioscorides succum ex aceto propinatum idem prestare pollicetur. Sed pulchrum erit audire Q. Serenum super ea re pulchrè philosophatè.

*Pulchri
versus.*

Quid non aduersum (inquit) miseris mortalibus addit

- » *Natura? interno cùm viscere teinea serpens,*
- » *Et lumbricus edax viuant inimica creanti?*
- » *Quod genus assiduo laniat præcordia morsu:*
- » *Sæpè etiam scandens oppletis faucibus hæret,*
- » *Obsessâsque vias vitæ concludit anhelæ.*
- » *Democritus memorat menthæ conducere potû.*

*Partus, lac,
& māmæ.*

Bibita partū accelerat, lac auget, ac mammarū durities soluit, cocta & emplastrata. Sed hîc omittendum non est q̄ cultus mangonio humorem sibi, asciscit mētha, qui ad Venerem stimulos exacuit: quod est omnibus cōmune rebus quæ semicocto humore, eoque spirituofo ac flatulēto participant. Quod vnum problematicum hoc Aristotelis Adagium soluet: Mentha, belli tempore, nec feri, nec edi debet. Hoc enim cibo largè vescentes in libidinem ruunt, quæ corpus debilitat, vires frāgit, ac animos eneruat. Quæ tria fortitudini & audaciæ ex diametro pu-

*Quomodo
mentha ad
Venerē sti-
mulos exa-
cuiat.*

gnare nemo est qui nesciat. Aristoteles tamen aliã arbitratur esse causam, nimirum quòd mentha corpori frigus adducat: eius rei argumento, quia semen genitale, vt diximus, minuit: frigus autem fortitudini atque audaciã aduersari certũ est. Vt vt fuerit, Dioscorides menthã, vt diximus, Veneris voluptatibus valde commendat. Vnde nihil mirum est si antiquitas flagrante bello, militibus illius esu interdixerit: scripseritq; Aristoteles,

„ *Mentham nec comedas, nec plantes tẽpore belli.*

Nã frequenti Veneris vsu fortissimi quique, ceu effœminati ac molles facilè contorpescent. Sed in his versatum satis, vel fortasse plus quàm par fuerit.

Cur olim militibus interdixit mentha vsus.

Thymus, & medica eius auxilia. AR. VII.

THYMVM vulgò Gallorũ *Thyn*, nũcupatum, plerique maioranam Anglicam dicunt: cuius flores apibus summè amicos esse norunt omnes: nam gratum colorem & odorem melli addunt: iuxta Virgilianum illud,

„ *-redolentque thymo fragrantia mella.*

Decoctum huius cum melle, orthopnoicis & suspiriosis valde prodest: necnõ ad

Orthopnoici, suspiriosi, pulmonarij,

*menstrua,
partus, se-
cūda, vrina,
verruca, is-
chiadici &
comitiales.*

pectoris vitia quæuis excreanda. Remo-
ratos fœminarum menses, & enectos par-
tus, ac secundas pellit, vrinâsque promo-
uet. Thymos ac verrucas herba trita tol-
lit, & ischiadicis cum vino ac polëta me-
detur, atque optimè comitialibus datur,
quos correptos olfactu eius excitari sæpè
audiuimus. Quin & illos dormire aiunt
oportere in molli thymo. Folia trita & la-
næ insperfa, luxatis vtiliter ex oleo appo-
nuntur: & ambustis, ex adipe suillo effi-
caciter linuntur. Sed vitari debet is thy-
mus qui niger est, & eligi qui flore illu-
stratur cæruleo vel albo. Verū enim uerò
iucū dum erit hîc audire philosophātem
de thymo Ioannem Mesuæ. Calfacit, in-
quit, tenuat, incidit, resoluit, obstructa
aperit, ac crassos flatus dissipat. Pituitam
clementer educit per aluum (cum sale &
aceto vt Dioscoridi placet) & vt quibus-
dam libet, etiam melancholiam, sed im-
becilliter, cum sale gemmeo vel indo. Pi-
tuitam etiam crassam & lentā à thoracis
& respirationis partibus euocat, nec non
à cerebro. Ob id partium harum & ner-
uorū frigidis & pituitosis affectibus mirè
succurrit: vt asthmāti, tussi, pulmonibus

*Flatus, pi-
tuita, melā-
cholia, tho-
rax, cere-
brum, ner-
ui, asthma,
tussis, pul-
mo, visus, &
aures.*

à frigido dolentibus : præsertim syrupo suo, vel decocto, vel oleo ex eius floribus incoctis facto: quod etiam visum acuit & sanitatem conseruat. Partes neruofas calore suo roborat, & suffitu auris dolorem ac tinnitum flatuosum emēdat. Saluber thymus est senibus contra hyemis iniuriam : appetentiam excitat, coctionē iuuat, cum melle & nitro lumbricos necat, menses ac vrinas mouet, & rigori febrili opitulatur. Eius vehemens caliditas aliorum mistione obtunditur, siue coquatur cum uuis passis, siue aceto infundatur, siue mulse cum pauco sale gēmeo, qui purgationem eius auget. Coctionem & trituram mediocrē sustinet. Præter has thymi vires à Mesue Damasceno descriptas, alias quoque ei reddidit præclaras Aëtius Cappadox, hîc etiam nobis proponēdas. Hæc, inquit, experimētis de thymo comperta sunt. Dato ieiunis articulari morbo laborantibus thymi aridi minutissimi drachmas quatuor, cum oxymelitis cyatho: bilem enim, reliquosque humores, atque acrē saniem vacuat. Facit & ad vesicæ affectus. Ventre autem inflato, ubi scilicet intumescere cœperit, drachmam

*Appetentia,
coctio, lum-
brici, menses,
vrina Et ri-
gor febrilis.*

*Arthritis,
bilis, vesica,
hydrops, lū-
bi, coxædix,
latus, sho-
rax & hy-
pochondria.*

vnam dato ieiunis cum cochleari aquæ
mulsæ. Ad lumborum, coxendicúmque
dolorem, ac lateris & thoracis, necnō hy-
pochondriorum suspēiones & inflatio-
nes, pondere vnus drachmæ cum oxy-
melite cochlearis mensura, ieiunō exhi-
betur. Similiter etiam melancholicis &
mente turbatis, timorēq; detentis, drach-
ma cum oxymelitis cochleari præbetur.
Datur item ieiunis & ante cœnam ad-
uersus lippitudinem & vehementē ocu-
lorum dolorem. Prætereà contra poda-
gram, etiam quæ motum omnino inter-
ceperit, cum vino vtilissimè propinatur.
Postremò ad tumefactos testes, ieiunis
duæ drachmæ salubriter exhibentur.
Hactenus de thymo, cuius medicam hi-
storiam fusè dilatauimus, quòd magna-
rum virium plātam esse intelligeremus,
ac hortis oībus passim obuiā & familiarē.

Melācholi-
ci, lippitu-
do, oculi, po-
dagra et te-
stes.

*Ocimum hortense, & medica eius
auxilia. A R. VIII.*

*Ocimum vn-
de dictū, &
cur basilicū
appellatur.*

OCIMUM hortense (aliud enim est pa-
bulare & segetarium) vsque adeò no-
tum est, vt perraræ vbique sint fenestræ,
quæ illo longè ac latè non redoleant, tãta

est fragrantia & suauitate : à qua etiam ozimum rectè dici, ac scribi posse cōtendūt multi : vt sit ab ὄζω, quod est redoleo. Græci recētiores qui de re herbaria scripserunt, Psellum sequuti, βασιλικον, id est regium appellāt: quod nomen apud Gallos passim vsurpatur. Sic fortasse dictum, quòd in solis Regum hortis aleretur, vel quòd Regibus ob præstātiam odoris, dignum esset. Verùm hæc nihil ad medicas eius facultates, de quibus nunc demum seriò nobis agendum. Inter veteres parum conuenire lego, vtilé ne sit an noxiū cibus. Chrysippus medicus antiquiss. caco stomachū esse dixit. Galenus & Paulus Ægineta ob humorē excrementitium internis partibus officientem, cibus abdicarūt (quod de immodico vsu intelliges) nō tamen exteriùs damnarunt. Qui contrariam tuētur opinionem Dioscorides & Plinius, hæc ceu commentitia rident, asserentes stomacho prodesse, quòd eius inflationes discutiat ex aceto sumptum. Sanè sicuti eius vsum largū & liberalem nocere arbitror, ita sobrium & temperatum iuuare credo. Nam si quis eo, perinde ac reliquis oleribus affatim & prodiga

*Stomachus
& eius in-
flationes.*

Venter, flat-
tus, vrina,
lac, sternu-
samentum,
verruca &
Venus.

Lipothy-
mia, caput,
pulmones,
destillatio,
dysuria &
atra bilis.

manu vti velit, ꝑculdubio intestina sen-
tiet incōmoda. Si verò parciùs, ac si me-
dicamētum esset, interna percipiet com-
moda. Ventrem remollit, flatus discutit,
lotium mouet, ac lactis prouentum mu-
lieribus adfert. Tritum & naribus inditū
sternutamenta ciet: quibus instantibus
cōnuere oportet. Odoratu tristes exhi-
larat, ac timidos animat, mixtōque atra-
mento futorio verrucas tollit. Venerem
stimulat, ex quo tam equis quàm asinis,
admissuræ tempore, vtiliter ingeritur ac
exhibetur. Vsu quoque compertum est,
ex aceto salutare esse deficiētibus animo:
adhęc, caput dolentibus, de causa frigida,
cum rosaceo, vel eodem aceto. Dioscori-
des cum polline polētæ, aceto & rosaceo
illitum, cōtendit pulmonum inflamma-
tionibus auxilio esse: eiúsque succum de-
stillationes exsiccare: & semen potū dif-
ficili vrinę auxiliari, necnon atram bilem
gignentibus, opem adferre summã. Re-
fert Plinius, Chrysippum medicum gra-
uiter ocimum increpuisse, & fugiendum
hominibus præcepisse, quòd capræ illud
aspernentur. Quæ cūm cæteris pabulis
oībus auidissimè vescantur, ab hoc vno,

etiam famelicæ, cautè abstinent. Quod à Sotione Græco geponico etiam adnotatum inuenio. Qui vltra hæc asserit, insanos fieri qui ocimo vtuntur: additque eum qui ocimum manducauerit, si eo die à scorpione feriat, seruari non posse. In quem & Chrysippum videtur pugnare Plinius, scribens, capras libenter ocimum esse, nec cuiquam mentem motam qui illud māducauerit: quin & terrestriū scorpionum ictibus ex vino & pauco aceto sumptum salubriter mederi. Dioscorides ex Aphricanorum placitis tradit, eos qui ocimum ederint, nullo conflictari dolore, si à scorpione feriatur. Ex quibus opinandum relinquo, num expungenda sit negatio apud Sotionē. Diodorus in Empiricis credit ocimum pediculos creare, si quis eo largiùs vtatur, ob excrementitiam humoris superfluitatē quo imbuitur. Sit postremum, quod ab amico probatum intellexi. Si ex partu laborās mulier, ocimi radiculam cum pēna hirundinis tenuerit, absque dolore ilicò pariet. Sunt alia plantæ huius admiranda secreta, paucis hætenus intellecta, quæ cum aliis plerisque tibi impertiemus, si isthæc

Pulchra de ocimo & notatu dignissima.

Pediculi et parius.

grata fuisse audiuerimus.

Orualla, & medica eius auxilia.

A R E A I X.

DE Orualla quæ Parisiēsis *Tota bona* dici solet, nihil, quod sciam, apud antiquos scriptum extat. Sunt qui ad fatuum horminum illam referre satagant: quod quàm rectè, iudices erunt rei herbariæ periti. De eius facultatibus hæc in præsentiarum à me accipies. Herba trita aculeos ac spinas extrahit, & remorantes difficilésque partus accelerat. Vino præterea iniecta mentem exhilarat, & Venere extimulat: verùm liberaliùs sumpta, caput tentat. Semen lippitudines tollit, & oculis immissum, ac multa frequentique reuolutione per illorum orbem raptum, quasi humore prægnans, & tenuibus membranulis onustum, sordibúque conuestitum, tandem egreditur: secum educens quæ inciderunt & molesta fuerunt. Id quod permultis multorum experimentis, tam est notũ, quàm nota fuit canibus casta Diana suis. Idem semen ἀγγέματα & oculorum albugines cum melle purgat, tussientibúque vtile censetur

Aculei, spinae, partus, Venus, lippitudo, albugo, tussis.

esse. An verò hæc planta, Plinij alectoro-
 lophos dici possit, viderint eruditi. Non
 omittam, & si nihil ad medicum nostrum
 institutum, quòd flore hortensis hormi-
 ni & semine in dolio vini posito dum ad-
 huc feruet, tanta gratia ipsi vino cõcilia-
 tur, vt Cretici, aut Maluatici gustum præ-
 se ferat. Arrigite aures ænopolæ, sed ne-
 minem, obsecro, vestris improbis miscel-
 laneis defraudate.

*Secretũ pro
 vinis.*

Rosmarinus, & medica eius auxilia.

A R E A X.

RVRA & officinæ Roremmarinum ap-
 pellant, quod aliis libanotis dici so-
 let. Frutex est topiarius, necnõ corona-
 rius, cuius odor, resinam aut thus, vtcun-
 que præ se fert: tam suavi ac iucundo spi-
 raculo, vt quos animus defecerit, ilicò re-
 creare possit. Suffitu destillationes ac tuf-
 sim cõtinet, regiũque morbum suo cu-
 rat decocto. Et quod illi de multis nobile
 est ac insigne, solo nidore in pestilentia
 tutam reddit domum, diluẽdo & expur-
 gando improbam aëris perniciem suffitu
 ac vapore salutari. Flores caput ac cere-
 brum maximè roborant: ex quo illorum

*Lipothy-
 mia, destil-
 latio, tussis,
 icterus, pe-
 stilentia &
 capitis affe-
 ctiones.*

Nervi, oculi,
içterus,
obstructio
hepatis, &
vètris dolor.

vsus admodum efficax esse solet cōtra capitis affectiones. Sunt qui saccharo eos condiant, & sibi ac amicis eam in rem diligenter custodiant. Totus frutex utilis est omnibus frigidis ægritudinibus, mēbra ac nervos egregiè roborans & calfaciens. Sed paulò particulariùs hīc nobis est medicè philosophandum in expertis & probatis Rorismarini auxiliis. Itaque, succus radicum & foliorum eius defæcatus, & cum melle despumato in modum collyrij concinnatus, plurimum valet ad defluxiones pituitæ in oculos. Quæ si calidæ fuerint, licebit addere oui albumen, cum succo pomi generosi, & aqua rosacea confusum ac diu agitatū. Semen cum pipere & vino haustum, singulare adfert præsidium contra içterū, hepatis obstructions & inflationes. Radix siccata, pulverata, & cum vino bibita, ventris dolores, etiam si colici fuerint, perbellè castigat & demulcet. Quod etiam faciunt ruta & satureia. Reliqua scribentur in opusculo vinorum medicatorum.

Lavandula, & medica eius auxilia.

A R E A X I.

LAUANDVLA quæ Pseudonardus quibusdam dici solet, nostratibus verò *Vnde dicta sit Lauandula.*
Lauanda (quòd in balneis, lauādis corporibus summè expetatur, & elota omnia, si permisceatur, odoris suauitate cōmendet) frutex est omnibus notus. Qui, quia non minùs placet fragrantia quàm nardus, idcirco apud nos Spicæ nomen sibi arrogauit, & *Aspicum* dici cōsueuit. Licet id ad maiorem Lauandulam multi detorquere fatagant. Huius spicata cacumina & tonsiles vertices, manipulatim in scopas & muscaria concinnatos, bigis ac clitellis Lutetiæ per æstatē venales viciatim proclamari, & passim à rusticis in varios odorum vsus comportari, nemo est qui non videat. Sed hæc nihil ad medicalauandulæ auxilia, de quibus nūc demum nobis agendum. Omnibus cerebri frigidis affectibus, conuulsisque ac resolutis illam auxiliari scribunt Arabes, Græci, ac Latini medici: adhæc, ventriculum roborare, & iecur ab infarctu liberare. Obstructos etiam lienes valde iuuat, & vterum calfacit, ac menses secundasque educit. Fit è floribus stillatitium oleum vitreis organis expressum, quod vnguentarij

Cerebrum, conuulsi, resoluti, ventriculus, iecur, lien, vterus, menses et secundas partus.

*Oleum de
Spica.*

oleum de spica vulgò nuncupant, tanta odoris præstantia & fragrantia, vt cetera odorama superet ac obtundat. Quò fit vt extra officinas & myropolia illud afferuent aromatarij, ne moschi, ambari, zibbeti, aliorúmque vnguentorum & aromatum suauitatem intercipiat. Valet ad eadem quæ planta ipsa, & multò præstantiora, à nobis alibi exponenda.

Hæc sunt quæ de hortorum herbis & fruticibus odoratis in præsentiarum adferre possum. A quibus ad herbaceos & suffruticeos fœtus, eadem methodo explicandos, opportunè transeo: modò commonefecerim lectorem, me lauãdulam inter flores odoratos noluisse transferre, quòd vniuersum foliũ æquè odoratum habeat, atque florem. Quæ res floribus in quinto campo descriptis, planè denegatur. Verũ enim uerò, quia eius flos absque folio solus potest decerpi, si quis ad florum regionem illam traducere uoluerit, vnguem non vorterim.

HOR-

HORTI MEDICI CAMPVS

QVARTVS, FRVCTVS HERBACEOS
& fruticeos, sex areolis distinguens.

Cucurbitæ, & medica earum auxilia. A R. I.

QVIA in censu fructuū herbaceorum qui cartilagineo generi ascribuntur, Cucurbitæ primas tenent in hortis, idcirco de illis primo loco hîc agemus: & si Chrysippus medic⁹ eas in cibo damnarit, ceu stomacho inutiles, contra Diophilum, qui illas affirmat ex aqua & aceto coctas, ventriculum roborare. Afri, & item Græci geoponici, aluum lubricare tradunt, earundemque succum instillatum, auribus dolentibus valde prodesse. Caro interior suis spoliata seminibus, pedum clavis auxiliatur, & decoctæ succus dentes mobiles stabilit, illorum dolores cohibendo, à calida causa cōtractos. Aluū prætereà sua humiditate remollit, tamen si pessimè corpus alat, sicuti hoc disticho eleganter expressit poëta Hæssus,

„ *Humida frigoribus cognata cucurbita, paruo,*

„ *Quod vires faciat, pondere corpus alit.*

Si sumatur vt simplex medicamentum, refrigerabit ac humectabit: si vt alimen-

*Ventriculus
alvus, au-
res, pedum
clavi et dē-
tes.*

*Cucurbita
humida &
frigida.*

H

tum, calida ei remisceri debēt, veluti petroselinum, cepa, piper, mentha, thymus, & similia: alioquin humorē gignet aquosum & promptè corruptibilem, præsertim si frigidum naçta fuerit vētriculum. Corticis ramenta, tusa & infantium capitibus illita, ardores extinguunt ex siriassi. Et si quis in crudam cucurbitam excavatam merū infundat, & sub dio cōtineat, illudque temperatum propinet quibus aluus est suppressa, ad excernendum proritabit. Cinis aridæ impositus ambustis, mirè illis opitulatur. Sed hîc ne, quæso, omittam⁹, quòd cucurbita in patinis aut sartagine frixa, multò est salubrior quàm elixa. Nam inter assandum vim magnam humoris aquosi deponit: ideo valentiùs ac præstantiùs exhibet alimentum. Si elixa fuerit, acrium societate postulat, alioquin fatua habetur, & insipida: gaudetq; acidorum, austerorum, salforum & aliorum contubernio: quorum vires corpori nostro communicat: fitque ita, vt nausea, quam alioquin creare solet, prorsus vacet: quemadmodum doctè & elegāter scripsit Galenus, post Hippocratem ubique magnus. Sed his prælibatis, medica

*Siriassis,
aluus, ambusta.*

*Cucurbita
frixæ &
elixa.*

& experta cucurbitarum auxilia repeto. Itaque, si fictili torreantur, & cum anserino adipe terantur, incredibile auxilium vulneribus adferent. Et succus exceptus de ramētis illarū per se tufis, aut cum rofaceo, cutis adustiones quasuis emendat. Sed de omnibus mirabilis est earundem aqua aduersus febres acutas & ardentes ad hunc modum comparata. Recens cucurbita recenti pasta conuestitur, calente clibano cū pane assatur, aperitur, & aqua intus natans colligitur. Si alia via placet incidere, cucurbita tota & integra frustulatim secatur, fictili nouo includitur, clibano (vt prius) coquitur, & hinc expressa aqua seruatur. Vfus erit cum saccharo ad restinguēdos febrium ignes, sitim temperandam & aluum clementer mouendam. Quod etiam præstabit aqua infusionis & macerationis seminum psyllij cum saccharo rosato, vel iulebo violaceo, sicuti multis experimentis fœliciter obseruauimus factum. Non tacebo ex Auicēna, q̄ qui colicis cruciatibus est obnoxio, religiosè abstinere debet à cucurbita & cucumere, quouis modo paratis: alioquin suo damno acclamare poterit,

Vulnera & adustiones.

Aqua cucurbita præstantissima.

Febris, aluuus & colici cruciatus.

„ *Heu patior telis vulnera facta meis.*

*Cucurbita
ex se insi-
pida.*

Cæterùm, nec inutile, nec ociosum erit admonuisse, quòd cum insipida sit cucurbita, & ex eorum genere quæ Græci ἄποια vocāt, hoc est qualitatis expertia, tamen dum coquitur, quouis sapore & odore, imò verò colore facilè imbui potest, pro natura eorum quæ illi miscebuntur. Quomodo autē fieri debeat deiectoria in suo cucurbitario, docebimus aliquando in opusculo Secretorū nostrorū medicinæ.

Cucumeres, & medica eorum auxilia.

A R E A I I.

*Cucumis
terra filium.*

CUCUMIS tā est notus urbanis ac rusticis mēsis omnibus, vt nihil notius esse possit in tota hortensiu familia. Hūc Matron suis carminibus terræ filium nominavit, quòd ex ea veluti prodiens, in illius gremio perpetuò iaceat. Heraclides Tarentinus hedigeon, quasi terræ suauitatem, nuncupare voluit: quē Diphilus Carystius, medicus apud Græcos doctis, & agricola optimus, primis mensis veluti noxium damnauit: vt qui raphani modo sursum feratur: sed postremo cibo sumptum, concoctu faciliorem promisit:

alioquin epulis illum abdicauit. Semen *Vrina acres*
 vrinas acres contemperare tradunt qui *& febrilis*
 de rebus agri & medicinæ scribunt. Vim *horror.*
 habet refrigerandi pulpa tota, ex quo egrè
 in corpus dispensatur, ac difficulter per
 ventris anfractus permeat: febriles hor-
 rores nonnunquam hinc mouens, & Ve-
 nerem cõsopiens. Quod postremũ Græ-
 ci celebratissimo hoc prouerbio testatũ
 voluerunt, Mulier pallium texens, cucu-
 merem deuoret. quoniam textrices ma-
 gna ex parte, si Aristoteli credimus, sunt
 impudicæ, & Veneri admodum oppor-
 tunæ. Naribus admotus cucumis valde
 confert ad syncopen à causa calida. Et *Syncope, ve-*
 semen in lacte vel passo vtiliter iis propi- *sica, tussis,*
 natur, quibus vesica exulcerata est: adhuc *phrenesis,*
 tussientibus, si quantum tres digiti pre- *dysenteria*
 henderint, cum cumino teratur, & ex vi- *& purulenta*
 no bibatur. Prodest etiam phreneticis in *excreatio.*
 lacte mulieris, & dysentericis acetabuli
 mensura: nec non purulenta excreantibus,
 pari pondere cum cumino. Totus abster-
 gendi & incidendi facultate pollet, ex quo
 splendida reddit corpora: eoque magis,
 si quis semine arefacto, tuso & cribrato,
 vice pulueris absterforij vtatur. Sed vtile

erit & pulchrum audire Claud. Galenum de Cucumerum vsu elegāter, suo more, differentem. Quibus cucumeres, inquit, probè cōcoquere datum est, dum in hoc fisi, intrepidè affatimque iis sese explent, longi tēporis tractu, frigidum & vtcunque crassum humorem in venis coaceruant. Qui per eam qua venæ funguntur coctionem, haud facilè in probū sanguinem potest conuerti. Ob eam igitur causam, omnibus prauis succi eduliis abstinentum censeo: etiam si ea quibusdam concoctu sint facilia. Nobis enim non aduertentibus prauus succus ex ipsis post longum tēpus in venis colligitur, qui postea exiguam ad putrendum occasionem nactus, febres malignas accendit. Hæc sunt aurea Galeni verba, omnibus qui valetudinem inculpatā tueri satagunt, alto corde præuidēda, & mordicus tenenda. Memorabile sanè est quod in Græcis Quintilliorum georgicis legi, & à multis non infœliciter expertum audiui. Quid illud, inquires? Si febricitanti infanti, qui adhuc lacte nutritur, aut paulò grandiori, paris longitudinis cucumeres dormienti apponantur, & quasi cōdormiscant, statim

Aurea Galeni verba summè notanda & obseruāda.

Febres parvulorum.

sanabitur, febrili calore omni ab illis presso, hausto & extincto. Athenæus scribit cucumeres plenilunio in hortis maximè gliscere, & manifestum incrementum capessere, necnon more echinorum marinorū impleri: quod aquei humoris summum est argumētum. Suffragatur Athenæo Plinius, addens insuper eos velut timore perterritos, quoties cœlum tonat conuerti, & quasi tabescere: cuius rei certam fidem mihi fecit experientia presentibus aliquot amicis meis, qui rerum naturas & secreta per experimenta quærūt & explorant. Ne, obsecro, prætermittamus quæ cucumeres à mulis & asinis summo perè expetuntur, mira & incredibili eorum voluptate illecti: quorū odorem vel eminus sentiunt. Quare munienda sunt cucumeraria, ne illuc erumpētes, ea depopulentur, conculcent ac proterant. Sed instituti mei oblit⁹, quorsum rapior? medica itaque auxilia repeto. Si quis seminum cucumeris, cucurbitæ & citrulorum partes æquales acceperit, ac seminum lactucæ & portulacæ partem mediam, adhæc succi glycyrrhizæ, quartam ynius, & cum mucilagine psyllij paruos

*Cucumeres
lunares esse.*

*Aduersus
febrim & astus
febriles.*

H iij

trochiscos ex his formauerit, ac in ore tenuerit, vel syrupo aliquo acetofo diluerit cum aqua hordei, habebit præfens auxilium aduersus sitim & febrilem æstum.

Pepones, melones, ac melopepones, & medica eorum auxilia. A R. III.

Quãdo maturus esse dicatur pepo.

Cuius pædor, lentigo, vitiligo, cholera & pituita.

QVIA tres isti hortenses fœtus qualitibus inter se ferè conueniunt, idcirco, vna (quod dicunt) fidelia nobis hîc dealbabuntur omnes sub pepone, qui tum maturus ac edulis esse videtur, cum pediculus à corpore secernitur, & suauis odor ab eius umbilico nares ferit. Diocles Carystius scripsit in libris salubrium quos edidit, peponem concoctu facilem esse, mirumque in modum cordi placere, sed parum iuuamenti adferre. Diphilus promptè crassescere tradidit, ac paucam alimoniam suppeditare, & per alium ægrè exigi. Phænius eum duntaxat crudum censuit edendum qui est citra seminiũ. Galenus pepones omnes refrigerare, & largo humore imbui dixit: sed non absque manifesta detergendi facultate: vel eo nomine quòd obsitam pædore cutim illustrent, ac lētigines & vitia insolatæ faciei,

cum vitiliginibus emaculent, præsertim femine. Addit, improbum creare succum, etiam si à stomacho probè cõficiantur. Prætereà, choleram morbum præcipitem ac periculosum in multis concitare, & superfluarum humiditatũ copiam súsq; deque effundere. Primo cibo sumi debêt, ita tamen, vt qui pituitosi sunt, vinum vetus superbibant: & biliosi acidulum cibum præsumant: nam sic omnis abigetur noxa. Peponarius enim cibus sanè quàm facilè in flauam bilem, vel pituitam degenerat. Qua ex re, biliosos prædulcis pepo, pituitosos verò immaturus offendit. Lõgos rotundis multi præferunt: omnes tamen aluum mouent, & vrinam cient, modò fuerint maturi: proindeque renibus vtiles esse cẽsentur: sed femine magis, adeò vt cõcretos inibi calculos efficaciter deturbet. Si cortex oculis humore cal. vexatis frõti ligetur, ruẽtes in illos fluxiones pulchrè sistit accõpescit. Succus cum femine in farinam siccatus, smegma facit ad cutem emundandam, & conciliandum in facie nitorem, sanè quàm illustrem. Cæterùm, pepones omnes in paratis corporibus, vomitum

Aluus, vrina, renes, calculus & oculi.

Vomitum, Venus & genitura.

*Pulchra &
notanda.*

eliciunt : nisi cibus succo bono præditus, supermandatur: nam sic festinantiùs deorsum prouolentur . Plerique medici tradunt, illos desideria ruentium in Venerem frænare, & genituram minuere. Sunt qui pro comperto scribant melonis frustulū ollæ immissum, celerem carniū coctionem iuuare. Quod etiam præstare aiūt vrticæ aut sinapis semen, vel fici surculū, vt suo dicemus loco . Finis hîc esto, Pepones à felibus summè & auidè expectantur : quare à peponariis longè sunt arcendi, ac procul abigendi. Nō omittam quòd semina melonū excorticata & saccharo condita, multū valent ad ciēdam vrinam & renum dolores demulcendos. Imprudenter omisi quòd ramēta peporum vtiliter syncipiti apponuntur, contra adustionem infantium quam firissim vocant.

*Cinara, seu carduus hortensis, & medica
eius auxilia. AREA IIII.*

PAUCI sunt hodie horti in Gallia, qui longè ac latè non syluescant hac planta, adeò vt opipara nulla sit mensa, absq; echinato eius cibo, nisi anni tempus illū

negauerit. Altilem & hortensem nūcupamus, quòd re vera fit ex carduorū genere: quem culturæ mangonium domitiferitate ex agris in hortos venire cōpulis nescio qua gulæ audacia, quæ campestris terrę portenta, & asinorum pabula, in ganeam & luxum vertit, à quadrupedibus plerunque neglecta: vsque ad eò ventris & Veneris desiderii ac illecebrosis voluptatibus obsonatur epicurei homines telluris inutile pōdus. Vulgus Gallorum plantam hanc *Alticocalum* nuncupare solet: ab articulo Arabum *al*, & *cocalos*: qui Hippocrati, Galeno teste, nucleus est pinæ nucis, cuius quidem nucis imaginem pulchrè æmulatur cinara: quam iuribus, asparagorum modo, incoqui, & ex butyro, sale atque aceto, diuitum mēsis apponi, nemo non videt. Sunt qui asperso sale, & piperis, aut anisi vel coriandri addito polline, cruda illa vtantur, & ita nativam nucleorum eius squammatis hærentium suauitatem excipiant. Sed hinc rursus ad eūdem impingo lapidem, oblitus me medicum agere, non coquam. Venio itaque ad facultates cinaræ, quam Galenus tradit prauis succi edulium esse,

*Quomodo
cinara ex
agris in hor-
tos venerit.*

*Quomodo
coquenda et
paranda cinara.*

*Cinara prauis
succi edulium.*

Vrina, Venus & graueolentia alarum.

Stomachus & vulua.

Pulchra & notatio digna.

& maximè cùm plusculum obduruerit, festinando scilicet ad florem: tunc enim biliosum succum in se copiosum habet: ex quo satiùs fuerit, eo tempore elixam mandere, quàm crudam. Recentes & tenelli eius nuclei, vrinas ciere feruntur: & Venerem in vino generoso præmacerati stimulare, Hesiodo teste: qui florente cinara, cicadas acerrimi cantus esse scripsit, & mulieres libidinis auidissimas, viròsq; ad coitum pigerrimos. Radix emedullata, & in vino decocta, si bibatur, alarum tædia hircosa, ac graueolentiam emēdat: quam Xenocrates experimēto promittit per vrinas ob id effluere. Eadē in aqua excocta, stomachum roborat, & vuluis nonnihil confert vt gignātur mares: sicuti Cherias Atheniensis & Glaucias afferuerūt. Sed hoc loco tibi coniectandū relinquo, an vna eadēmq; sit nostra & antiquorum cinara. Restat hīc admonēdum (quanquam præter institutum) quòd à duobus animalculis summè infestantur, & auidè expetuntur cinaræ. A muribus primùm, qui radicum voluptate semel illecti, turmatim vel è lōginquo accurrūt. A talpis prætereà, quas crebro defossu &

cuniculatione, sæpè vidimus cinareta ac cardueta funditus vna nocte, euertisse. Remedia eam in rem quærenda sunt ex nostris rerum hortensium Secretis. Sed repeto medica scolymi ceu cinaræ auxilia. Huius radix in vino cocta & pota, copiosam, vt tradit Oribasius, & graueolentem vrinam prolicit, alarúmque hircos ac virosam corporis odorem, vt diximus, tollit. Quo nomine etiam venereæ gonorrhœæ præsens esse remedium, fœlici successu se probasse scribit Ioannes Langius, illustris. Comitum Palatinorû medicus doctiss. Cæterùm, asparagi cinaræ cum butyro in iure elixati, sopitam Veneream in vtroque sexu strenuè excitant: æstate viris ad eius conflictum languentibus, hyeme verò mulieribus, ad eam pigris: sicuti ante Plin. adnotauerunt Hesiodus & Aristot. Nil igitur est mirû, mulieres adeò ambire plantam cinaræ, & cura admodû sollicita illâ curare & colere.

Vrina, Venus, gonorrhœa & alarum fætor.

Fragaria & Framboësia cum medicis auxiliis vtriusque. A R. V.

FRAGARIÆ fructum vulgus Gallorû *Fresam* nuncupat, & nomine paterno

*Febris, lien,
vulnera, vl-
cera fluxus
muliebris,
dysenteria,
vrina, iecur
& renes.*

*Gingiva, dē-
tes, distilla-
tio, faciei vl-
cuscula, va-
ri, oculorum
nebula, icte-
rus & ele-
phanticorū
macula.*

inautorat Framboësiæ fœtum, qui à ru-
bente moro nō valde dissidet: nisi quòd
sapore & fragrantia indicibili, palato ma-
gis applaudit. Vnde cūm vinum aliquod
à generoso sapore laudare volumus, olê-
re frāboësiam, nostro vernaculo sermo-
ne dicimus. V triusque fructus citam sen-
tit corruptionis labem: quapropter fe-
brim facilè experiuntur, qui largiùs fu-
gaci hoc cibo vescuntur. Fragariæ tamen
folia in iusculo cocta & sumpta, lienosis
medētur: idēmq̃ præstat succus eorum
ex melle haustus. Eadem folia cum radi-
ce, tam vulnera quàm vlcera sanant, mu-
liebrēsque fluxus ac dysenterias cohibēt,
& vrinam cient. Decoctum herbæ ac ra-
dicis, inflāmationibus iecinoris auxilia-
tur, & renes ac vesicam mundat. Idē ore
contentum collutionisque modo agita-
tum, gingiuas roborat, dētes commotos
firmat, & defluxiones continet. Vinum
quod ex fragis elicitur distillatione & su-
blimatione, aut putrefactione, vlcusculis
quę in facie pullulant ab hepatis calidita-
te, salubriter medetur, varósque, & ocu-
lorum nubeculas, ac calidas defluxiones
impositū, mirè tollit. Quin multi etiam

de experimēto mihi affirmarūt, elephantorum maculas ac tubercula emēdare: adhæc, herbam fragariam cum sua radice in vino coctam & ieiunis ictericis ex iusculo dies aliquot propinatam, certum illis præsidium adferre.

*Grossularius, tã albus quàm ruber, & medica
vtriusque auxilia. A R. VI.*

FREQVENS non solùm in hortis, sed etiam sepibus rusticis esse solet grossularij frutex, maximè qui baccis oneratur candidis, & ante maturitatem iucunda acerbitate gratis: ex quo tã pauperum quàm diuitum iuribus suo tempore innatare consueuerunt, & in dulciarias placentas, ac farcimina, farctaq; passim transfire loco vuç acerbæ. Quo nomine etiam grauidis summè expetuntur. Est frutex alter hortensis huius ferè plumæ, rubentem ac pendulam ferens acinorum multitudinem racematim congestam: quæ more nucleorum punici mali, abeuntem appetentiã reuocare, & nostratibus *grossella rubra* vel *transmarina* nuncupari vulgò solet. Non desunt qui putent id esse quod Arabes medici *Riben* appellât. Fru-

*Grossulariũ
descriptio Et
vss.*

*Stomachus,
situs, febris,
vomitus,
alvus, tor-
mina, san-
guis, bilis,
mēstrua, cœ-
liaci, dysen-
terici & cho-
lerici.*

ctus vtriusque, cādidus nimirum vel ru-
ber, æstuantem stomachum refrigerat, &
sitim restinguit: quæ cūm alios, tum ma-
ximè febricitantes excruciare solet. Vo-
mitiones sistit, stomachum roborat, alui
profluuium retinet ex flauabile, ac ven-
tris rosiones & vellicatus hinc obortos
emendat. Prætereà sanguinis feruorem
demulcet, bilis acrimoniam obtundit,
abundātiā fœminearum purgationum
cohibet, cœliacisq̃ & dysentericis, nec-
non cholera laborantibus valde prodest.
Salgamarij saccharo, aut melle vtrunque
condiunt ad anni totius vsū. Scio non
deesse, qui hæc ascribenda cōtendant fru-
ctibus oxyacāthæ: quod vt obstinatè nō
nego, ita grossulis nostris conuenire de
experientia probatum habeo.

HORTI MEDICI CAMPVS

QVINTVS, FLORES ALIQVOT, TAM
odoros, quàm inodoros, nouem areo-
lis complectens.

*Rosæ hortenses, & medica illarum
auxilia. AREA I.*

*Rara rosa-
rum excel-
lentiā.*

QVONIAM Rosæ, floris ac odoris raro
priuilegio, inter omnes hortorū
flores

flores ubique nobilitatur, & aspectu perquam iucundo ac vario omnibus arridet, hortorumque ornamenta censentur esse: idcirco si de medicis illarum facultatibus primo loco inter flores hic scriberem, premium operæ facturum me duxi. In quam rem gradum mihi substernent illarum partes paucis animaduersæ: quas antiqui sex nobis proposuerunt, scitu dignas, & in rebus medicis nequaquam neglectas. Duæ *pulchra philosophia sex partium rosarum.* in foliis, aut si mauis in floribus reperiuntur. Vna, vbi calyci inseruntur, & unguium modo albicant: ex quo unguis rosarum pars ea dici solet. Altera, reliquum foliorum explet. His succedunt aliæ duæ, quæ veluti minutissima semina in rosarum umbilico flauescunt, tenuissimis capillamentis alligata, quorum partem constituunt granula, partem verò filamenta. Reliquæ, in ipso rosarum alabastro, seu calyce continentur, vna in cacumine, altera in fundo. Quod ad facultates partium istarum attinet, folia cor, ventriculum, iecur, & *Inflamatio, fluxio, gingiua, menstrua alba, alui fluor et cruenta excretio.* vim retentricem roborant, dolores ex caliditate leniunt, & inflammationes discutiant. Ungues utiliter inseruntur lotionibus, fomentationibus, & clysteribus ad

inhibēdas fluxiones. Flosculi medij cum suis fibris ac filamentis, gingiuarum defluxus, & alba mulierum effluuia mirificè cohibent. Calyx, quē etiam caput nonnulli dicunt, cum reliqua parte basis, alui fluores & cruentas excreationes sistit. Porrò, præter sex iam dictas partes, quæ in florentibus rosis se produnt, tres aliæ in fructu reperiuntur, vbi maturuit. Vna in substantia carnis rubescente, altera in seminibus, tertia in lanugine conclusa, quibus omnibus non obscura inest adstringendi vis. Vnde præstati admodum remedio & auxilio censentur esse contra alui fluores, & fœmininorum excrementorum abundantiam qualemcūque: adhæc aduersus gonorrhœā, in qua præcipuè valent. His vtcunque propositis, medica rosarū præsidia sigillatim aggredior. Si corona ex nouis & recētibus rosarum floribus cōcinnata, capiti coaptetur, illius dolores ac molestias ex insolatione, vel ebrietate contractas, salubriter leuabit. Sed recētium penuria, veteres mædefacere poteris in aqua, addito pauco aceto, & illis cōmodè vti, Galeno monitore: qui ad æstiuas lippitudines siccarū

*Alui fluor,
menses, gonorrhœa et
capitis dolor.*

rosarum decocto etiam uti iubet, palpebras eo per spongiam continuè fouēdo. Suadet idem ad scabiosas oculorum lippitudines ex sole & pulueribus obortas, rosas aridas in vino albo tritis, & angulis oculorū admotis, uti: modò sub somnū oleo inungantur oculi, & ægrotans ab omnibus acribus abstineat. Rosæ sicca vino albo vsque ad tertias incoctæ, & ad colluendū continuò data, cruciatus dentium emendant, maximè à causa calida. Eadem in aqua elixatæ, vel illarum flos, summo sunt remedio inflammationibus oris, gutturis, ac columellæ. Et si rosarum vncias tres, & ouorum tostorū lutea duo vino albo læuigaueris ac cerato rosaceo exceperis, igneos & æstuentes sedis dolores mitigabis, perinde atque etiam hæmorrhoides. Sed priusquā alia rosarum medica auxilia persequamur, iucundum erit audire Damascenum Mesuen de illarum facultatibus doctè & medicè hūc in modum philosophantē. Rosa frigida est primo gradu, sicca secundo, ex diuersis substantiis & separabilibus composita: aquea mediocri, terrea adstringente, æreæ dulci & aromatica, denique ignea te-

*Lippitudo,
dentes, in-
flammati-
o oris, gutturis
& columel-
læ, sedis do-
lor, & hæ-
morrhoides.*

*Rosarū na-
tura et qua-
litates ex
Ioan. Me-
su.*

nui, in qua est amaror, rubor, perfectio & forma. Recētes sunt amaræ magis quàm adstringentes, & ob eam amaritudinem, succo præsertim, purgant. Siccatae substantiam adstringentem & constipantem retinent, sed albæ magis quàm rubræ. Resoluunt, aperiunt, tergent, calidas intemperies emendant, & cogēdo atque adstringendo roborant, maximè pilis & semine in calycis medio inuentis. Præstantior est in vrroque genere (albarum, inquam, & rubrarum) cui color genuinus inest, & folia adsunt pauca ac plana. Albæ nihil aut minimùm purgāt, sed potentiùs adstringunt & roborant quàm rubræ. Aqua ubi recentes sunt macerata, vel earundē succus, bile flaua purgat venarum & arteriarum sanguinem, obstructions ventriculi & hepatis aperit, ictero confert, febribus biliosis auxiliatur, viscera roborat, cordis tremorem curat, retentricem facultatem cōtinet, omnem inflammationem extinguit, & ab ea dolorem sedat, somnum conciliat, vuulam stringit, guttur roborat, crapulam aufert, & catarrhis obest. Cæterùm cùm sit medicamentum benignum, sed ad purgādum imbecillū,

*Obstruētio,
icterus, febres,
cordis tremor, inflammation,
somnia, vuula,
crapula
& catarrhus.*

adminiculis quibusdam eget, vt sero lactis vel melle. Nam succi rosarum vncia vna, cum seri lactis duabus vnciis aut tribus, & pauca spica, commodè vacuat. Foliorum quoque sero lactis infusorum expressio, cum pauco melle, sine molestia purgat. Rosæ melle conditæ tergēt, purgant & roborāt: saccharo autem exceptæ minùs tergent, sed magis roborant & adstringunt. Acetum rosatum inflāmationes omnes sedat, incidit, purgat, roborat. Recentes rosæ nullam coctionem, vel quàm minimam, sustinent: nam facultas earum tergens & purgatoria, statim igni resoluitur. Succus mediocriter coquēdo fit tenuior, & potētius terget. Hactenus Mesues, à quo ad nostrum institutum & medica rosarum præsidia cōmodùm redeo, nihil in his prætermisurus quod apud probatos autores legerim, vel ab expertis didicerim, aut ipse diligēter obseruauerim. Si cui autem hîc prolixus videbor, id (quæso) factū putet in gratiam popularium, quorū horti & scrinia vbi- que rosas scatent. Verum enim uerò, ne quid in hac historia etiã vulgare omittā, paucis rosarum Conseruam, vt vocant,

*Rosæ condita,
& acetum
rosarum.*

Autoris modesta excusatio.

Rosarū conserua quomodo fiat.

describo. Quæ fieri solet rosis tâtùm rubris, recentibus, exunguatis, in mortario lapideo diligēter tritis, superaddito optimi sacchari duplo. Mox citra insolatum reponuntur omnia, sed vase non repleto ad cumulum, ne tritura foras exiliat, & sit feruendi locus. His positis, rosarum auxilia medica persequor. Zoroastres in suis de Agricultura obseruationibus Græcis, tradit, oculos eius dolorem non sentire anno toto, qui rosarū calyces antè quàm in florem explicentur, leni tactu lustret, tribusque earū alabastrulis visum detergat, illis in rosario parente relictis. Quod multi verum esse contendunt, in eo qui prim⁹ calyces in frutice occultatos viderit. Vt vt fuerit, ros ille qui rosis inhæret, pinnula munda lectus, & specillo, genarum palpebris illitus, oculorum lippitudini medetur. Cremor è rosis aridis in vino decoctis expressus, ad capitis, oculorum, gingiuarum & aurium dolores summè probatur. Prodest etiam vitiis sedis, ac recti intestini, penna illitus, aut infusus. Trita rosa sacrum ignem, si apponatur, cōpescit, calētémque stomachum & præcordia mitigat: fluxum ventris ac

Oculi, lippitudo, caput, gingiua, aures, anas, ignis sacer, stomachus, præcordia, venter, matris & os.

matricis cum vino pota, vel infusa, cohibet. His addendum quòd sicca rosæ puluis efficaciter medetur oris vitiis, per se, aut cum melle. Rosaceam aquam, vi ignis diuersis instrumentis extractam, hîc conticeo. Quâ multò præstantior ac odore fragrantior solet esse, quæ vasis in aquam feruentem suspensis, aut priscorum more, per balneum calentis aquæ, vitreis organis elicitur, quemadmodum alibi docebimus. Hoc postremum erit. Rosæ, vt flores alij, Sole blando, vel clibano, pane ablato adhuc calente, siccata, odorem ac vires magis retinent, quàm si in vmbra siccentur, modò metam moræ non excedant. Idem de foliis & radicibus odoratis existimare tibi licebit. Quod pro reliquis floribus semel dictum ac scriptum velim. Superfunt multa rosarum occulta miracula, quæ tibi cum aliis plerisque hætenº desideratis, libèter in nostris rerû medicarum arcanis aliquândo impertiemur.

Aqua rosacea quomodo elicienda.

Flores odorati, radices et folia quomodo siccarî debeant.

Lilium hortense, & medicæ eius auxilia.

A R E A I I.

QVIA Lilium rosis nobilitate proximum esse scripsit Plinius, & me-

I iij

dio prouentu earum incipere, ideo se-
 cundum, post rosas, locum illi dabimus.
 Quibusdam ob insignem præstantiã flos
 regius, & Iunonis rosa dici cõsuevit, can-
 dore emaculato & odore eximio arridēs.
 Huius radices ex vino potæ, contra ser-
 pentium ictus plurimùm valent: & ex
 mulso propinata, inutilem sanguinem
 per aluum detrahunt, ac ita lieni summè
 profunt. Lichenas ac furfures in facie
 emēdant, & corpora erugāt. Cum adipe
 & oleo decoctæ, adustis profunt, ac iisdē
 pilos reddunt, induratāsque matrices re-
 molliunt. Folia in aceto elixata, vulneri-
 bus efficaciter imponuntur: & succus ab
 iisdem expressus, ad vuluas erugādas uti-
 lis est, mouēdōsq; sudores, & excoquen-
 das suppuraciones. Auxiliantur eadem
 serpentium morsibus imposita, & adustis
 feruefacta. Radices tostæ cū rosaceo, vl-
 cera cicatricibus claudunt, & cum melle
 neruis præcisis admotæ, luxatīsque par-
 tibus, maximè succurrunt, ac vitiligines
 emaculant. Quod etiam præstant elixa-
 ta folia, cataplasmate facto. Valet radicū
 bulbis ex vino coctus & intritus, ad pe-
 dum clauos: sed hinc amouendus nō est,

*Serpentes,
 sanguis, liē,
 lichen, fur-
 fures, adusta
 & manix.*

*Vulnera,
 vulua, su-
 dor, suppu-
 ratio, seriēs,
 adusta, lee-
 ya, neruis, lu-
 xata & vi-
 tiligines.*

nisi cū lux tertia venit. Testiū inflam-
 mationes cum hyoscyami foliis & tritici
 farina etiam leniunt ac demulcent dictæ
 radices. Fit aqua è floribus liliorū, vitreis
 organis in Marię balneo excepta (vt pro-
 prio scribemus opusculo) ad facies mulie-
 rum erugādas, & niueo cādore illustran-
 das, summè expetita. Radix quomodo-
 cunque ponatur, hemorrhoides aperit.
 Et vnguentū ex ea factū cum oleo amyg-
 dalarum amararū & cera alba, mirādum
 in modū erugat, terget & expolit faciem
 muliercularum. Eadem in aqua elixata,
 vel sub prunis cocta, & cum dulci oliuo
 subacta, singulare adfert præsidium com-
 bustis tam igni, quàm aqua, ex Galeni &
 Auicennę testimonio. Si in aceto coqua-
 tur, calida testiculorū apostemata emen-
 dabit: & si cum melle teratur, caput à fur-
 furibus, tōsum & vinctū vindicabit. Pro-
 dest etiā ad vlcera capitis manantia. Ace-
 to incocta folia, & spleni admota, vnicè
 conferunt cōtra illius duritiem & scir-
 rhum, modò quid eorum decocti præbi-
 batur. Succus etiā eorundē cum semine
 tritus & haust^o, pūcturis venenatorū mi-
 rè auxiliatur: & expressus de floribus suc-

*Pedū clauis,
 inflamatio-
 nes testium
 & facies.*

*Hemor-
 rhoides, fa-
 cies, combu-
 stio, testiculū,
 furfures, vl-
 cera capitis,
 splen, Et icter^o
 venenatorū.*

Vteri vomica, menses, vulua, fœt, inflamatio, menstrua, secunda, & discoloratio facies post partum.

cus, vomicas vteri valde iuuat. Præterea, radix sub prunis cocta, & oleo subacta, vteroque per linteolum immissa, menses trahit, matricem emollit, & vuluam aperit: adhuc semen vino albo intritum ac epotum, fœtum mortuum celerrimè educit. Oleum ex floribus recenter confectum & croco coniunctum, omnes inflammationes discutit. Fetus pudibundorum mulieris ex aqua decoctionis foliorum, & radicis, plurimum valet ad mouenda menstrua, quæ à partu cum secundis excludi debuerant: sed post fomentum, debet in eodem decocto linteolum tingi, & vsq; ad os vteri immitti, & exterius fetus continuari. Sit hoc postremum, Radix cum aliis cocta, & in facie rubelli vini trita, mulierum faciem, quæ post dolores partus discolorata remansit, perbellè emendat ac restituit, si hisce miscellaneis serò inungatur, & manè aqua hordei detergeatur, idque toties repetatur, donec pristinum decus, sed maiore cum elegancia, resumpserit. Quod rusticis mulieribus puerperis (quibus allia suauiter olent) scriptum sit, non vrbanis, & aulicis, quæ moschum olere, ac rosas vbiq; spirare fatagunt. Sed

heus tu? non redolet, sed olet, quod redolere solet. Nec cuius bene olet, quod bene semper olet. Verùm hæc nihil ad historiam nostram.

*Leucoj & violarum congenerum medica
auxilia.* AREA III.

INVENIO summum honorẽ fuisse Violis apud antiquos, post Rosam & Liliũ. Quarum genus omne partim *Viole* nomine, partim odore garyophylli in hortis, & illorum maceris, ædificiorũque ac tẽplorum parietibus familiariter hæere videmus & omnium maximè lutearum, Mauritanis & pharmacopœis *Keiri* nuncupatarum. Sunt etiam in fenestris & pensilibus hortulis genera omnia frequentissima, figulinis aut ligneis vasis, à mulierculis, & his qui claustra sequũtur, studiosè exculta, mira sanè coloris, albi, purpurei, cærulei, crocei & vermiculati, varietate, odorisque suauitate, vel eminè commendata. Sed maxima autoritas luteolis esse solet: quæ omniũ primè emergunt, & odorem vsque ad eò vehemẽtem spirant, vt caput plerunque tentet, ac nares feriat. Verum enim uerò hæc ad medi-

Violarũ dignitas & culus,

Viola lutea præstantissima.

*Menstrua,
oris vlcera,
rima sedis,
vulua, lien
podagra,
menses, par-
tus & se-
cunda.*

cas violarū facultates nihil attinent, quas nunc demum explicare iuuat. Aridi flores Leucoij feruefacti, menstrua educūt, oris vlcera cum melle sanant, cum cerato rimas sedis emēdant, & in defessionibus, vt scribit Dioscorides, contra vuluæ inflammationes plurimūm pollent. Radices cum aceto illitæ, lienem reprimūt, ac podagricos valde iuuant. Semen vnus drachmæ pondere ex vino potum, aut cū melle, genitalibus mulierū inditum, menses, secundas ac partus, etiam mortuos, extrahit. Frutex omnium, ex Gale-
no, facultatem habet extergentem, ac tenuium est partium: plus tamen flores, & inter hos qui sunt sicciores, quàm virides, exhausta excrementitia omni humiditate: vnde oculorum cicatricēs, etiam crassas, extenuant. Si quis vehementiam viriū quæ in floribus latitat, multa aqua, aut aliter retundat, optimū habebit medicamentum ad phlegmonas tam vteri, quàm partium aliarum: potissimūm quæ diuturno tempore ad scirrho modum induruerunt: sic cum cerato vlcera ad cicatricem agrè venientia valde emendabit. Sunt qui phlegmonas in articulis in-

*Oculi, phleg-
mone vteri,
vlcera, arti-
culi, menses,
& podagra.*

duratas, radice cocta, trita & apposita curant. Semina lutearum in vino albo contusa (si febris absit) & hausta, menses potenter educunt, & fotu, frigidæ podagræ dolores leuant. Flores earundem, dimidio cyatho in aquæ tribus, eosdē menses, diebus aliquot hausti, euocant.

Viola, Martia nobis dicta, & medica eius auxilia. A. R. I I I I.

IN eo violarū genere, quas Martias nūcupamus (fortasse quòd mense Martio plurimūm se prodant, & Ver aperiant) non solūm pupuræ apud nos visuntur, sed etiam albæ, æquè suaues & odoræ atque priores: licet id non agnoscat Andr. Matthiolus medicus doctiss. ac diligentiss. sicuti apud Dioscoridem testatū reliquit. Quod ad illarum vires & facultates attinet, Tarentinus in Græcorū agricultura & medicina exercitatissimus, scribit flores Violæ purpuræ refrigerare, & ea de causa inflammationibus prodesse, perinde atque oleum, & acetum, vt mox dicemus, ex illis compositum. Aqua infusionis & materationis eorundem, vlcuscula in ore paruulorum oborta, ac apo-

Viola cur Martia nobis dicitur.

Inflamatio, vlcuscula oris, apostema, pleuritis, thorax, crabula, granedo et epilepsia.

stemata valde emendat, & pleuritidi, anginae, tumoribusque thoracis summè auxiliatur. Valèt etiam flores iidem aduersus crapulam & capitis grauedinem olfacti, vel coronæ modo sincipiti admoti. Addo quòd epileptici odore violæ (fortassis luteæ) summè recreantur, ac nōnihil iuuantur, & maximè pueri: nec tantum odore, sed etiam potu aquæ, in qua illius flores permaduerint. Radices cum myrrha & croco tufæ, inflammatis oculis mirè opitulantur: & trita folia cum melle & aceto, capitis vlcera sanant. Eadem elixata omnem matricis tumorem curant, si tepida elixationis aqua vterus foueatur. Profunt etiam in cerato fissuris aniquas rhagadias nuncupant. Semina cum vino albo trita, calidam podagram fotu recreant: cui succedere debēt folia in rosaceo tufa, & ex linteolo apposita ac subinde mutata. Penè præteribam quòd dicta semina vino albo (si febris absit) intrita & pota, choleram, modo rhabarbari, de ventriculo exturbant. Quod etiam præstare ferunt virentia folia, aut flos in aqua vel oxymelite, multa maceratione pmutatus. Quin & biliosos morbos, vel

Oculi, vlcera capitis, matrix, rhagadia, & podagra.

Bilis, sanguis, pulmo,

è sanguine factos, costales & pulmona-
 rios, vt diximus, idem etiam iuuare solet,
 ac infantulorum tusses & suspiria cōpo-
 nere. Folia eadem per se, & ex polenta,
 æstuanti stomacho, & oculorum inflam-
 mationibus, sedique procidua aptissimè
 illinuntur. Hic me subinuitat commune
 iuuandi studium, vt non omittam vnum
 ac alterū Violarum arcanum, mihi à me-
 dico Italo, haud ita pridem familiariter
 impertitū, sed quod postea apud dignum
 fide autorem legi & adnotaui. Si os capi-
 tis, dicebat, adolescenti, vel alteri, violen-
 ter tactū fuerit, da illi statim bibere vio-
 las tritas, & id dies aliquot facere perse-
 uera. Prætereà, si cuiquam pes dexter læ-
 sus fuerit, liga violam cum vino tritā sub
 planta pedis sinistri: si sinister, sub dextra.
 Rem vtramque facili experimēto excu-
 tiendam, rerū abditarum studiosis pro-
 pono. Sed Ioannem Mesuæ, de Viola-
 rum facultatibus differētem iuuat in me-
 diū accersere. Viola recēs, inquit, frigida
 est & humida ordine primo: siccata, mi-
 nūs. Nam in recente excrementosa hu-
 miditas superficialia, quæ lubricādo pur-
 gat, caliditatem obtundit. In sicca, humi-

*tussis, suspi-
 ria, stoma-
 chus, oculi,
 Et sedes pro-
 cidua.*

*Vulnus ca-
 pitis, & pe-
 dum lesio.*

*Viola recen-
 tis & sicca
 temperamē-
 tum.*

ditate illa resoluta, caliditas priùs obruta emicat: ex qua emergit sapor amarus, qui trahendo purgat. Recens ergo refrigerat, dolores calidos, narcoticorum & stupefacientium modo sedat, inflammationes extinguit, thoracem & asperam arteriam lenit, bilem flauam purgat, & ab ea calorem sequestrat. Somnum prætereà conciliat, vuulæ confert ac cynanche, cephalalgiam à causa calida consopit, hepatitis phlegmonem & eius obstructionem, vnà cum ictero valde iuuat, sitim sedat, & febres inflammatorias mitigat, sed coryzam excitat. Cæterùm, eligenda & decerpenda est matutina viola, cuius virtutem neq; Solis calor resoluit, neque pluuia dissipauit. Si melle condiatur, magis terget ac minùs refrigerat, cum saccharo contrá. Succus, atque syrupsus ex multa repetitáque eius infusione concinnatus, leniendo, clementer, vt ex rosis, purgat. Acetum similiter compositum, febrium ardores, emédât. Hactenus Mesues, cum quo medicam hanc Violarum historiam claudimus.

Inflamatio,
thorax,
aspera arte-
ria, bilis, so-
mnus, cy-
nanche, ce-
phalalgia,
hepar, icte-
rus & co-
riza.
Syrup⁹ vio-
larum laxa-
tiuus.

Betonica hortensis, & medica eius
auxilia.

A R E A V.

G A L-

CALLORVM vulgus altilē Betoniam *Altilis Betonica pulchra historia.*
 & coronariam *Ocellum seu oillethum*, à
 floris figura nuncupare solet: quę tantam
 gratiam apud mulierculas, & monachos,
 inuenit, sui odoris iucunditate & coloris
 præstantia, vt tam in hortis, quàm fictili-
 bus cura admodũ diligenti ab illis, etiam
 fenestratim, excolatur ac foueatur. Flo-
 res caryophyllũ olent, & aliquid suauius,
 artificio & mangonio in nostris hortorũ
 Secretis expresso. Mirum fanè est, quòd *Betonica hortensis prisca incognita.*
 tam illustris flos, tam suauis & iucundus,
 à veteribus silentio inuolutus fuerit: qui
 pulchritudinē, varietate & amplitudine,
 cum rosa de principatu non temerè mihi
 certare videtur: ei nec colore cedens, nec
 odore: nisi quòd è lōginquo plus olet re-
 cēns rosa, sed cui decerptæ, natiui vigoris
 longissima mora dies esse soleat: betoni-
 cæ, quatrimum, vel ampliùs, vita, vigór-
 que perseuerat. De eius facultatibus &
 medicis auxiliis, ne verbum quidem hęc
 à me expectabis, quòd prisca rerum agri
 & medicinæ doctores, illam, vt monui-
 mus, vel ignorauerint, vel dissimulaue-
 rint. Nam quæ de hyacintho circũferun-
 tur, nihil, quod dicunt, ad hęc Parmeno-

K

*Agræstis Be-
tonica ab
Ant. Musæ
descripta.*

nis suam. De agræsti Betonica, præter ea
quæ à Græcis & Arabibus tradita sunt,
extat pulcherrimus & elegantiss. libellus
Antonij Musæ D. Augusti medici, ad
M. Agrippam.

*Phlogium & Bellis hortensis, cum utriusque
medicis auxiliis. A R. VI.*

*Phlogij pul-
chra & ele-
gans descri-
ptio.*

PLANTAE & floris inodori genus illud
quod gallicum vulgus *Penseam* vocat,
& pharmacopœorum collegium, Trini-
tatis herbã, Phlogium proculdubiò, mi-
hi esse videtur: vere statim post violam
purpuream emergēs, & flosculum coro-
nis sanè quàm aptũ, folio triquetro ge-
rens, colore ubique commendato, licet
inodoro, vt antea diximus. Durat inter
flores longo tempore: nam in autumnũ,
imò etiam in hyemem his prorogatur lo-
cis & hortis, in quibus cœlum clemētius
arridere solet, & vigilis adesse cura colo-
ni. Quod attinet ad medica eius auxilia,
hoc idē possum testari quod de superio-
re, nimirum nihil extare, quod sciã, apud
Græcos, Mauritanos, ac Latinos medi-
cos. Scribam tamen ex quorundam ex-
perientia, quòd planta hæc maximè pro-

batur ad glutinanda vulnera, tam exte- Vulnera & enterocæle.
riùs illita, quàm interiùs sumpta: adhæc
ad enterocælas. In quẽ vsum puluerem
eius, mensura dimidij cochlearis, ex vino
austero, fœlici successu propinant.

His positis, transeo ad Bellidem, seu
Bellium hortense (nam campestre quo-
que & pratense spectatur) de quo, priùs
quàm medicè aliquid proferã, monebo
quòd flores eius à Gallis *Margaritæ* vul- Florum Bel-
lidis nomen-
clatura.
gò nuncupantur, & à nostratibus Borbo-
niis *Pasquetæ*, fortasse quòd circa Pascha
oriri incipiant, vel quòd grato & vario
colore, licet inodoro, oculos pascant. Sed
hæc nihil ad medicam historiam, de qua
nunc demum paucis agendum restat, ex
recentiorum obseruatione: nam nihil ab
antiquis scriptum quoque reperio. Bellis
itaque trita cum artemisia, perbellè stru- Struma, po-
dagra, is-
chias, para-
lysis, capitis
fractura, &
thoracis vul-
nera.
mas emendat. Laudatur etiam ad poda-
gras, ischiadem & paralyfim, vnde à non-
nullis herba paralyfis dici solet. Valet
præterea, ad capitis fracturas, & thoracis
vulnera, quæ in eius cauitatem penetrãt.
In quem vsum, succus potionibus ritè
quoque admiscetur.

Iris, & medica eius auxilia. A R. VII.

K ij

Iridis nomina Et eorundem ratio.

Vsus economicus radicis Iridis.

IRIS quòd folium habeat in speciẽ gladij mucronatũ, quibusdam Galliaẽ partibus *Glaiurum*, ac si diceres gladiolum, vulgò nuncupari solet: & à cœruleo ac versicolore flore cœlestem arcũ imitante, *Iris*. Cui flores, præter cœruleum, insunt albi, pallidi, lutei, & purpurei, artificio in nostris hortorum Secretis descripto. Rura alicubi *Flammam* vocãt: ob rutilũ, vt arbitror, ignis fulgorem, radiantibus aliquot lineolis, intus exaratum: vel quòd calfaciat, vt flãma. Radices fundit geniculatas, & summè odoras: quas plerique sub veris exitum terra eruunt, & per circulares, taleolas dissectas in vmbra siccant, filòque transsutum exceptas, reconduunt. Alij lixiuio easdem macerãt, ad absorbendam & exhauriendam succi excrementitij sobolem, qua tinearum iniuriis sunt opportunæ, deinde siccant. Nam teredines, non siccæ modò, verùm & in terra virides celerrimè sentiunt. Ita curatæ armariis imponuntur, vt odore per quàm iucundo, vestes ac lineam supellectilem imbuant, & cõmendent. Sed hæc, si placet, mulierculis tractanda relinquamus, & medicas Iridis facultates sedulò

excutiamus. Radici vis inest excalfaciens atque extenuans, qua dote contra tussim efficax esse censetur: nam crassitiem humorum, qui ægrè reiiciuntur, digerit, atque hinc torminibus medetur. Cum aceto, lienosis, perfrigeratis, cõuulsis, & quibus genitura effluit, summè prodest, cõtáque cum vino & hausta, tardátes menses euocat, necnon excreationes faciles reddit. Lumbis & coxendicibus ex resina vtiliter illinitur: naribúsque ritè inditur puluis aut succus sternutamētis mouendis. Caput purgat, lachrymas elicit, & suo iusculo orthopnœas discutit. Oris fœdos halitus cõmansa abolet, alarúmque tædia & graue virus fotu emendat. Vinũ decoctionis eius tussim sedat, & soporem cõciliat. Puluis ex vino propinatus, si febris absit, saniem tenacem, quæ præcordia lædit, & thoraci molesta est, mirificè expellit, & deturbat. Idem cū aceto grauia tormina compescit. Fiunt è radicibus cum melle admodum efficaces compositiones ad secundas educendas. In dolore coxendicum succus recentissimæ radicis vtiliter clysteribus infunditur, fotúsque decoctionis eiusdè, fœminarum incom-

Tussis, tormina, lienosis, perfrigerati, cõuulsi, gonorrhœi, menses, excreatio, lumbi, sternutatio.

Thorax, tormina, secunda, coxendix, vlcera & fistule.

*Paronychia,
lentes, clavi,
verruca, of-
sa, cutis, dē-
res, & vl-
cera.*

*Caput, na-
rium foetor
& splen.*

moda ad vnguem leuat, duros earum lo-
cos emolliendo, & cōtractos relaxando.
Eadē radix arida, & in pollinem redacta,
vlcera purgat, ac fistulas sinúsque replet.
Valet etiā ad paronychias, & cum vino
ad clauos ac verrucas. Ossa fracta, cū mel-
le imposita, extrahit: & nudata, carne ve-
stit. Lentes prætereà & cutis vitia ema-
culat, dentiūmque cruciatus demulcet, si
eius decocto foucantur, & frigida sit cau-
sa doloris. Vlcerum sinus laudabili carne
replet: & si mel accedat, mūdificat. Quod
etiam præstare fertur puluis ex combu-
sto osse mortui hominis, modò aloë &
melle excipiatur, & in vlceris fistulam in-
iiciatur, quemadmodum scripsit Rhazes.
Sed hæc ad nostra medicinæ Secreta re-
feruanda erant. Radix iridis in puluerem
redacta, & oleo de spica ad linimenti cō-
sistentiam excepta, caput à pituitosis ex-
crementis suauis admodū odore, per na-
res liberat, sed repurgato prius toto cor-
pore. Succus ex iisdem radicibus insertus
naribus, foetorem illarum emendat. Et
cum aceto haustus, splenis dolores abo-
let. Hic tēpestiuum est, vt Ioannem Me-
sua audiamus. Iridis radix, inquit, calida

est & sicca ordine tertio, necnō acris: De-
 terget, resoluit, coquit, lenit, aperit, dolo-
 res sedat, pituitā viscosam, & mistam illi
 bilem purgat, necnon serofas aquas, eaq;
 omnia clemēter. Lentam & hærentē ma-
 teriā crassam in thorace ac pulmone co-
 quit, tenuat, ac promptè educit, viscerāq;
 omnia expurgat. Hepatis quoque & lie-
 nis ac vicinarum partium obstructions
 tollit, & affectus ab iis excitatos, hydro-
 pem, dolorē, tensionem, duritiem, ac si-
 miles, sanat aut lenit. Omnes quoque tu-
 mores, etiā duros, & strumas digerit, præ-
 fertim neruorum & iuncturarum: maxi-
 mē cum betę vel brassicę succo, aut vino,
 & melle ac oleo chamęmelino. Prætereā,
 veterem cephalalgiam sanat, præfertim
 cataplasmate imposita, & succo eius in
 nares attracto. Nam sternutamentū mo-
 uet, quod excremētorum vim maximam
 per meatus occultos in partes alias de-
 fluere paratorum, retrahit & foras ducit.
 Cum sapa tussim veterē ab humore cras-
 so, vel lento factam, multū iuuat, & ab
 eodem spirandi difficultatem. Vterum
 præterea expurgat: & pefso imposita, vel
 emplastro admota, eius dolores sedat,

*Thorax,
 pulmo, lien,
 hepar, visce-
 ra, hydrops,
 struma, tu-
 mores &
 cephalalgia.*

*Tussis, asth-
 ma, vietus,
 dentes, rheu-
 ma, hamor-
 rhoides &
 macula sa-
 ciei.*

K iij

menses euocat, abortum facit. Ischiadi salubriter clystere iniicitur, aut emplastro apponitur. Si aceto cui incocta fuerit, os colluitur, dentium dolorem leuat & rheumatismum sistit: adhæc supposita hæmorrhoidas aperit. Succus eius cum farina fabarum & cinerum illitus, faciem expurgat, eiusque maculas deterget. Porro, ne vētriculum lædat, sumitur ex mulsâ & pauca spica, vel cū sero lactis, melle & mastiche. Hactenus Mesues. Paulus Ægineta tradit, obolos octo, seu scrupulos quatuor, purgare agarici modo, nisi fuerit antiqua & pforata radix. Dioscor. dosim illo ampliùs auget. Teri & coqui potest mediocriter. Eligenda quæ est crebrò geniculata, dēsa, ex albo rufescēs, frangi contumax, odore violæ aromatico, sapore acri ac mordente, & dum tunditur, sternutamenta excitante. In quo Florentina & Narbonensis nostræ præfertur: & bonitatis rationem secundam habet, cui flos inest cœruleus: nam albus, vt reliqui mangonio accersiti, ad omnia imbecillior censetur. Colligi debet, incipiente florum defluuio. Fit ex ea oleum irinum dictum ad multa valde efficax, vt

*Electio, col-
lectio, &
nota præ-
statis Iridis.*

in Opusculo hortensium oleorum aliquando scribemus, cum aliis plerisque, fauente Domino, legi ac aspici dignis.

Amaranthus, & medica eius auxilia.

AREA VIII.

ETSI à Plinio Amarāthus spica purpurea veriùs dicatur, quàm flos, illum nihilominus in censu florum hîc adnumerabimus, quòd eo nihil sit aspectu gratius ac iucundius. Tyrias enim purpuras flāmeo nitore vincit. Ex quo Gallis non ineptè *Passeuelutum* nuncupatur: nā cum holoserico coccineo, quod *Carmæsinū* dicūt, de coloris præstātia certare videtur, absque vlllo tamen odore: mirūmque est quod cūm defecere cuncti flores, ille madefactus aqua reuiuiscit, & hybernas coronas pulcherrimè nectit: hinc dictus Amarāthus, quòd nō marcescat, ita Græcam nomēclaturam vsurpante Latio. Ex recentium medicorum iudicio, facultas illi inest frigida & sicca: vnde flos eius ex iusculo potus, dysentericos & cœliacos iuuare traditur: adhęc mensium abūdantiā, & albas vteri fluxiones cohibere. Quinetiam cruēta expuentibus prodest,

*Pulchritudo
Amarati &
eius nomen-
clatura.*

*Dysenterici,
cœliaci, nē-
ses, vteri fluxiones, cruē-
ta expuitiones, vomitus
& fluxio.*

praesertim si in pulmone, vel pectore vas aliquod fractum fuerit, vt scribit doctis. & diligentis. medicus Andr. Matthiolus suis in Dioscor. commentariis. Non desunt qui tradant stomacho aduersari, licet cum vino vomitus ac fluxiones sistat. Flos in aqua maceratus, vinum emittitur, grata febricitantibus impostura, quo benefico inuento illos saepe numero delusimus, ac summè iuimus. Sit hoc postremo loco in virginum & puellarum gratiam scriptum. Amaranthi flos, furni tepore, post ablatum panem, siccatus, mira coloris praestantia ad coronarios hyemis vsus seruari potest.

Solsequium, & medica eius auxilia.

A R E A I X.

*Solsequij
nomencla-
tura, & ea-
rundem ra-
tio.*

SOLSEQUIVM à multis falsò existimatur esse Heliotropium, siue maius illud fuerit, siue minus. Non quòd Solem non sequatur, vt mox dicemus, sed quòd pictura ei planè repugnet. *Calendula* officinis vulgò nūcupatur, quòd singulis ferè mensium calendis florere, vel (vt aliis placet) fruticare deprehendatur. Gallia *Solsiam* nominat, ac si diceres *Solsequiam*,

quòd eius flores Solem ab ortu per meridiem ad occasum tendentem notabili conuersione sequantur, ac si eius spiraculo recrearentur: tantus est syderis amor, & occulta cū iis floribus sympathia. Hinc nimirum planta hæc Rusticorum horologium & Solis sponsa, ac solaris herba nuncupatur, sicuti fusè & apertè ostendimus in nostris Naturæ arcanis, & alibi. Venio ad medica solsequij auxilia. Suffimētum ex ficcis eius floribus per vuluas receptum, secundas morantes trahit: & iidem recentes in vino macerati & potimenses cient: sed multò efficacius id præstat herbæ succus: quo, in dentium dolore si os cum tātillo vini, vel aceti calidiusculi colluatur, præsentaneum adfert remedium. Rem eandem facit folium, digitis vtcunque emollitum, & crucianti denti appositum: sed illud igni oportet antè admouere. Quia frigidum, vt venerandus ille medicinæ parens Hippocrates noster scripsit, neruis, dentibus, ossibus, cerebro & spinali medullæ summè inimicum, ac valde infensum esse solet. Sunt qui Solsequij aquam omnibus oculorum morbis conducere asserant, tam à

*Secundæ,
menses &
dentiū cru-
ciatus.*

*Oculi, capl-
tis dolor, re-
stis & febris
quartana.*

calore quàm frigore: adhæc capitis dolores tollere. Hîc penè tacebam & præteribam secretum magnum mihi & amicis meis, qui naturæ abdita, per experimēta scrutantur, sæpenumerò probatū & obseruatum. Si quis initio pestilentialis febris vncias duas succi calēdulæ biberit, deinde in lectulo bene opertus sudaerit, liber ab ea labe resurget. Quod Alexandro Benedicto sicuti acceptum libenter ferimus, ita tibi libentiùs offerimus ac impertimus. Sunt medica aliquot huius plantæ secreta alia, paucis intellecta, quæ cum plerisque hæctenus desideratis ex tenebris tibi in lucem aliquando proferemus. Hanc solsequij narratiunculam claudebam, dū medicinæ cādidatus quispiam familiaris meus, familiariter, vt solet, me inuisit. Qui postea quæ legit hanc facultatum solsequij historiã, fidem mihi fecit se cognouisse monachum quendam qui quartanas curabat propinato ante accessionem vino albo, in quo septē grana solsequij detrita fuerāt, repetito dies aliquot haustu: Quod hîc te scire, libenter volui.

HORTI MEDICI CAMPVS

SEXTVS, CONTINENS PLANTAS

aliquot non esculentas,
areolis vndecim.*Absinthium, & medica eius auxilia.*

A R E A I.

Hic Naturam rerum omnium parentem imitabor, quæ sicuti per vastam mundi vniuersitatem iucūdis ac lætis tristia miscere solet, adhæc dulcibus amara: ita ego in hac hortensium medica historia, suauibus insuauia miscebo, & gratis ingrata. Itaque post odoratos flores & plantas, nunc demum inodoras & insuaues herbas aliquot describam, ab absinthio incipiēs, quod tam odore, quàm sapore, iniucūdum esse, nemo nescit. In genera tria illud distinxerunt prisca. Vnum vulgare nuncupantes, quod Galli *Aluina* vocant, ac si diceres *aloinam*, ab insigni aloës amarore, quem refert. Nostrates Borbonienses *Fortum* appellant, à forti ac vehementi eius odore & sapore: cui Ponticū Galeno simile esse traditur. Alterum Seriphium vocant seu marinum: cuius semine medici necem moliuntur

*Absinthij
genera tria,
& corūdem
nomenclatura.*

vermibus ac lumbricis corporis, & ob id Semen cōtra lumbricos dicitant: Gallicum vulgus *Barbotinam*, & *Vermium mortem* nūcupat, easque nomenclaturas officinæ egregiè norunt. Tertium quibusdam Romanum, nobis Santonicum, gētili regionis vocabulo, dicitur: quod vt reliquis minus est, ita amarore multò mitius, foliis constans albicantibus, lenibus & planis: adhæc odore iucundo & gustu non valde insuavi. Hodie apud nos in multis hortorum areis seritur, & acetariis remiscetur, summo ventriculi, & hepatis commodo. Sed his neglectis, ad facultates & medica omniū præsidia transfundendum est. Absinthium decoctum, sui vaporis suffitu, dētium, ac aurium dolores tollit: hīsque vtiliter instillatur, si manauerit sanies. Potionibus à multis improbatur, quod stomacho & capiti dolorem inferat, præsertim vulgare, licet illis profint folia admota. Cruditates cum pipere, ruta, sale & vino abigit: ac thoracem cum iride purgat, & maximè Santonicum. In aqua pluuiâ decoctum, & sub dio perfrigeratum, vētriculum & hepar summè roborare creditur, ac lotium po-

Vētriculum,
hepar, dentes,
cruditates & thora-
rax.

Lotiū, icterus,
menses,

tu elicere. Ad regium morbum bibitur salubriter cum apio, vel adianto: & cum melle sumitur efficaciter, aut ex vellere imponitur laudabiliter ad menses trahendos. Sanat pruritus fotu suæ decoctionis, & nauseas maris arcet in navigationibus potum ex vino, vel olfactum, aut è regione ventriculi appensum. Reliquas facultates & medica præsidia facillimis versibus, & planè medicis, expediet herbarius vates de absinthij planta in hunc scribens modum,

- .. *Et splenem adiecto potata iuuabit aceto:*
- .. *Sic quoque fungorum depellet sumpta venenū:*
- .. *Necnon lethifera cum vino damna cicutæ:*
- .. *Atque venenatis occurret morsibus hausta:*
- .. *Ac suggillatis superaddita ritè placebit:*
- .. *Subuenit anginæ, mellinitróque iugata.*
- .. *Vulneribus prodest contrita recentibus, illis*
- .. *Si superaddatur: capitis sic vlcera curans.*
- .. *In lini panno si circuncincta geratur,*
- .. *Inguinis immodicum fertur cohibere tumorem.*
- .. *Auris depellit sonitum cum felle bouino:*
- .. *Ac durum splenem illius cataplasma resoluit.*
- .. *Ex oleo fuerit viridis si cocta, iuuabit*
- .. *Nō modicè stomachū qui sit hoc vnguine fotus.*
- .. *Sub lingua factum curat cum melle tumorem:*

pruritus & nausea.

Splen, venena, suggillata, angina, vulnera, capitis vlcera, inguina & aures.

Stomachus, lingua & oculi.

.. *Liuorémque nigrum, qui circa luminis orbem
.. Apparere solet, sanabit idem medicamen.*

*Capilli, som-
nus, vētri-
culus, vestes
& libri.*

*Prisca ab-
sinthij ex-
hibitio.*

Haecenus poeta ille, qui ex Arabibus haec ad verbum ferè transcripsit. Penè omiseram quòd absinthij cinis rosaceo vnguento permistus, capillum denigrat, & somnos olfactu allicit ramus sub capite repositus, modò id non senserit aeger. Transit sapor eius in vinum, quod vocatur absinthites, quo nihil praestantius in affectibus ventriculi, vt dicemus in vinis medicatis. Non est hìc dissimulandum, quòd absinthium vestiariis arcis inspersum, ab erodētium iniuriis reposita vindicat: adhæc quòd atramētum librarium diluto eius temperatum, literas & libros à musculis tuetur, quèadmodum ex Dioscoride transcripsit Plinius: apud quem in nonnullis exemplaribus, muscis pro musculis scriptum reperio: fortasse quòd *μύιας* pro *μύσι* apud eundem legerit. Pulchrum est, inquit Aegineta, ante alia pocula absinthij dilutum prelibare: nã inter ebrietatis antidota numeratur. Quod ad exhibitionem attinet, veteres succum absinthij pueris offerebant illitis melle labris vasculi, quemadmodum his verbis

sibus eleganter expressit Lucretius,

- " *Ac veluti pueris absinthia tetra medentes*
- " *Cum dare conantur, prius oras pocula circum*
- " *Aspirant mellis dulci flauoque liquore.*

Alij folia eiusdem in fico dabant, ad fallendam amaritudinem, & conciliandam gustui gratiam, summo per imposturam beneficio. Si cum rosis in vino austero coquitur, fotu, ventriculi dolores tollit, vel totius compositi applicatione. Et si cum passulis, oculis superponitur, pulsantem illorum dolorem emendat. Quod etiam præstat vapor decoctionis eius, ex vino albo, apertis oculis exceptus. Galenus scribit aurium sibilũ & sonitũ curari fotu decoctionis absinthij: vel immisso raphani succo, cũ rosaceo: adhæc herbam contusam, & super tegula calefacta, vinoque irrorata, tostam, ictus, plagas & contusiones sanare: insuper, eius decoctum cum furfure, chamæmelo, melilotto, malua, vino & aqua, additis oleis anodynis, rosaceo, liliaceo, anethino, chamæmelino, appositum contusionibus & attritionibus muscalorum, mirandum in modum iuuare. Et si folia cum melle trita, vtero ac muliebri pudendo imponan-

Ventriculus,
oculi, aures,
plaga, con-
tusiones, &
attritus.

L

Menses, tho- tur, menses excludent. Si cum radice iri-
rax, icterus. dis coquatur semē, & bibatur, thoracem
 purgabit, & icterum valde emēdabit. Sed
 pulchrum erit audire Ioan. Mesuæ, hæc
 omnia, & multò plura, paucis colligentē.
 Absinthium, inquit, constat duplici sub-
 stantia, vna calida, amara, nitrosā, purgā-
 te & obstructa liberāte: altera terrea, sti-
 ptica, & partes cogendo roborante: præ-
 fertim in siccato absinthio. Cùm autem
 eius substantia calida sit superficiaria, vbi
 sumptū est, ab ea prior fit actio: à terrea
 verò stiptica, posterior: per quam ven-
 trem soluere cōprimendo, nonnulli ma-
 lè sunt opinati. Bilē enim flauā, & aquas
 à ventriculo, intestinis, hepate ac venis
 vacuat, interdum etiam per vrinas. Pitui-
 tam verò, aut non vacuat, aut maximè
 paucam: licet phlegmagogum quoque
 ipsum censuerit Auenzoar. A putredine
 vindicat, præcipuè potu quotidiano vn-
 ciæ vnus vel duarum vini aut aquæ, cui
 infusum vel incoctum fuerit, vel aquæ ex
 eo distillatæ. Cum melle, aut vino & pau-
 co cūmino calfactum & appositum, mirè
 confert partibus attritis vel contusis. Si
 vino itē, aut aqua, aut oleo cui absinthiū

*Bilis flaua,
 aqua, putre-
 do, attritus
 & contu-
 siones.*

& radix cucumeris agrestis incocta fuerint, spongia mersa & expressa temporibus alligetur, hemicraniam sanat. Auris quoq; suffita vino aut aqua cui incoctum sit absinthium, dolore, tinnitu, & surditate liberatur. Acetū prætereà, aut vinum cui incoctū fuerit cum cortice citri, oris fœtorem à gingiuarum & dentium putredine, vel materiarum corruptela in ventriculo, emendat. Quod etiā præstat aqua eius distillata. Succus cum nucleis persicorum, vermes aurium, & aliarum partium, enecat & educit. Sed maximè hoc electarium lūbricos occidit: Absinthij vnciæ duæ, euphorbij drachma vna & dimidia, cornu cerui vsti vncia dimidia, mellis quātum sufficit. Ex absinthio, fumaria, vuis passis enucleatis, myrobalanis citreis, potio fit cōmoda cōtra pruritus & scabiem. Quia autem imbecilliter soluit, rosæ, serum lactis, fumaria, spica, vix passæ purgatæ, illi non ineptè miscentur, vt meliùs & tutiùs purget. Roborat ventriculum & hepar, excitat appetentiam, tollit obstructiones, & innatos affectus, icterum ac hydropem: febribus etiam putridis diuturnis confert.

Hemicrania, aures, fœtor oris, vermes, pruritus et scabies.

Ventriculus, hepar, appetentia, icterus, obstructio, hydrops & febris.

L ij

Vere debet colligi absinthium, & succus ex eo media veris parte extrahi, & sole, vel calidis cineribus, in vase vitreo, vt aloë, ficcari. Flos æstatis principio decerpitur, mediocrem sustinens coctionem. Haftenus Mesues, qui nobis medicã absinthij narrationem claudet. In qua persequenda, si lōgè ac latè sumus exspatiati, & diutiùs immorati, popularis herbæ inenarrabilib⁹ remediis & auxiliis, ascribendū anxie petimus & obnixè ꝑcamur.

Abrotonum, & medica eius auxilia.

A R E A I I.

*Abrotonum
mas & fœ-
mina.*

QUIA Abrotono absinthij amaritudo inest, idcirco secundo post absinthium describetur loco: quod in marem & fœminã distingui nullus est qui ignoret. Hæc à multis Cypressus dici solet, foliis constans albicantibus. Ille non vsque adeò albicat. Parisienses vtrunque *Ayronum & custodem vestiariū* nuncupant: quòd armariis sparsum, vestes à tineis vindicet. In vino potum contra venena antidotum esse scripserunt prisca, & cum oleo illitum prodesse algentibus: necnon contra omnia veneficia, quibus coitus impeditur. In cubili stratū & suffi-

*Venena, al-
gores, coit⁹,
serpentes,
barba, nervi
Et thorax.*

tum, serpētes ac venenatū reptile quod-
uis fugat. Cinis eius cum oleo raphani-
no, ricinino vel sabino, barbā tardiū nā-
fcentem elicit, & nervos pectorisq̄ue af-
fectus summē iuuat foliorum decoctio.
Ex quo dyspnoicis, tussientibus, & lum-
borum ac vuluarū doloribus adesse cre-
ditur, si cum vino & pauco melle hauria-
tur. Quo etiam modo ischiadicis & sup-
pressis mensibus auxiliatur. Febriles al-
gores abrotonum sedare dicūt, si ex aqua
tepida bibatur, antē quā irrepant: vel
oleo eius spina dorsi ad calētem foculum
illinatur. Alij eam in rem flores cū sum-
mis ramorū capitulis, ex oleo in linimē-
ti consistentiam atterunt, & eo pedum
plantas, cum spina & carpis manuum illi-
nunt. Semen vsque ad drachmam, cum
aliquot foliis in vino albo tritum, addita
nuce iuglande & bolo Armeno: deinde
excolatum & bibitum, mirādum in mō-
dum est efficax aduersus venena, & luem
pestiferam, nostro & aliorum quamplu-
rimorum fœlici & optato experimento.
Semen in vino albo tritum, & haustum,
cunctantes menses accelerat. Quid am-
plius optas?

*Dispnoici,
tussū, lumbi,
vulua, is-
chias, menses,
febriles al-
gor, venena
& pestis.*

- » *Huic panis micæ, & mala cydonia iungens,*
 » *Si simul amne coquas, oculorum coctæ dolori,*
 » *Vel feruori apponens, percurabis vtrunque.*

Oculi, aculei,
 lumbrici
 & Venus.

Infixas cuti spinas, aculeos & alia quæuis educit per se admotū, vel cum adipe tritum: adhæc tam sumptum, quàm appositum vel iniectum, lūbricos ventris, perinde atque absinthium, disperdit: ferturque ad Venerem incitare, puluino subditum. Quod an verum sit, dubitare malo quàm incerta pro certis obstinatè ac temerè proferre: quare, connubio iunctis isthæc tentanda relinquam.

Ruta hortensis, & medica eius auxilia.

AREA III.

NVL LI sunt horti, tam urbani quàm agrestes, qui Rutam perpetuò virētem & grauiter olentem non agnoscant. Cui ea fertur esse natura Plinio & Palladio, vt furtiua optimè proueniat, & sub fici arboris vmbra libenter acquiescat. Vnde probatissimam rutam esse putauit Theophrastus, quæ cortici ficulneo defixa, terra obrueretur. Quod etiam Plutarchus agnouit, scribens in symposiacis ad hunc modum: Ruta quæ sub ficu pro-

Ruta natura
 & præstantia.

filit, aut illi adnascitur, suavior habetur & sapore melior. Ab his non longè recessit Dioscorides, eam cibus commédans, quæ prope arborem fici cresceret, & quâcunque aliam ferculis abdicans. Hinc illa mirum rutæ cum fico sympathia & amicitia à Plinio celebrata: & eiusdem rursus cum cicuta mirabilis antipathia, probabili argumento, quòd rutam colligētes, cicuta succo manus armant, ne perniciosis vlceribus ab ea infestentur. Quod de ruta agresti scriptum fuisse, docebit experientia, rerum dubiarū magistra. Sed hæc nihil ad rutæ facultates & medica auxilia: quæ quia præstantissima sunt, ob id longè ac latè nobis explicanda veniunt. Florentinus Græcæ agriculturæ interpres diligentissimus, tradit obturatas aureis medulla rutæ, aut recenti eius succulo, capitis dolores finire: adhæc succo illius inunctos oculos cum melle optimo, vel lacte mulieris masculū enixæ aut lactantis, caligine & suffusione liberari. Quam rem etiâ præstabit solus succus, tactis oculorū angulis, non solùm hominibus, sed etiam pecudibus ac iumentis. Quod Salernitanæ scholæ poësis non omisit, dicens,

L iij

*Mirabilis
rutæ cum fi-
co sympa-
thia.*

*Aures, ca-
put et oculi.*

„ *Nobilis est ruta, quia lumina reddit acuta:*

„ *Auxilio ruta, vir lippe, videbis acuté.*

Et poeta herbularius,

„ *Ruta comesta recens oculos caligine purgat,*

„ *Et melius marathri cum succo, felléque galli,*

„ *Melléque, si succus ex aquo iungitur eius:*

„ *Indéque sint oculi patientis sæpè peruncti.*

*Serpentes,
epilepsia, hy-
drops, pectus,
latus, labi,
tussis, reur,
pulmo, renes
& febris.*

*Tormina,
mèstrua, san-
guis, ozæna
& dentes.*

Ille idem succus cum vino potus, serpen-
tium venenis resistit, & comitialibus au-
xiliatur. Quin ruta ipsa cum ficu ad di-
midias parteis decocta, hydropicis salu-
briter adhibetur: valétque plurimùm ea
decoctio ad pectoris, laterum ac lumbo-
rum dolores: necnon contra tussis, ac
pulmonũ & iecinoris, renũmque vitia,
& remeātium febrium horrores. Eadem
cum vino, hyssopo & aniso cocta, tormi-
nibus sedandis, & ciendis menstruis, hau-
stu vel foru mirandum in modum opitu-
larur: naribũsque indita, fluẽtem sangui-
nem sistit, & sæpè olfacta, ozænas curat,
necnon collutione, dẽtibus summè pro-
dest. Certissimum est Basiliscum serpen-
tem, homini, reliquĩsque animãtibus, in-
sidiari ac infestum esse, frugésque ac fata
contactu suo & viroso halitu polluere:
nec esse vllum animãtis genus, quod ad-

uersus illum pugnet, præter Mustelam. *Basiliscus Et Mustela.*
 Quæ rutæ esu, ceu præsentia alexipharmaco & propugnaculo stipata, illum intrepidè extra latebras raptum cõterit. Quo mortuo, nisi confestim se aliò subducatur, pastûque rutæ iterum sibi prospiciat, ex contagione ambientis aëris, suffocari periclitatur. Non temerè itaque faciunt, qui *Ruta serpētibus exorsa ac venenatis oībus.*
 circa ædes rusticas, ac pecorum stabula & pastorum casas, frequentem rutam serunt ac fouent, quum vi præsentanea venenis obsistat, nec vllum serpētis genus, quàm se lōgissimè eius vmbra porrigit, vspiciam admittat: quæadmodum de Fraxino scribit Plinius. Quod si quis sumpserit mandragoram, hyoscyamum, cerusam, nigri papaveris succû, & pleraque alia quæ immodica frigiditate lethalem stuporẽ conciliant, rutæ succo, vel illius decocti vino, reuiuifcet, ac malum discutiet. Sed obliuiscendum non est, quod in feruido effectu & vrente, noxam infert corpori, si copiosius sumpta fuerit. Vnde grassante peste *Ruta in peste vtendum cauti.*
 sæpenumerò obseruauit eos, qui rutam aceto maceratã & imbutam naribus idẽtidem admouissent, pustulas & vlcuscula in labiis, naso ac vicinis locis contraxisse:

*Emplastrum
optimū ad-
uersus pesti-
feros bubo-
nes & car-
bunculos.*

*Aures, fœtor
oris, lac, mǎ-
nia, & vl-
cera.*

sicuti in Opusculo nostro de remediis & secretis contra pestem nuper adnotauimus. Nā exulcerat foris admota, & parti alicui affricata vesiculas excitat. Quare carbunculis & bubonibus pestiferis, aliisque tumoribus cōtagiosis opportunè ac salubriter adhibetur: virus enim elicit, nec patitur intro resilere ac remeare venenatos halitus. In quam rem cōtusâ, & cum fermēto acri, ac adipe suillo, nec non cepa & ficubus coctâ, adiecto ammoniacō, calce viua, sapone, cantharide & theriaces momento, præstantissimum conficies emplastrum, quod affectæ parti tempestiuè appositū, pestiferos tumores cōfestim dirumpet. Id quod experiundo verissimum esse fateberis, & sciuisse aliquādo gaudebis. Sed quia talium remediōrū, tota (quod dicūt) plaustra in iam dicto opusculo nostro proposuimus, idcirco de illis verbum non amplius addo, reliqua hortensis rutæ medica præfidia inuentu & paratu facilia, ordine persequens. Succus rutæ in cortice mali punici calfactus, & auri immixtus, illius dolores finit, tinnitum emēdat, & vermes interimit. Folia cōmansa, oris fœtorem tollūt

ex vsu alliorum & ceparum contractum, sed aceto os debet postea collui. Si eadem folia coquantur, & cum sulphure ac pauco aceto terantur, deinde mām̄is in modum emplastri apponantur (exclusa papilla) omnē lactis coagulationem ac tumores expediunt. Scribit Galenus quòd ruta efficaciter obstat omnibus malignis vlceribus, siue sint putria, siue corroden- tia: sed in molli corpore debet remisceri, & teri, coquūue cum pane vel hordeacea farina. In duro, potiùs vtendum censet pegano, id est agresti ruta, quàm hortēsi & vrbana. Semen in vino coctum & po-

*Singultus,
scrophula,
vomitus, &
morsus ve-
nenatorum.*

tum, singultus emēdat qui fiunt à pitui- ta, & hinc periclitantes, à suffocatione li- berat. Tusa folia & in modum emplastri scrophulis apposita, illarum duritiem ab- olent. Et eorundem siccatorum pars vna puluerata cū media parte olibani, deinde ex vino, vel syrupo de mētha hausta, vo- mitum compefcit. Si aliquot recentia fo- lia edantur, & generosum vinum super- bibatur, morsum Mustelæ non secus cu- rant, quàm simiç & felis commansa faba, & demorso loco statim apposita. Factum præterea pessarium, vt loquūtur medici,

*Menstrua,
matrix, co-
lum, uterus
& inflatio-
nes.*

*Oculi, vene-
na, pestis &
morsus ve-
nenati.*

ex rutæ succo, muliebria potenter ducit. Et folia trita, oleoque liliorum incocta cum adipe gallinæ vel anseris, si calida antrosum & retrorsum vtero in modum emplastri apponantur, præfocationem & strangulatum matricis emendant. Quod vnum remedium etiam præstâtissimum esse solet, ad coli, vteri & recti intestini inflationes. Sed folia sicca, cum suprâ dictis adipibus & oleo trita, efficacius operantur. Est sanè memorabile quod apud Arnaldum à Villanoua scriptum reperi, nimirum quòd ruta vino albo, vel rosacea aqua imbuta, macerata & calefacta, vapidum fumum & aqueum vaporẽ exhalat, qui vitreo vase superposito exceptus & collectus, apprimè utilis est sedãdis oculorum morbis. Memorabile & illud quod apud Auicennam legi. Si quis semen rutæ & folia cū nuce, & bolo Armeniæ in generoso vino albo cõtriuerit, & iusculũ tale percolatum ieiunus biberit, ab omni veneno ea die tutus erit, imò verò à pestifera luce, quantumuis sæua & immani. Folia eadem cum vino trita valēt plurimùm aduersus venenatos morsus omnes, etiam si rabidi canis fuerint:

modò cum melle & sale morfui apponã-
tur, vel cum aceto & pice eam in rem de-
coquantur. Non defunt qui affirmēt ru-
tæ succo perunctos, vel rutam ipsam ge-
stantes, à maleficis animalibus feriri non
posse. Generationes eius cibo impediri
certum est: idcirco mulieres sobolē con-
iugalem suscipere satagētes, rutam cane-
peius & angue vitare debēt: nam vuluas
aperit, ac mēstruum sanguinem prolicit.
Addo q̄ & semen, & coitū, tā cibo quàm
potu sumpta, desiccāt & restinguit, maxi-
mè viris: quod mulieribus augere Saler-
nitano iactatur hoc senariolo,

» *Ruta viris coitum minuit, mulieribus auget.*

Vulvæ strāgulatus aperit cum melle tri-
ta, & toti pubi vsque ad anum illita. Quæ
res etiam plurimū valet ad dolores ar-
ticularios, & cum oleo ad expellēda ven-
tris animalia. Si cū laurinis foliis coqua-
tur, testium inflationes apposita mitigat:
lichenibúsque cum melle & alumine vti-
liter affricatur. Cum pipere & nitro viti-
ligines cādidas emaculat, & folia aliquot,
cibos antecedentia, aut cum arida ficu, &
veteribus iuglādium nucleis sumpta, ad-
dito salis momento, venenorū vires he-

*Malefica
animalia,
generatio &
sperma.*

*Vulvæ strā-
gulatus, ar-
thritis, te-
stes, vermes,
lichen, viti-
ligo, venena
& pestis.*

betant, & corpus contra iniurias eorum
tutissimè muniunt, pestilentique aëri re-
sistunt. Quod Mithridatis inuentū esse
tradunt, & Mithridaticum diateffaron
nuncupant, mihi & quamplurimis fœlici
succesſu in magnis pestilentiis probatum.
Sed pulchrū erit audire poëtam herbu-
larium de ruta eam in rem nō ineptè ad
hunc modum philosophantem,

*Mithridatis
antidotus
contra ve-
nena.*

„ *Obstat pota mero, vel cruda comesta, venenis:*

Quod Mithridates Ponti Rex sepè probavit:

Qui rutæ foliis viginti cum sale pauco,

Et magnis nucibus binis, caricis que duabus

„ *Ieiunus vesci consurgens manè solebat:*

„ *Armatúsque cibo tali, quascunque veneno*

„ *Quilibet insidias sibi tenderet, haud metuebat.*

Sed de iis plura in Iuglande scribemus,
vbi ad arbores ventum erit.

Theopōpus vires nec dissimiles nec im-
pares rutæ attribuit, quàm citrio, cōtra
toxica: tradens Clearchum Heracleoti
tyrannum suo tempore multos aconito
interemisse, cuius violentiam vt vitarēt
subditi, domo non egrediebantur ante
degustatā rutam: quo præsidio, ceu præ-
senti alexipharmaco, ab aconiti virulētia
sospites euaserūt. Non desunt qui Citrio

id ascribant, quemadmodum suo adnotabimus loco. Prætereundum hîc nō est, q̄ ruta & mentha virides, ex Hippocratis & Galeni sententia, flatus ac Veneris pruritum excitare solēt: siccatæ verò vel frixæ, & præcipuè semina, eosdem discutere, ac Veneris impetum cōpescere, seminisque profluuium, gonorrhœa nuncupatum, sistere. Quod tametsi superioribus nō nihil pugnare videtur, si tamen rectè ac prudenter excusseris, nullum habere dissidium reperies. Luc. Apuleius Platonius scribit, rutam viridē oleo incoctam, & cera noua agglutinam, efficacem esse ad inguinum dolores, modò ex linteolo, vt ceratum, applicetur. Eadem cum polenta bene trita & imposita, epiphoras lenit. Ignem sacrum ex aceto & oleo illita mirè extinguit: & ros eiusdē matutinus in vasculo collectus, & oculis instillatus, illorum caliginē tollit. Quod etiam præstare solet vapor ex eadem madete, igni exceptus. Si præter volūtatē effluit semen, manducetur ruta in vino cocta cum pingui aliquo, vel butyro. Si muliebri effluuium sistere voles, rutam (vt idem tradit Apuleius) auro, argento,

Flatus, Venus, & gonorrhœa.

Inguina, epiphora, ignis sacer, oculi, sperma & muliebri effluuium.

*Fascinatio,
venena, ser-
pentes &
eorū ictus.*

ac ebore circumscribe, & sublatā infra ta-
lum alliga. Autores sunt Arist. & Plinius,
q̄ mustela cum serpēte & bufone dimi-
catura in muriū venatu, rutā prius ede-
re solet, ceu præsens quodpiā alexiphar-
macon. Ex quo rutam fascinationis ac
venenorum, necnon contagiorum præ-
stantissimum esse amuletum, appositissi-
mè scripserūt prisci omnes: falsòque pu-
tauit Pythagoras oculis nocere, nam &
sculptores & pictores, oculorum causa, in
cibo illa salubriter vti solent. Tam est in-
festa serpētibus, vt procul ab illa stabula-
ri certum sit, imò verò eius nidore longè
ac latè abigi. Vnde cū sale & cepa admo-
tam, remediū esse expertus sum aduer-
sus serpentium venenatos ictus. Consul-
tè itaque ac prudēter mihi facere viden-
tur, qui ruta hortorū areas olitorias co-
ronant, vt esculēta olera à venenatis ani-
malculis defendant. Hæc sint postrema,
quanquam parū medica. Feles ab auia-
riis acerbuntur, pullis gallinaceorum aut
aliorum, succo rutæ perfusis, aut ruta vn-
dequaque armatis auariis ipsis. Quod
facili experientia probabis, vnà cum eo
quod tradidit Democritus, nimirum cu-
lices

*Quomodo
arceantur
feles ab
auariis, et
pulices ab
adibus.*

lices abigi, & ne accedant impediri, si ruta virentis ramo aquam per domum, aut locū alium illis obsessum resperferis, vel eiusdem plantæ decocto asperginem feceris. Quod multi etiam ad pulices merito detorquent, & de experimento verissimum esse testantur. Quare rectè scripsisse censebitur herbularius poëta,

„ *Coëta facit ruta, de pulicibus loca tuta.*

De cuius facultatibus & medicis præsi- diis scriptum sit hætenus. Quas fusiùs & explicatiùs persequi volui, quòd ubiq; hortorum frequens sit illa, excellentissi- mis viribus ac occultis aliis miraculis præ- dita, nobis alibi explicandis.

Vrtica, & medica eius auxilia.

AREA IIII.

QVONIAM in plerisque hortis tã vr- banis quàm rusticis, multarum plantarum (si desit cura coloni) nō dicam cibis, sed oculis ac naribus ingratiſſimarū inexpugnabilis proventus etiam sponte oboriri solet, idcirco de illis nōnulla me- dicè hîc scribere conabor, quòd vires in ituãdo corpore humano admodum in- signes ac præstantes habeant. Itaque ab

*Multa in
hortis plãta
inutiles.*

M

*Vrtica mor-
dax, & eius
remedia.*

*Venena &
si mor san-
g uinis.*

*Canis mor-
sus, sudor,
aluus, pecc^o,
mēstrua, vl-
cera, vuula
Et prociden-
tia ani.*

Vrtica auspicor, quæ vel peculiare id agnoscit, quòd absque vllis spinarum aculeis, lanuginem adeò noxiam, ac vrētem circumfert, vt tactu quàm leuissimo pruriturum, pustuláque adusto similes confestim excitet. Ex quo ab vrendo Grámaticis ritè dici mihi videtur. Sed mordacitas in ea (quæ oleo curatur) nō protinus se prodit, nec nisi Solibus inualescētibus roboratur. Per veris initia planta hæc sapore solet esse non ingrato, & religioso cibo multis, ad depellendos totius anni morbos. Huius semen Nicander cicutæ contrarium esse affirmat, & fungis, viuo argento, hyoscyamo, serpentibus ac scorpionibus pugnare. Trita folia & naribus indita fluētē sanguinē sistunt, omniūq; maximè radix: quod etiá præstat succus, fronti illitus. Phantias inter Græcos medicos celebris, vrticæ laudes cōdidit, vtilissimam cibus coctam, conditámue professus. Canū morsibus addito sale opitulatur: oleo incocta, sudorē elicit: cum cōchulis, aluum ciet: cū ptisana pectus purgat: cum thymo aut pulegio tardantibus mēstruis imperat, & cum sale vlcera quæ serpunt, continet. Sed illa mordax eius

vredo, vuulas in ore cohibet, ac procidētes vuluas, infantiūmque sedes, tactu, resilire cogit, & Venerem in quadrupedibus excitat. Quod pinguis poëta, volebam dicere Macer, herbularius nobis passim nūcupatus, nō omisit, nec ignorauit.

- .. *Vrticæ foliis (inquit) reuocatur vulua fricata:*
- .. *Si quadrupes quæcunque marē perferre recusat,*
- .. *Vrticæ foliis illius vulua fricetur:*
- .. *Sic naturalem calor excitat ille calorem.*

Non desunt qui affirmēt lethargicos ex-
perrectos fuisse tactis eorū cruribus vrtica mordaci, & magis fronte. Dioscorides scribit, Galeno astipulante, quòd folia vrticæ gangrænas emendant: nec non carcinomata quæ cacoethe vocantur: adhæc parotidas, sordida vlcera, suppurationes, tubercula, ac luxata reparāt. Folia cum pauca myrrha trita & admota, mēses efficaciter mouent, & cum cerato, lieni admodum profunt. Ventrem in iusculo sumpta, velut titillando & abstergendo, clementer irritāt. Syluestris, quam Græci ἄργιαν, Galli *Griecham* nūcupant, ex vino pota, lepras in facie tollit, quod etiam nonnulli vrticæ mordaci ascribunt: cuius succus cessantem vrinam ciere, & cal-

*Lethargus,
gangrana,
carcinoma,
parotis, mē-
ses, lien &
aluus.*

*Lepra, vri-
na, calculus
vulua, acu-
lei, struma
arthritidis &
podagra.*

M ij

culos frangere, vuámque inflammatione turgētem reprimere fertur. Sunt qui radice, infixá corpori extrahant, addito salis momento : & foliis cum axungia strumas discutiant: quæ si suppurauerint, cōpleri tradunt. Articulariis morbis & podagricis, cum oleo vetere tritam vrticam plurimi apponunt. In quam rem etiam radix cum aceto tusa, cēsetur admodum vtilis esse.

” *Illius semen colicis cum melle medetur:*

Et tuſſim veterem curat, si sæpè bibatur:

Frigus pulmonis pellit, ventrisque tumorem:

Cum mulsa bibitum, lotium producit abundé.

Idē semen in eadē mulsa obolis duobus, hoc est scrupulo vno sumptū, vomitiones à cœna faciles reddit : & in sapa haustum, ventriculi inflationibus succurrit: prodest etiã orthopnoicis cū melle, nam thoracem expurgat. Lateri prætereà medetur cum semine lini & hyssopo frixū. Erunt hæc pro vrtica satis, vbi admonuerō, quòd linimentum ex ea compositum cum oleo & sale, partes corporis tuetur ab atrocissimo frigore & rigore, etiam si febrilis fuerit, inūcta dorsi spina, & pedū plāta ac manuū carpis. Valet idem ad vl-

Colici, tuſſis, pulmo, venter, lotium, vomitus, ventriculus, orthopnoici, latus.

cera ex gelu & frigore contracta. Noui multos arcanorum naturæ conscios, qui vt febrilem cordis æstum compescerēt ac infrigidarent, internum vrticæ succū arteriis illinebant, addito vnguenti populei momento. Sunt qui folia dūtaxat trita eam in rem ipsi carpo, necnon temporibus applicent, cum pauco oleo violaceo vel papauerino. Penè omittebam quòd vapor ex decoctione seminis vrticæ naribus exceptus, illarum obstructionem aperit. Quod etiam operatur abrotonum, in eius historia nobis ad alia festinantibus, negligenter, ne dicam imprudēter, omissum. Folia trita & matrici superposita, emplastri modo, illā si educta fuerit, reducunt. Semen potum cum sapa, strangulationes vteri aperit, & succus foliorum cum myrrhæ momēto, menses potenter euocat. Cæterùm tacendum non est, quòd si quis empyicus scrupulum vnum seminis vrticę in pollinem reductum, cum syrupo pectorali, quasi lambendo paulatim deglutiuerit, tenacem humorem facili conatu expectorabit, & summū præsidium hinc explorabit. Hoc sit postremū, & si parum medicū, Vrticæ

Febrile frigus, vlcera ex gelu, & ardor febrilis.

Nares, matrici, vterus, menstrua, & empyici.

radices carnibus cōiūctæ, eas celerius coqui impellūt, & nymphææ radix pisces incocta, illa omnia ad vnum, veluti extrudente olla, foras eiaculatur. Facili experimento res innotescet.

Plantago, & medica eius auxilia. AR. V.

SEQUITUR Plantago nullis hortis non obuia, cuius laudes abundè cōplexus est Themison medicus, Plinio autore. Si quis eius folia in aqua mulsâ macerata, vel contusa & expressa, horis duabus ante accessionē ad drachmas duas biberit, tertianas leuiores ac breuiores reddet. Quod etiam præstabit succus radicis madesactæ, vel tusæ: aut radix ipsa macerata in aqua ferro candenti excalfacta. Quidā ternas radices in tribus aquæ cyathis potandas dedere tertianariis, & quaternas quaternariis, totidē aquæ modulis temperatas. Folia podagras refrigerant, conueniuntque in primo calidarum impetu. Succus, oris vlcera collutione emendat: necnō folium admotum, aut radix commansa, etiam si rheumatismo laboret os. Datur plantago cibum nō sentientibus, hoc est iis qui nō nutriuntur (quos Græci ἀτρέφους vocant) interpositis diebus; ex

Febris, podagra, oris
ulcera &
atrophia.

quo phthisim sanare traditur in vino co-
cta & pota. Comitiales ac suspiriosos iu-
uat, & strumis cum sale auxiliatur. Eadē
curantur ambusta cum oui albumine, ita
vt cicatrix oculos fallat. Sanguinem clau-
dit ex vbere (seu vlcere) fluentem, & car-
bunculos tusa rumpit. Ex aceto & sale co-
cta dysentericis ac cœliacis salubriter ex-
hibetur: vel succus eiusdē cum alica, vel
oryza: qui etiā subter iniici potest. Cum
creta cimolia & cerusa, igni sacro mede-
tur, etiam si medium hominē ambierit,
qui Zoster vocatur, & si cinxerit, enecat.
Sāguinis excreationes, vel (vt quidam le-
gunt) excretiones, tā ore, q̄ aluo & vtero
factas, tritū semen in vino austero (si fe-
bris absit) efficaciter sistit, necnō & folio-
rum succus haustus vel iniectus: qui etiā
fistulis inditus, pręsenti auxilio esse solet.
Coquitur cū lenticula plātago, eodē quo
beta more, aduersus hydropisim: & si cor-
pori vitiū id adhæserit, cui Leucophleg-
matix nomē est, elixa opportunè datur:
modò panē siccū prius comederint labo-
rātes, vt media cibus illa interueniat. Lu-
xatistusa folia dolores ac tumores tollūt,
addito sale modico. Crassa vlcera labra

*Epilepsia,
asthma, stru-
ma, ambu-
sta, sanguis,
carbūculus,
dysenterici
& cœliaci.*

*Ignis sacer,
sanguis, fi-
stula, &
hydrops.*

*Luxata, vl-
cera, noma,
vterus, au-
res, oculi,
gingiua &
matrix.*

M iij

purgant, ac nomas sistunt, medenturque omnium generum vlceribus & peculiariter fœminarum, senū ac infantium: sed igne emollita meliora sunt. In quē vsū prodest etiam succus cum cerato: qui in vteri strangulatu per se vtiliter bibitur, ac aurium doloribus appositè instillatur, & lippitudini necnō ophthalmiis in collyrio perpulchrè additur. Prodest etiam collutione gingiuis sanguine prægnantibus: & in vellere subditus locofas mulieres strangulatu liberat, vuluarumq; fluxiones sistit, etiam si fuerint sanguineæ.

Dentes, vesica, renes, strume, vlcera, sinus, & canum morsus.

Vlcus, vulnus, quartana, ar-

Radix commāsa, aut masticata, dentium dolores sedat, perinde atque decoctionis eiusdem ablutio: quæ etiam ad vlcera vesicæ, & renum vitia, cum foliis in passo efficaciter præbetur. Tradunt nonnulli, quod si quis radicem licio alligatam, è collo suspendent, strumas discutiet, ac crescere prohibebit. Redeo ad folia, quæ vlcera vetera & inæqualia, si apponantur, persanant, & ad planum reducunt: adhuc sinus glutināt & morsibus canum ritè medentur: & ex lana, pessi modo indita, vteros purgant. Semen tusum, & in vlcus, aut vulnus sparsum, citò illud curabit. Et suc-

cus cum malsa exhibitus duabus horis ante accessionem quartanæ, illam emendat, & repetitione facta tandem abolet: sicuti à multis obseruatum intellexi. Folia minoris plantaginis cum sale trita, & cataplasmatibus modo imposita, tumorem & dolorem neruorū in arthritide sensim demulcent. Emplastrum quoque ex eius succo, ac albumine ouorum & bolo Armeniæ fronti impactum, fluorem sanguinis è naribus compescit: & succus haustus vel vtero iniectus, motū menstruorum continet.

thritis, sanguis, & menstrua.

- „ Ille idem succus rectè sanare videtur
- „ Quod iuxta nares vel lumina nascitur vlcus,
- „ Si superaddatur cum lanis mollibus illi:
- „ Pérque nouè cataplasma dies hocce renouetur:
- „ Si via longa pedum mouet, vt fit sæpè, dolorem,
- „ Acri cum vino superaddita trita iuuabit.

Vlcera oculorum, dolor pedum, & elephāsiasis

Vis foliorum in refrigerādo, abstergendo & siccando mira est, vt testantur Dioscorides & Galenus: ideo ad vlcera quæ cacoëthe vocātur, & elephātiās, in fœlici successu illinuntur: conueniuntque ad ea quæ humore madent, & ob sordes scaturientes facilè purgari nequeunt. Nō possum hîc tacere nec dissimulare, q̄ planta-

*Pestis, &
vermes ul-
cerum.*

ginis vires sanè quàm eximias sapenu-
merò experti sumus in lue pestifera, qui-
buscunque administraretur modis: ad-
hæc vermes in vlceribus exortos interfi-
ci, plantaginis arefactę resperfo puluere.
Alia eam in rem auxilia certa & probata
leges in nostris naturæ Arcanis.

*Artemisia, & Tanacetum seu Athanasia,
cum medicis vtriusque auxiliis.*

A R E A VI.

*Duplex Ar-
temisia, &
eius nomen-
clatura.*

*Menses, par-
tus, secundæ,*

V I D I M V S in plerisque hortis diuitum
matronarū Artemisiā curiosè plan-
tari & diligenter excoli, ob præclaras vti-
litates, quas (vt mox ostēdemus) illis ad-
ferre solet. Quæ res me mouit, vt de me-
dicis eius auxiliis pauca hîc adsuerē. Du-
plex apud nos visitur artemisia. Vna ab-
sinthij modo fruticat, & foliis maioribus
ex nigro virescit, *Armoïsa* vocata. Altera,
circa aggeres & riuos nascitur, necnon in
frumentaceis agris, foliis minoribus ve-
stita, quam Gallicum vulgus *herbam S. Io-
annis* nominat. Vtraq; Dioscoridi & Ga-
leno, excalfaciendi, resiccandi & extenu-
andi vires habet, adiiciturque vtiliter ad
muliebres desessus, vt educantur menses,

partus & secundæ. Vulvæ constrictiones laxat, & inflammationes eius mitigat, calculos frangēs ac vrinas mouens. Ad euocandos menses qui fuerint remorati, efficaciter pubi apponūtur calentes artemisiæ fasciculi: ad quos etiā coma eiusdem trium drachmarum pōdere vtiliter propinatur. Folia minoris diligenter trita cū oleo amararum amygdalarum, & stomacho adhibita, illius vexationem sedāt: & succus cum rosaceo, neruorum dolores finit. Vtraque ex oleo irino tusa cum fico & myrrha, vuluis optimè medetur, eāsque repurgat intromissa, vel apposita. Succus cum oleo violaceo concretus & spinæ inunctus, febriles infantium calores emēdat.

„ Hanc adipi iunctam strumis apponere laudat

„ Plinius, atque iubet cum vino sumere tritam.

Radix pota mulieres in tantum purgat, vt partus etiam enectos extrahat. Folia cocta & imo vētri cum farina hordeacea admota, menses ac secundas extrahunt: & si mulieris in partu laborantis vmbilico & fœmoribus decocta & calentia apponantur, miraculo quodā fœtum educūt. Dantur decoctiones eorundem in vino dulci contra calculos & stranguriam. Ar-

vulvæ, calculi, & vrina.

Stomachus, nerui, vulua, struma, partus, menses, secunda, calculi, stranguria, vterus & partus.

temisiam secum habentibus negant nocere mala medicamenta, ac bestiam vllā, imò ne Solem quidem. Et qui eā tulerit viator alligatā, dicitur lassitudinem nullo modo sentire. Quod pulchrum est ac valde notandū, hīc omittebā. Artemisia inter digitos trita, vel aliter contusa, & in pudendum mulieris, pessi modo, detrusa, plurimū cōfert resiccandæ & detergendæ matrici, quæ nimiū humida fuerit & lubrica. Eadem, vt diximus, cocta & imo ventri, nec non fœminibus admota, fœtum ac secūdas accersit: sed hinc illico est auferēda, alioquin vterum vnà etiam euocabit. Si succum artemisiæ cū aliquot ouorū luteis coctis triueris, addita axungia & cumino, eaque omnia vtero superposueris, dolores qui partum sequuntur, demulcebis.

Non desunt qui contendant Tanacetum seu Athanasiam tertiū esse genus artemisiæ, & iisdem pollere viribus. Quod à multis præclaris medicis negatū video, censentibus tanacetum potiū esse parthenium masculinum. Cuius facultates receptæ ac probatæ sunt, vt ventriculi & alui flatus discutiat, ac lūbricos ex ventre

Vētriculus,
aluus, lūbrici,
calculus,
Et vrina.

pellat. Utuntur etiam plerique præstati admodum remedio ad comminuendos renum calculos & ciendam vrinam. Sed vt viris magis commendatur tanacetum, ita mulieribus artemisia λεπτόφυλλος, aut matricaria: sic dicta quòd matricis dolores sanet. Vulgus Parisiense *Espargouite* vocat à guttis spargēdis: quòd eius folia trita & ori ac auribus admota in dolore dentium, guttas pituitæ spargant & saliuam tenuando eliciant.

Chelidonium, & medica eius auxilia.

AREA VII.

CHELIDONIVM maius (nã de eo potissimùm hîc agimus) in parietinis hortorum multorum, & opacis nascens locis, à Gallis *Eclera* vulgò appellari solet: quòd caligātibus oculis aciem videnti reparet. Ab hirundinibus, quæ Græcis χελιδνες vocantur, nomēclaturam est adeptum. Nam Theophrasto autore, illarum aduentu suum excitat florem ac virescit: discessu verò, marcescit. Alij, vt Arist. & Plin. contendunt, plantam hanc ab hirundinibus inuentam fuisse: quòd oculis pullorum suorum, qui cæci na-

*Chelidoniū
hirudinaria
herba, &
vnde id factum.*

scuntur, illius auspiciis visio accersatur: & si in nido puncti fuerint, etiã restituatur. Nam si quis nuper in lucẽ editarũ hirundinũ oculos cõfigat, tacti ea herba à matre, rursus incolumes redduntur. In quã sententiam nonnullos venisse, autor est Dioscorides. Sed commentitium id esse putat Cornel. Celsus, tradens huiusmodi auicularum acies extrinsecus læsas, interposito tempore in pristinum statum sensim redire. Vnde, inquit, locus fabulæ datus est, per parentes id restitui herbã, quod per se sanescit. Hinc, nimirum, collectum est hirundinum sanguinem, nostris quoque oculis ab externo ictu mederi, non secus, quàm palumbium & columbarum, si hirũdineo caruerimus. Floribus chelidonij succus exprimitur, & in vase mundo, cum melle optimo, feruenti cinere leniter decoquitur, singulari remedio contra oculorum caliginem. Radix cum aniso & vino albo pota, regio morbo & iecoris obstructionibus medetur, ac vlcibus quę serpunt, vtiliter imponitur: necnon iis quæ inueterata sunt & in fistulam abierunt. Quod Q. Serenus hunc in modum confirmat,

*Remedia ad
oculorum
ictus.*

Icterus, iecur & vlcera.

„ At si iam veteri succedit fistula morbo,
 „ Herba chelidoniæ fertur cum melle mederi.

Menses nimios mammis admota efficaciter sistit : & vlcera adeò siccat, vt pro
 spodio vtantur multi, imponitur etiam
 iisdem desperatis, cum axungia. Galenus
 tradit calidæ, & admodum extergentis
 esse facultatis, eiusque succum ad visum
 exacuèdum cōmodum esse : maximè his
 quibus crassum quiddā in pupilla colli-
 gitur, digestionē atq; discussionē indigēs.

*Menses, oculo-
 li, visus, &
 vlcera.*

Mercurialis, & medica eius auxilia.

A R E A V I I I.

PL A N T A hæc Gallicis hortis Latinam
 retinet nomenclaturam: & in marem
 ac fœminam distinguitur. Hæc candidio-
 ra, ille nigriora habet folia. Mirum est
 quod de vtroque genere proditur, ma-
 rem scilicet facere vt mares gignantur,
 fœminam verò, fœminæ: sed id contin-
 gere, si à conceptu succus statim bibatur
 in passo, edanturque folia ex oleo & sale
 decocta, vel cruda ex aceto. Plinio in ea
 re astipulatur Dioscorides: nisi q̄ à pur-
 gatione succum iam dictum bibendum
 esse, & trita folia genitalibus locis adhi-

*Secretū pro
 marium &
 fœminarum
 generatio-
 ne.*

benda testatur. Experiētia addidit oportere altero à purgatione die dare mulieribus per triduum, & quarto die, à balneo, cum illis coire. Q. Serenus medicus & poëta æquè priscus ac doctus, eam in rem, de conceptione & partu scribēs, elegantissimis versibus aliquot ita lusit,

Q. Sereni
versus pul-
cherrimi.

*Irrita coniugij sterilis si munera languent:
Et sobolis spes est multos iam vana per annos,
„ Mercurialis item capitur communiter herba:
„ Sic cubitum noctu coniux festinat vterque.*

Conceptus,
menses, secun-
da, surditas
stranguria
Et alnus.

Hippocrates, Plinio autore, vtramque mercurialē miris laudibus in mulierum vsu prædicauit: adhibuitque cum melle, vel rosaceo, aut irino, vel liliaceo oleo ad conceptus, & ciendos menses, educēdasque secundas. Quod etiam potu, aut fottu, præstari dixit. Succum insuper surdis auribus instillauit, & cum vino vetere inunxit, ac folia cum recenti axungia decocta, vesicę ad stranguriam imposuit. Venti exonerando, vel in feбри, quātum manus capit, in duobus sextariis aquæ ad dimidias coquitur. Vel cum melle, admixto sale, succus bibitur: aut in gallinaceo iusculo (quod salubrius est) cum malua decoquitur. Dioscor. eandem soluendo
ventri

ventri in olere coquit : traditque, epoto iure, bilem ac aquas detrahi. Malis quæ serpunt medetur succus ex aceto. Semen vtriusque, potioni insparsum, vel cū absinthio, aut cicere decoctum, regium expugnat morbū : & folia illita, vel succus, omnium generum verrucas tollunt, ac thōracem purgāt, sed stomachum lædūt. Galenus testatur mercuriali omnes vti dūtaxat ad alui solutionem & purgationes. Si quis autem in cataplasmate periculum facere volet, digerentis facultatis esse experietur. L. Apuleius Platonius mercurialis tritū semen ex passo, ad ventris duritias exhibet, & ad epiphoras oculorūque lachrymas folia ex vino albo vetere apponit. Præterea, ad aquā, quæ in aures introierit, succū tepēfactū exstillat.

Vlcera, icterus, verruca, thorax.

Venter, epiphora, & aures.

Parietaria, & medica eius auxilia.

A R E A I X.

A Parietibus nomen habet Parietaria, in quibus nasci, ac gigni, maximè solet : quanquam in sepibus ac vineis nasci etiam cōstat. Helxine dicitur, quòd lappaceis capitulis suis & echinatis sphaerulis, vestes tenaci asperitate, hærendo, tra-

Parietaria nomina & eorundem ratio.

N

hat & retineat. Vocatur & Perdicium, quoniam perdices ea præcipuè vescuntur, & sese libenter in illa volutant. Adhæc vrceolaris, quòd detergēdis vrceis, & vitreis vasis admodum apta sit. Turtures, columbæ & gallinacei illâ pasti, annum fastidium deducere traduntur. Podagris cum caprino aut hircino seuo efficaciter apponitur, & cōtra rupturas, lapsus, præcipitia, aut vehiculorū euerfiones, diuinitus opitulatur. Sanat ignes sacros, collectionesq; omnes, & adusta. Succus cum cerussa panos discutit, necnon abscessus & incipientia guttura. Cum recenti butyro vel gallinaceo adipe frixa, & ventri, cataplasmatibus modo, calens imposita, ac subinde mutata, colicum cruciatum clemēter sedat: perinde atque nephritidem & sæuas ex calculo tyrannides, si succus illius vino albo exceptus, & recenti oleo amygdalarum dulcium remistus & trāsuaſatus, opportunè hauriatur. Tonfillas & varices cū rosaceo curat. Folia, vt scribit Dioscorides, vim habent spissandi & refrigerandi, quare illitu sacros ignes, vt diximus, sanant, & condylomata, ac vlcera quæ serpunt, emendant. Inflammatio-

Podagra, ruptura, lapsus, præcipitia, ignis sacer, panus, abscessus, guttur, colicus affectus & calculus.

Tonfilla, varices, condylomata, vlcera, gargarico, & anres.

nibus gargareonis tam herba, quàm succus illitus, vel gargarizatus multùm prodest, auriùmque phlegmonosos dolores cum rosaceo infusus leuat, & quandoque finit. Vis etiam ei inest abstergerendi, vt in vitreis vasis experimēto docetur: adhęc constringēdi comite humiditate subfrigida. Quamobrem phlegmonas omnes *Phlegmonē* in initio & augmento sanat, vsque ad statum. *Et podagra.* Luc. Apuleius aduersus podagram in aqua decoquit, & ea partes affectas fouet, herbamque ipsam cum axungia tusam, cataplasmatis modo, imponit, & linteolo vestit. Cæterùm, certo & probato quorundam experimēto didici, viridem parietariam cum pane, & oleo liliaceo, rosaceo, vel chamæmelino tritam & excalfactã, muliebrium vberum apostemata valde iuuare.

Malua, & medica eius auxilia. A R. X.

Hic de vtraque malua, syluestri nimirum & hortensi, medica & fusa agemus methodo: quòd vtriusque vsus tam frequēs vbique sit, quàm planta ipsa passim est obuia. Olim satiua erat & altilis, *Malua olim* cedebátque in locum oleris, Horatio & *satiua.*

N ij

Hesiodo testibus. Vnde illud extat Martialis, in lactuca à nobis initio adnotatū.

" *Vtere lactucis, vel mollibus vtere maluis:*

" *Nam faciem dudum, Phæbe, cacātis habes.*

Malua, Solaris herba.

Sanè prodigiosum naturæ miraculū est, quòd herbæ huius folium, nedum flos (quemadmodum scripsit Theophrastus) nubilo die Solem, etiam delitescentem, prodat: sitque curriculi illius velut index de statu & cōuersione: ex quo inter herbas heliotropas meritò accensetur, sicuti nos haud ita pridē admonuimus in nostris naturæ Arcanis, & alibi. Damageron inter Græcos medicos & geponicos sanè quàm celebris, posteritati notum esse voluit, succum maluæ exasperatas fauces lenire, & summæ cutis acrimonias emendare: adhæc laceffitibus renibus opitulari, ac irritamentis vesicæ summam adferre commoditatem. Feruefactæ cibus per se, irraucescentem vocem expedit, & ex oleo atque garo vētrem resoluit. Recens, vulnus claudit & ad cicatricem perducit, luxatisque ac fractis medetur. Folia cum frōde saligna trita, pretiosum faciunt emplastrum quod inflammationes enasci vel augeri prohibet, manātemque

Fauces, curis vitia, renes, vesica, raucedo, venter, vulnus, luxata & fracta.

Inflamatio, sanguis, serpens, aures,

sanguinem sistit. Eadem cum cepis, vel *hepar, epile-*
 porris tuia, serpētium ictus, imposito *psia, calcul^o*
 nant. Succus auribus instillatus, dolorem *& ischias.*
 earum compescit, & ex melle potus, he-
 paticis medetur. Idē comitiales recreat,
 & calculosis ac ischiadicis pręsenti est au-
 xilio. Si quis syluestris maluę succo per-
 unctus erit cum oleo, vel plantam ipsam
 secum habebit, à vespis non pungetur.
 Quòd si recenter punctus fuerit, etiam
 infixio aculeo, idem opitulabitur succus,
 aut oleum simplex. Ius elixę & feruefa-
 ctę epotum, vrinę finit tormina, & diffi-
 ciles, laboriososque partus soluit. Radice
 eius quę vnum habet caulem, dolentes
 dentes pungere, vtile esse docuit experi-
 mentum: necnon parturientes celeriùs
 eniti, substratis maluę foliis: sed protinus
 à partu remouenda sunt, ne vulua sequa-
 tur. In quam rem etiam prodest succus
 ex vino ieiunis exhibitus. Tradidere nõ-
 nulli fœminas purgari foliis plenę manus
 mensura, in oleo & vino sumptis. Eadem
 strumas, parotides & panos, addita ho-
 minis saliuā, curant citra vulnus. Sūt qui
 adalligēt tritum semen brachio genitu-
 ram non continentium, Quod vnū Xe-

*Vrina, par-
 tus, dentes,
 parturientes,
 menstrua,
 struma, pa-
 rotides, pa-
 nis, & go-
 norrhœa.*

Venus, ab-
ortus, ven-
ter, vesica,
venenati
ictus, ambu-
sta vulnera,
vulua, ma-
trix, fœtus.

nocrates etiam tradidit (modò sit vni-
caulis maluæ) adpersum genitali fœmi-
narum, venereas auiditates mirū in mo-
dum augere. Quāquam Olympias The-
bana abortiuas esse dixit maluas cū adipe
anserino in modum pessi vuluis inditas:
quod tacuisse fortassis præstitisset. Dio-
scorides esculentio rem esse ait hortēsem
quàm agrestem, sed stomacho noxiam:
quæ, sicuti cauliculis suis ventri ac intera-
neis facilis esse probatur, ita vesicæ ad-
modum idonea censetur. Semen cum
vino, aqua & pauco aceto coctum, valde
prodest cōtra ictus & morsus venenato-
rum, partim bibitū, partim loco affecto
admotū: & cruda folia cum rosaceo trita,
ambustis summè auxiliantur, quēadmo-
dum etiam aqua decoctionis illorū. Ea-
dem cum pane ad vulnerū impetus, cō-
modè apponuntur. Et succus per se hau-
stus, vel cum oleo liliaceo infusus, vul-
uas emollit. Addam quòd fetus deco-
ctionis maluæ vel althææ, duritiem ma-
tricis tollit, & eius ostiolum aperit. Non-
nulli affirmant radicem gestatam fœtum
continere, si vterum attingat: quod ple-
rique etiam parietariæ ascribunt. Sūt qui

contra māmillarum tumores illam cum rofaceo terunt, & subcalidam apponunt. Aduersus omnes aculeatos iētus, vires, vt diximus, habet admodum efficaces, præcipuè apum, vesparum, & similibum. Si in vrina putrescat, manātia in capite vlcera sanat: adhæc lichenas, & oris paruulorū vlcuscula, cum melle. Q. Serenus decocto radicis videtur tradere vim mirā aduerfus capitis squāmulas, de ea elegātissimis versibus ad hunc scribens modum,

- .. Dum caput immensa pēxum porrigine ninget,
- .. Hanc poterit malua radix decocta leuare.

Folia ex rofaceo attrita & elixata, sacris ignibus, ac ambustis efficaciter illinūtur:

Et semen ex vino nigro potum, à pituita ac nauseis liberat, salubritérq; teinesmo & dysenteriiis infūdatur, aut bibitur: nec non etiam asthmaticis & melancholicis.

Quibus tamen, vt insanientibus & calculosis, vel inflatione & episthotono laborantibus, multò salubrior esse solet succus tam exhibitus, q̄ illitus. Radix eius quæ vnicaulis est, mammaram vitiis occurrit, in nigro vellere alligata: & ex lacte, sorbitionis modo sumpta, tussim paucis diebus emendat. Iusculum totius

Mamma, venenata, vlcera, lichenas, porrigo, ignis sacer, ambusta, teinesmus & dysenteria.

Pituita, nausea, asthma, melancholia, insania, calculus, inflatio, episthotonus & mamma.

Tussis, venenata, vulnera.

*Luxata, cõ-
tusa, muscu-
li, nervi &
articuli.*

plantæ cum sua radice, contra omnia venenata plurimùm valet, si potum identidem vomatur. Hippocrates adnotante Plinio, vulneratis, & sanguinis defectu sitientibus, coctæ radicis succũ summa efficacia bibendum dedit: vulneribũsque radicem cũ melle & resina salubriter imposuit, necnon luxatis, contusis, tumen- tibũsque musculis, & nervis, atque articulis affectis. Sed mirum est, aquam ad- densari & lactescere, in qua trita maluæ radix, horas aliquot sub dio emaduit: quam ad multa vtilem esse nouimus, ac eo efficacior, quò recētior fuerit: nec ignoramus Theophrastum id altheæ, seu ibisco ascribere, potiùs quàm maluæ.

Lathyris, seu Cataputia minor: & Ricinus, seu Palma Christi, cum medicis vtriusque auxiliis.

A R E A X I.

RESTANT in hoc hortensium herbarum medico theatro plantæ duæ, Lathyris & Ricinus, nobis solita methodo describendæ. Has sanè vel præterire, vel dissimulare animus erat, ppter abutētũ vsum, nisi me ab ea sententia reuocassent improbæ, proborum aliquot amicorum,

preces, quibus nihil improbius in rectis consiliis esse potest. Cuperē, ita me Deus amet, frutices istos admodum suspectos, ex oībus omnium hortis radicitū euelli, potiū quā colī, & à cōsortio florum ac olerū penitū excludi, nec tam curiosè curari. At futurum mihi polliceor, vt hac narratiuncula legitimus illorum vsus innotescat. Quādo itaque visum est, etiam magnatibus, vt in censu & cœtu suarum hortensium plātarum essent, de illis, quæ cœptum est methodo, sincerè hīc scribā, à Lathyride factō gradu primo, quā Gallicum vulgus & rura, *Esburgiam* vocant, quòd ventrem purget ac inaniat: & officinæ, *cataputiam minorem*, quòd, nisi fallor, in pilulis, ceu paruis catapotiiis semen ferat. Vel, quòd granis eius ad soluendam aluum, & ciendas vomitiones, pro catapotiiis & pilulis vtantur populares: ac satis inconsultè, ne dicam temerè, etiā magnates & aulici plerique. Totus frutex copia lactis turget, folia habens amygdalinis proxima: sed ita vt quæ in summis emicant ramulis, minora iis videantur quæ caulem ambiunt. Gerit pilulas in cacuminibus, triplici cellula ac loculamēto

Lathyris &
Ricinus periculosi frutices.

Nomenclatura Lathyridis.

Descriptio Lathyridis.

distinctas, & vt capparidis, rotundas. In quarum ventriculis, aut si mauiis, vtriculis, grana continetur intercurfantibus membranis discreta, rotunda, & eruis maiora. Quæ corticibus exuta, candida spectantur, & gustu dulcia: horum viginti in pura aqua, vel mulsa pota, hydropicos sanant. Qui vehementius purgari volunt, ea cum suis folliculis sumant, nam stomachum impensè lædunt. Itaque excogitatum est, vt cum iusculo pisorum, aut gallinacei caperentur. Granis septenis vel octonis in catapotio ad vacuandam aluum vti concessum est, sed infrænari debent & corrigi cum stomachicis, cinnamomo, mastiche, aniso, vel fœniculo, alioquin venter ac intestina turbabunt. Hæc eadē mandis solent ac deuorari cum sicca ficu, vuis passis, aut palmulis, sed aqua frigida est superbibenda. Trahunt aquam, bilem & pituitam. Folia cum gallinaceo, vel oleribus, aut iusculo alio decoquuntur ad eodem effectus. Qui efficacius purgari volunt, grana, Aëtio autore, debent mandere: qui verò parcius, integra deuorare: præsertim qui sunt imbecillo ventriculo. Vt vt sit, cautè, & parcè vtendum monco.

*Legitimus
Lathyridis
usus.*

*Quos hu-
mores va-
cuet Lathy-
ris.*

Ricini fruticem recentiores herbarij *Cataputiam maiorem* vocant, quòd semina eius in pilulis maiorib⁹ claudàtur, quàm in lathyride. Vel quòd catapotiorū more purget. Gallicum vulgus, cum officinis *Palmam Christi* nūcupat, quòd eius folium in effigiem manus & palmae articuletur. Seritur in plerisq; hortis ad arcendam, vt volunt, effodientium, ac passim tumultantium talparum iniuriam. Proflit instar paruae arboris, folio vitis emulo, sed nigriore, ramis cauis, & in arundinis modum fistulosis, semine in asperis vuis clauso, & *Kerua* officinis dicto. Quod vnū suis corticibus spoliatum, ricini animalculi fœdi ac liuidi effigiem tam proximè repræsentedat, vt si vita adesset, planè ricinus esse videretur. Qui vermis est canibus tam pertinaciter inhærens, quàm solet cuti hirudo: de qua scriptum est,

.. *Non missura cutem, nisi plena cruoris hirudo.*

Gallis *Tica* & *tiquetus* vulgò dici cōsuevit. Plantæ huius triginta grana, vel vt placet Ioan. Mes. quod verius puto, quindecim ad summum, & septem ad minimum, suis putaminibus repurgata, bilem & aquas per aluum ac vomitiones, potu deiiciūt.

Ricini nomina et eorundem ratio.

Talparum fuga.

Pulchra ricini descriptio.

Bilis, aqua,

*Vrina, va-
ri, oculi, epi-
phora, mā-
ma, ignis sa-
cer et facies.*

*Colicus do-
lor, poda-
gra, ischias,
iunctura, hy-
drops, et
articuli.*

Vrinas etiam mouent, sed iniucunda, vt loquitur Diosc. potione: quam sequitur violenta stomachi subuersio. Eadem tusa & imposita, varos ac maculas à Sole contractas emendant: tritaque folia cum polenta, oculorum tumores & epiphoras sedant, ac turgentium mamarum inflammationes coercent. Cum aceto illita, sacros ignes restinguunt, & per se triduo imposita, faciem purgant. Sed pulchrum, & sanè quàm vtile fuerit hîc audire Ioan. Mesux, de Ricini, seu grani regij, vt vocat, facultatibus egregiè differentē: Ricinus, inquit, pituitam ac interdum bilem violenter purgat, deiectione & vomitu: materias quoque & serosam aquã à iuncturis trahit. Datur grana eius trita & collata in iure galli antiqui, cōferuntque dolori colico, & iuncturarum, vt podagræ & ischiadi. Aut coquantur in aqua casei, vel caprinũ lac super ea mulgetur, colatur, & ita hydropicis vtiliter exhibetur. Oleum ab his expressum, cicinum seu ricinum dictum, colico dolori à pituita & flatibus summè confert, adhæc morbis articulorum. Corrigitur ricini noxa, vt lathyridis, & datur à granis septē ad grana quin-

decim. Sed de Lathyride & ricino satis: In quibus hanc hortensium plantarum medicam historiam claudimus, vt domesticas arbores, cum suis fructibus, eadem persequamur methodo.

HORTI MEDICI CAMPVS

SEPTIMVS, POMIFERAS ARBO-
res, cum suis fructibus, areolis
tredecim describens.

*Malus & eius pomum, cum medicis vtriusque
auxiliis & facultatibus. AREA I.*

HACTENVS, quod fœlix, faustumque sit, hortensia & domestica olera, radices item, & odoratas herbas, necnō fœtus herbaceos, ac flores, plantasque inodoras, pro nostræ mineruæ tenui captu, vtcunque expediuimus. Superest, vt simili methodo frugiferas hortorū arbores, vitæ humanæ accommodas, explicemus: & maximè illarū fructus: ab his auspiciando qui molli tunica vestiuntur, & à Grāmaticis generali nomine *Poma* nūcupantur. Hinc gradū facturi ad eos, qui dum maturuerunt, dura & lignosa veste forinsecus teguntur, & *Nucis* appellatione

*Parasene
ad sequentem
narrationē.*

*Pomi et nucis
significatio.*

*Mala ma-
tura, imma-
tura Et
acida.*

*Mala auste-
ra, acerba Et
acida.*

*Mala agro-
sãibus vi-
lia.*

comprehenduntur: à malis itaque exor-
dimur. Diphilus, Græcus agricola & me-
dicus, tradit mala, quæ nondum maturi-
tatem attigerūt, noxium succum in cor-
poribus gignere, bilémq; ac morbos ex-
citare, & horroris causas pmouere. Quæ
verò maturitatem assecuta sunt, melioris
esse succi pollicetur: propterea q̄ aluo fa-
cilè excernuntur, ob minorem acerbita-
tem. Acida improbū humorem gignūt,
ac magis substringūt. Atque, vt rem dif-
fusam paucis colligā, malis vti debemus
sobriè & circumspectè, pro vincētium sa-
porum facultatibus & naturis. Austeris,
cū ventriculus propter calidam intem-
periem, vel multam humiditatem imbe-
cillus fuerit: Acerbis, dum hæc multum
aucta videbis: Acidis, dum crassum suc-
cum, qui non magnoperè frigidus sit, in
ipso collectū suspicaberis. Siquidem fri-
gidus succus nō acidis, sed acribus expu-
gnatur. Quæ in hyemem, ver & æstatem
optimè seruata fuerint, ea morbis sæpe-
numero perquàm vtilia esse solent: mo-
dò farina aqua subacta circumlinantur, &
clibano coquantur, aut calidis cineribus
mediocriter assentur, vel ad aquæ bul-

lientis vaporem tenerescāt. Dare autem conueniet statim post cibum : aliquando etiam cū pane, ad vētrem & stomachum roborandum, his qui cibum fastidiunt, ac tardè concoquunt, quique vomitu, diarrhœa ac dysenteria infestantur. In quem vsū apta sunt acerba : nā parata vt modò dixi, mediocrem agnoscunt adstrictionem. Hic minimè superuacaneum erit admonere ex Plutarcho (licet parum ad medicam nostram historiam pertineat) quòd mala tam graua esse solent gestantibus dorsuariis iumentis, etiam si pauca portent, vt oneri, viribus alioquin non impari, succumbāt, ac sudando deficiant: solo odore (vt Latinus putat Apuleius) adeò illa offendente, vt animo liquantur. Quod ad mala cydonia, summè odorata, referendum potiùs crediderim. facilis admodum erit experientia cuiuis. Remedium præsentissimum est oblatus panis, quem si vorarint, vt scribit Plinius, sese protinus recolligunt. Vitabitur id periculi, si aliquot priùs edenda, vel conspicienda, aut odoranda illis offeras. Modos varios, & formulas item diuersas custodiendorū cuiusuis generis pomorū,

Venter, stomachus, vomitus, diarrhœa, dysenteria et nausea.

Pulchrū & notandum.

*Mirum au-
xilium pro
pleuriticis.*

reperies in nostris hortorum Secretis. Il-
lud mihi penè exciderat : Malum dulce
odoratū, ab interioribus seminibus mū-
datum si olibano impleatur, & superad-
dito suo operculo sub cineribus absque
vstione coquatur, deinde à pleurítico
edatur, rem planè admirandam opera-
tur. quod in deploratis semel atque ite-
rum experti sumus.

*Pyrus & eius fructus, cum medicis auxiliis
ac facultatibus vtriusque. AR. II.*

*Pyrorū dis-
ferentia.*

QVAE de malis scripta sunt, si ad pyra
transferantur, nihil nouo sermo-
ne opus erit. Nam in his quoque alia au-
stera sunt, alia acerba, quædã acida, non-
nulla dulcia, & multa ex horum mistione
composita. Sunt quæ nullam insignem
qualitatem præ se ferant: quò fit, vt cùm
aquea sint & hebetia, nulla roborandi vi
polleant. Talis itaque pyrorum vsus erit,
qualis malorum, vt præclarè scripsit Ga-
lenus : qui aquosam dulcedinẽ omnibus
ferè tribuit pyris cum lenta acerbitate:
quod inæquale temperamentum arguit:
& ob id à cibo sumpta cõferre stomacho
tradit : præsumpta verò aluum substrin-
gere.

gere. Sanè pyrorum omnium crudorum
 vsus, etiam valētibus onerosus esse solet,
 & maximè ieiunis: decocta multò salu-
 briora censentur. Sunt qui diuisa, & gra-
 nis purgata Sole siccent vel clibano, hīs-
 que per hyemem, & Ichthyophagiā, vi-
 no vel calente aqua maceratis & saccharo
 respersis iucūdè vescantur. Pyrorum ge-
 nera omnia adstringentia, vsum habent
 accōmodum repellētibus cataplasmatibus.
 Aduersantur etiā boletis & fungis: nam
 illos extrudūt pondere, & pugnāte pre-
 mentēque succo. Scripserunt nonnulli
 quòd pyra in cubiculo enitētis & partu-
 rientis reposita aut latentia, partum dif-
 ficilem faciunt. Sed id cotoneis malis, vt
 mox dicemus, ascribendum esse mihi fi-
 dem fecerunt amici aliquot, qui naturæ
 arcana per rerum experimenta quotidie
 quærunt & scrutantur.

*Pyrorū cru-
 dorum vsus
 ieiunis one-
 rosus.*

*Remedium
 aduersus bo-
 letos &
 fungos.*

*Cotonea arbor & eius fructus, cum medicis
 vtriusque auxiliis. A R. I I I.*

POMI arboris istius figura, vt superio-
 rum, simpliciter exprimi nequit: quo-
 niam cotoneorum alia incisuris crispantur,
 colore ad aurū vergēte, ex quo Græ-

*Cotoneorū
 differentia.*

O

cis χρυσόμηλα, & Virgilio aurea mala, vt multis placet, dicta sunt. Alia candidiora videntur & odoris præstantissimi. Alia struthea nuncupantur, serotino prouectu maiora, & nescio quid suauius reliquis vibrantia. Habentur prætereà syluestria parua, in sepibus plurimùm nascentia. Quotquot sunt, tenui lanugine omnia pubescunt, & fragranti odore nares exhilarant, ac cerebrum roborant. Plutarchus autor grauis. memorię prodidit cotonea mala, seu cydonia, odoris sui præstantia lethalium venenorum vires retundere, eorumque vehemētiam hebetare. Addit, pharicum, præsens alioquin venenum, in patinam adhuc cydonium, vel eius salgamum olentem, ignauum fuisse ac elāguidum: necnon à peculiari sua natura viribus exhaustis defecisse: ac ita incolumes & illæfos euasisse omnes, quos insidiantes venefici eo potionarant. Idq; tandem compertum fuisse illorum relatu qui venenum vendētes rem ita habere deprehenderunt. Cæliacis cruda profunt cotonea & cocta: necnon dysentericis, orthopnoicis, cholericis & purulentum excreantibus. Oris gratiam & hali-

*Lethalium
venenorum
auxilium,
cum pulchra
historia.*

*Cæliaci, dys-
senterici, or-
thopnoici,
cholericis, pu-
rulentis &
haliis.*

tum summè commendant. Vnde Solon, vt Plutarchus scribit, vxoribus præcipiebat ne irent cum maritis cubitū, nisi cydonium malum priùs degustassent. Maceratorum humor, stomachi atque alui fluxionibus opitulatur. Quæ cruda in melle condiuntur, vrinas proliciunt, & mel eorum naturam induit, adstringēdi & conspissandi vim imbibens. Quæ verò cocta melle condiuntur, stomacho vtilia sunt, & gustui iucunda: sed cōstringendi vires deponunt. Cruda in cataplasmate, aluum si fluat retinent, & ventriculum si in vomitiones effundatur, vel ardore cōflagret, roborant ac firmant. Simeon Seti in libro quem de cibariis scripsit, tradit cotonea in ædes parturientis perlata, vel ibi latentia, partum non solūm remorari, sed difficilē ac laboriosum reddere. Quibus nihilomin⁹ si suæ gestationis tēpore crebriùs vsa fuerit, fœtū pariet ingeniosum, vt ille idē admonuit. Quod ad condituram cydoniorum attir et, quam cydoniatum & cydonitem ap pellant, præstans admodum fiet (vt id etiam obiter adnotemus) si apta cotonea, & ab omnibus suis interaneis repurgata, necnon in

Vrina, stomachus, vomit⁹, partus Et parturēs.

Præstantissima cydoniati cōpositio.

taleolas diuisa (sed superstitite pellicula & cute summa, quæ valde est odorata) in aqua, donec tabuerint, coquatur: postea per linteum colata, ac violenter compressa, excernantur: & cum optimo saccharo recoquantur. Quod dum fit, si adieceris selecti rhabarbari sufficientem puluerem, habebis incomparabile cydoniatum, non dicam ad ciendam aluum & purgandum corpus valde idoneum, sed etiam ad roborandum hepar, ventriculum & viscera omnia: longè sanè tutius & salubrius quàm ex Lugdunensi illo scamoneato & diagridiato cydonite: quæ cane peius & angue vitandum hortor & suadeo his qui suæ valetudinis seduli custodes esse fatagunt, ob sæuissima & periculosissima symptomata, quibus vtentes sæpenumero excruciarì & mirè excarnificari vidimus, vitæ nonnunquam irreparabili iactura. Quod monuisse, & meminisse iuuabit. Pulchrum est etiam ac multorum experimentis confirmatum quod sequitur. Diuidatur cydonium, & sublatis interaneis, seminibus nimirum cum suis folliculis, impleantur partium cavitates, puluere optimi rhabarbari negligenter triti,

*Cydoniatum
Lugdunense
periculo-
sum.*

*Quomodo
paretur &
coquatur cy-
donium, aluum
absque mo-
lestis ra-
cians.*

vel feminum cartami mundatorum, vel agarici trochiscati aut alteri^o, vel epithymi, vel foliorum fennæ orient. vel alius simplicis medicamento purgantis, quale visum tibi fuerit: deinde vniantur dictæ partes, papyro inuoluantur, & ligatę coquantur in clibano, vel foculo. Absoluta coctione soluatur cydonium, aperiatur, & abiectis medicamentis internis, pulpa manducetur. Purgabit absque vlla noxa & molestia (imò verò purgando roborabit) vētriculum, hepar, & corpus vniuersum, eo, inquã, humore, quem immissum & concoctum medicamentum vacuare aptum erit. Quòd si diuersæ naturę & facultatis medicamēta incluseris, diuersos humores vacuabis. Verumenimverò, si maiusculum erit cydonium, poteris dilatare feminum loculamenta ac cellulas, vt capaciores fiant excipiendis idoneis medicamentis, quãtitate à docto medico tibi præscribenda. Sed tutiùs est vti minusculo, ampliata, si opus fuerit, cavitare, vt totum māducare possis. Quod fiet absq; vllò tædio ac nausea, si expertis credis, qui mihi pro tam iucundo & salutari secreto gratias immensas egerunt, quo te

*Pulchra &
notatu dignissima.*

Tonsilla, vuula, oris putredo, tormina et dysenteria.

Mammae, venter, fixus, sedes et vulua.

quoque participem, gratis facere visum fuit. Venio ad alias cydoniorum facultates. Si succū astringentium cotoneorum cum pari mellis rosacei portione coxeris, & eo tonsillas vel vuulam inflammata[m], aut oris putrilagines illeueris, illinc summum auxilium experieris. Addo quòd integrorum cotoneorum decoctio salubriter propinatur & infunditur aduersus tormina & dysenteriam. Crudorum succus, doloribus mammarū confert: & decoctum florum arboris, fotu prohibet ne vterus decidat, aut foetum lubricum reddat. Decoctio carnis & pulpæ, sedes & vuluas prociduas coërcet, ac easdem ab inflammatione liberat. Sed in cydoniis versatum fatis,

Prunus ac eius fructus, cum auxiliis & facultatibus vtriusque. AR. IIII.

Prunorum differentia varia.

PRUNORVM differentia apud nos esse solent innumeræ, ac ferè inexplicabiles: sed prima omnium laus Damascenis tribuitur: à Damasco Syriæ mōte, vt scribit Galenus, oriundis, & cognominatis, nobisque admodum familiaribus. Secundas partes sibi vendicant, quæ Pruni-

dactyla vocantur, à digiti longitudine, vt
 puto, dicta: ouata ferè specie, & carne
 admodum suauis. Habētur & nucibus in-
 sita, quæ faciem & succum adoptionis re-
 præsentant, & ab utroque parente Nu-
 cipruna appellātur. Sed hæc nihil ad me-
 dicas illorum facultates & præsidia. Pru-
 na itaque, dulcia præsertim, ex aqua mul-
 sa, aut alia, decocta, si prædium inchoent,
 ventri molliendo ac mouēdo sanè quàm
 sunt idonea: modò nō illico supra earum
 assumptionem prandium sequatur, sed
 semihorula interponatur. Quæ acidula
 sunt, postrema mensa apponi debent, ad
 os ventriculi roborandum. Folia arboris
 in vino cocta, vuulam, gingiuas & tonsil-
 las fluxione laborantes, gargarizatu, vel
 oris collutione iuuant ac reprimūt. Idem
 præstant syluestrium prunorum resicca-
 tæ baccæ dum maturuerunt. Quæ si in
 austero vino coquantur, aluum sistunt,
 ac eius sedant tormina. Gummi trunco
 prunaceorum & prunorum adnascens,
 conglutinat, & in vino potum calculos
 frangit: lichenásque infantium ex aceto
 perunctum sanat, vt scribit Dioscorides.
 Sed tempestiuum est vt Ioan. Mesuæ au-

*Prunidacty-
 la & nuci-
 pruna.*

*Veter, vuu-
 la, gingiuæ
 & tonsilæ.*

*Aluus, cal-
 culi & li-
 chenes.*

diamus, medicè & argutè de prunorum facultatibus hunc in modum differētem: Pruna aluum subducunt & alterant, sed alba, flaua, rubra, minùs sunt medicamētoſa, quàm nigra. Quorū quæ μέσα ſunt, hoc eſt dulcacida, alterant magis. Dulcia largiùs ſoluunt, tamen vtraque alterant & ſoluūt, magis ſcilicet & minùs. Damascena & Armena, vtrunque, præter cætera præſtant, humida tamen potiùs quàm ſicca: quæ etiam in vētriculo, promptiùs quàm ſicca corrumpuntur. Omnia lauāt, leniunt, refrigerāt, bilem educunt: & ob duo hæc, bilioſis tum febris, tum morbis aliis ſunt ſalubria: ſtomacho nocent, ac pauci ſunt alimenti. Quia imbecilliter ſoluunt, eis adduntur, præſertim infuſione; caſſia fiſtulā, manna, tamar Indi, violæ cōditæ. Ex horum carnibus coctis fit electarium, in eadē quæ priùs, ſalubre. Porro, ſi truncum Pruni arboris locis duobus, vel tribus, palmę vnus interuallo, perforaueris, & immiſſo ſcāmoneo lutaueris, pruna ob id purgantiora euadēt. Hactenus Meſues. Hæc ſint pro coronide in gratiam ægrotātium. Si pruna paſſa modicè cocta, & cōpuncta, in frigidam mer-

*Quomodo
ſiant pruna
aluum ſub-
ducentia.*

*Pulchra &
notata di-
gna.*

feris, tumere ac pulpa multum turgere videbis. Idem etiam continget absque coctione, si passim puncta, biduo aqua frigida maceraueris. Quod & vix passæ, & fructus alij etiam agnoscunt. Sed de iis fusiùs à nobis alibi scribendù propediè.

Cerasus, ac eius fructus, cum auxiliis & facultatibus vtriusque. AR. V.

SPECIOSISSIMOS hortensium arborum omnium fructus, gignit Cerasus, varios & diuersos: quò fit vt diuersa quoque sortiantur nomina, quæ hîc explicare non admodum laboro, cõtentus docere, quòd Francis cerasi nomen fructus ille proprium sibi fecit, qui mediocri arbore nascitur, pomo rotundulo ex breui pediculo dependente, & inter virentia folia dum maturuit, carbunculi modo eleganter rubète: cui caro multa & mollis, necnon succosa inest: solètq; vsus eius maximè placere grato acore: vnde morosa ægrotantium palata mirè recreat, & prægnantium malaciis summè expetitur, antè quàm ad vnguem maturescat. Diphilus Siphnius, arte medica aliquanto tempore post Hippocratem admodum

Fructus cerasi descriptio pulcherrima.

*Cerasiorum
facultates.*

*Venter, bi-
lis, iecur,
guttur, ocu-
li, tussis, li-
chenes &
calculus.*

celebris (vixit enim ætate Lysimachi suc-
cessoris Alexandri) de cerasis hunc in
modum scribit. Cerasa bonum succum
creant, sed parum alimenti subministrât:
stomacho æstuanti grata sunt, & eidẽ au-
xiliantur sumpta in frigida, sed rubentia
præstant & Milesia, quòd vrinam pellât.
Hæc ille: cuius æuum ideo proferre vo-
lui, vt refellatur error illorum qui cerasa
à Cerasunte Põtico municipio dicta con-
tendunt: & à Lucullo, deuicto Mithrida-
te, illinc in Italiam primùm deportata.
Quod videant Grammatici, quibus rem
eam discutiendam relinquo, vt tractent
fabrilia fabri. Redeo itaq; ad medica po-
mi huius auxilia. Quæ dulcia sunt cerasa
ventrem emolliunt ac mouent, quẽ aci-
da, vel passa indurant ac continent. Eadẽ,
acida inquam, refrigerant & adstringũt:
quò fit vt flauam bilem restinguant & ie-
cinoris infarctus liberent. Gummi quod
de arbore stillat, ex vino diluto sumptũ,
gutturis asperitates lenit, colorem cutis
gratiorem reddit, oculis claritatẽ adfert,
veteri tussi medetur, lichenas infantium
ex aceto curat, & (quod vtiliter experti
sunt multi) calculosis ex vino albo sum-

mè prodest. Penè omiserã quòd memoratu dignũ arbitror. Aqua distillationis cerasiorum nõ multò ante ex arbore decerptorum, vi ignis mediocris excepta, si in os epileptici infundatur, quoties eum paroxysmo laborare cõtigerit, inhibetur impetus morbi violētissimi. Res preciosa & sæpenumero probata à Ioãne Manardo Ferrariēsi medico præstātissimo. Pauca supersunt. Inuenio apud autores, inquit Plinius, quòd si quis matutino roscida aliquot cerasa cum suis nucleis deuorarit, ei alius in tantùm leuatur, vt pedes morbo liberentur. Sunt qui æstuante & candenti Sole, vsque ad rugas siccāt. Alij blando & temperato clibani calore idem assequuntur: eoque modo optimè seruāt ad sanorum & ægrotantium vsum.

Aqua mira pro epileptici.

Cerasorum custodia nõ spernenda.

Morus ac eius fructus, cum auxiliis & facultatibus vtriusque. AREA VI.

VRBANARVM arborum omnium, vt scribit Plin. nouissima floret Morus, serotino germinatu se prodens, nec nisi exacto frigore: vnde arborum sapiētissima nuncupatur, licet fatuæ & stolidæ nomen à Græcis, κατ' ἀρτίφρασιν adepta sit.

Morus vnde dicta.

*Cynanche,
præfocatio,
ambusta, rō-
silla, vuula,
oris putredo
& vulnera.*

*Mororum
matura.*

*Fluor alui,
ceciaci, dy-
senterici, ul-
cera, dentes,
ambusta,
menses &
sanguis.*

Succus foliorum, aut radicis vtilissimus est gargarizatu cōtra cynanchem, ac præfocationem. Et folia ex aceto illita, ambustis medentur. Si quis autē acceperit mororum semimaturorum vnciam vnā, & rosarum siccarum tantundem, omniāque melle miscuerit, modicè coxerit, & expresserit, habebit salutare medicamētum ad tonsillas & vuam inflammatione tentatā, necnō oris putrilagines ac vitia. Corticis succus vulnera glutinat. Quod ad naturam pomorum istius arboris attinet, quæ mora nuncupant, si matura fuerint, aluum soluūt ac lubricāt: sed in ventriculo statim corrumpuntur. Humectāt prætereā, ac modicè refrigerant, nisi actu frigida sumātur: quòd si nō superueniat alius cibus, facilè intumescunt. Immatura ventrē fluentem retinent: quæ si Sole vel clibano calente siccata fuerint, & in puluerem trita, non solùm obsoniis iucunda erunt, sed etiam cœliacis, & dysentericis summè proderunt: valebuntque aduersus vlcera quæ pascendo serpunt. Sunt qui dētes putridos & gingiuas coluant eo puluere ex vino. Folia arboris trita & cum oleo illita, valēt ad ambusta,

capillúmque tingunt cum foliis vitis nigrae & fici simul coctis in aqua cœlesti. Eadem in vrina madefacta, pilum coriis detrahunt. Ramus ex arbore Luna prima defractus, cū incipit turgere fructu, proficit, (vt magi existimant, & adnotat Plin.) contra mensium abundantiam, si mulieribus lacerto alligetur: modò ille terram non attigerit, nec in posterum cõtingat. Subditque hunc non modò fœmineum sanguinẽ sistere ex vtero multum emanantem, sed etiam ex vulnere, ore, naribus & hæmorrhoidibus. In quam rẽ multos ramum illum religiosè seruare dicit. Faciet experiẽtia fidem. Multi foliorum & corticis decocto, dentium cruciatum collutione efficaciter emendarunt. Hic Plinianum miraculum de moro nõ tacebo, etsi ad medicum hoc nostrum institutum nihil facere videatur. Morus (inquit) laurus, & hederamutuo attritu ignem facile concipiunt: quod exploratorum vsus in castris, pastorumque industria reperit: quoniam ad excutiendum ignem non semper lapidis occasio est, teritur lignum ligno, & arido fomite excipitur scintilla. Sed nihil hederam præstantius quæ teratur

*Pulchrũ nisi
esset super-
stitiosum.*

*Miraculum
notatu da-
gnum.*

laurum, & laurum terat. De moro & moris sint fatis ista tibi.

Persica arbor ac eius fructus, cum auxiliis & facultatibus vtriusque. A R. VII.

Persicorum genera et nomenclatura.

Persicū duracinū, pressum, sanguineum et flavum.

PERSICORVM genera tria apud nos esse solent. Vnum *Præcox* appellatum & *Antepersicum*, quòd cætera persica longè præueniat: ex quo *Abricocum* Gallis dici consuevit, quasi præcocom, olim *Armeniacum* nuncupatum, æstatis initio nobis familiare & esculentum. Alterum est popolare cuique notum, & sub finem æstatis maturescēs, citiùs, tardiùs, pro cœli & soli natura. Tertium ex re *Duracinum* vocatur, quod carne constet dura: quæ tam pertinaciter ossi adhæret, vt auelli nequeat, *Pressum* vulgus nuncupat, quia caro, ceu agglutinata ligno interiori valde apprimitur. In quo etiam genere inveniuntur quæ sanguinea pulpa & succo manus inficiant: adhæc quæ cotoneorū more, intus & extra summè flavescant. Alia sunt genera olitorio mangonio, & infitionis adulterio prognata, quæ hîc prudens omitto, vt medica tã arboris, quàm pomi eius remedia persequar. Galenus

Perficorum genus omne damnasse mihi videtur, ceu prauis succi alimētum, ob facilem corruptionem. Quod de popularium genere cum doctis intelligendū esse puto: quo vno, etiam Plinij seculo, nedum Galeni, nihil fuit fugacius: nā longissima decerptis mora, erat bidui, & ob id cogebant se illico venundari, vt hodie fieri solet. Hinc nimirum primis mensis semper edenda præcepit idem Galenus, præsertim quæ carne constant humida, & aquoso pulpamento: nam postremis epulis sumpta, stomacho innatare solēt, & quidquid prægustatū fuit, vnà in corruptionem secum deducere. Quæ si præierint, lubrico meatu viam facilem aliis cibis sternūt. Innocentiora his causis traduntur esse præcocia, & quæ carne constant nullatenus humida, qualia sunt Parisiensibus Corbelliana: nam corruptioni facilè non patent, neque acorem citò contrahunt, & ob id stomacho suauiter commodant. Vulgus Gallicum sibi persuasit persica suo nucleo noxã expedire, quam impediens persicum attulerit. Nec temerè, nam incidendi, detergēdi & aperiendi facultate pollet: qua ex re impro-

Persicis popularibus nihil fugacius.

Persica Corbelliana.

Quomodo
tollatur no-
xa à pſicu.

bitati pulpæ occurrit. Noxa etiam vino generoso tollitur, siue illud superbibatur, siue persicum in eo madescat & innatet. Quod populari & rythmico sacrificuli cuiusdam versu, hunc in modum per mensas iactari solet,

„ Petre, quid est pesca? cum vino nobilis esca.

Pestis, lum-
brici, obstru-
ctio & ca-
pur.

Nuclei per auram pestiferam sumpti, maxime operè profunt, lumbricos enecant, & obstructions tollunt. Qui, quòd summè sint amari, & linguæ parum grati, saccharo excipi & condiri à multis solent. Cum aceto & oleo triti, capitis doloribus vtiliter illinuntur: sed quibus, & qua ex causa, non scripsit Plinius: qui plerūque remedia absque limitatione pronunciat, vnde cautè & circumspectè legendus est. Persici flores aluum deiciunt, tam esu, quàm iusculo immissi: sed non absque labore, & ventriculi ac hepatis detrimèto. Quod minore noxa præstabit aqua vbi flores illi amarulèti septena commutatione macerati fuerint, modò cū saccharo ad Zulapij consistentiam decocta sit. Nam præterquàm quòd alui excrementa deicit, etiam vermes vnà extrudit: quos trita folia, & puerorum vmbilicis admota, si-
militer

Alum &
corporis lū-
brici.

militer perdunt. Prætermiffum hîc no-
lim quòd p̄fica locis irriguis nata & edu-
cata, dentibus, cordi, oculis ac pulmone
valde obefse folent: locis aridis, contra:
quemadmodum doctè adnotauit Alber-
tus re vera Magnus. Nolim in fuper omif-
fum, quòd qui impleuerit fictile floribus
Perficis, & obturato ore permiferit dies
aliquot fub terra macerari, vel in fimo pu-
trefcere, exprimet oleum, quo fi inungat
pulfus, tempora & fpinam, ante accessio-
nes februm putridarũ, certo experimẽ-
to illas curabit. Quod à Germano medi-
co ingenuè acceptum fero.

*Mespilus ac Sorbus earũque fructus, &
medica auxilia ac facultates.*

ARBA VIII.

Dvo poma duarum arborum rustica-
rum, vna (quod dicũt) fidelia hîc de-
albabimus: mespilum nimirum & forbũ.
Mespilus Gallis nunc *Meflierus*, nunc ve-
rò *Neflierus* dici folet. Cuius duo funt ge-
nera. Vnum, quod rarioribus fpinis hor-
ret, nasciturque in dumetis, nemoribus
& viuís fepibus, quafi fylueftre: cui pomũ
paruum inest, & per initia tam acerbum,

*Mespili ge-
nera duo.*

P

vt vix edendo esse possit, nisi hyemis frigidioribus excoctum mollescat. Alterum, grandiore pomo sese profert, ita vt mala magnitudine sua se penumerò peræquet, absque vllis spinis. Quod crebro insitu & cultu in hortis habitasse, & feritatem deposuisse dubium non est.

*Sorborum
differentia
quaeritur.*

Sorbus, Gallis *Cormierus* vel *Sorbierus* vulgò nuncupatur: poma gerēs quatuor differentiis à Plinio discreta. Nam quædam rotunditatem mali præ se ferunt: altera turbinationem pyri: tertia oualem formam: quartum genus torminale appellant, remedio (vt scribit ille) tantum probabile. Venio ad medica vtriusq; auxilia. Mespili immaturum pomum, plerique omnes vsurpare solent ad coercendum alui immodicè ruētis impetū. Non desunt qui siccata arboris folia, & in puluerem redacta, clysteribus dysentericorum magno & fœlici successu remisceant. Est sanè memorabile & miratu dignum, quòd licet mespilorum caro adstringentis sit naturæ (de immaturis loquor) nihilominus puluis eius lapillos in renibus vehementer comminuit. Cuius rei periculum efficacissimum à se factū testatur,

*Alui fluor,
dysenteria
& renum
lapilli.*

Ant. Musa, medicus apud Ferrarienses doctiss. & exercitatis. Scio nō deesse qui de officulis idē polliceantur, ac certa constantique probēt experientia, quam nos in rem haud ita pridem fœliciter etiam contulimus: dato cochleari ex vino albo cum puluere anisi. Quòd ad sorborum poma attinet, Galenus eadem facultate pollere scribit, atque superiora: censētq; duobus his parcè vtendū, & nō affatim, vt de ficibus ac vuis fieri solet. Nam illis, ceu cibus, nequaquā indigemus, quin potiùs vt medicamētis. Dioscorides dissecta sorba priùs quàm maturescant, Sole desiccet, probabili remedio ad aluum retinēdam, si nimiùm fluxerit, aut lubrica fuerit. Idem vsus esse consuevit farinae ficcatorum & pila contusorum, si polētæ modo sumatur, aut iusculis & pulticulæ misceatur, clysteribùsue immittat: quod etiam decoctum eorundem immaturo- rum præstare adfirmant experti. Memorable sanè est, & ob id nequaquam prætereundum, q̄ si quis à cane rabido aliàs morsus, iacuerit sub sorbo, periclitatur in rabiem rursus incidere: nam consopitam excitare creditur arboris huius vmbra.

Mespilus Et sorbis vtendum ceu medicamento.

Remedium aduersus fluxum aini.

Notandum.

De qua, & superiore, hæc satis erunt, propterea quòd in Gallicanis hortis multis nondum habitare consueuerunt.

Citria arbor, eius fructus, & medica vtriusque auxilia. AREA IX.

Arboris citri nomenclatura.

Qui primò citriam arborē in Europa excoluerit.

IN hac medica pomiferarum arborum narratione, aliquot nobis supersunt memorabiles explicandæ arbores cum suis pomis. Quæ tametsi in septentrionalibus hortis & agris nostris ægerrimè nascantur & foueantur, de his nihilominus hîc scribere non detrectabo, vt labor noster omnibus ex æquo profit. Citria arbor in his primum obtinebit locum: quæ sicuti Theophrasto Medica & Persica, Plinio verò Assyria nominatur, ita illius quoq; pomum, Medicum, Persicum & Assyrium nuncupari legimus. Quod cum sua parente, gentes plurimæ ob remedij præstantiam, olim ad se transferre frustra sudarūt. Plinij æuo in Italia nondum vigebat: primusque Neapolitanus Palladius è Medis in Latium, cultu vario & multiplici cura ac diligentia transtulisse & propagauisse fertur. Quem postea solers imitata posteritas, Hispaniæ, &

meridionali Gallia, ceu per manus, paulatim communicauit. Theophrasti ætate pomum istud nequaquam mandebatur, sed ne Plutarchi quidẽ, auorum memoria, vt Athenæus scriptum reliquit. Parthorum proceres huius grana duntaxat esculentis incoquere solebant, commendandi halitus gratia. Quod pleriq; etiam ad folia detorquent, non minùs odorata quàm pomũ ipsum: ex quo vestiariis scriniis utrũque peraptè inferebatur: quemadmodum indicat Homerus & Neuius, vestes ob id, epitheto deceti, citrosas nũcupantes. Sed hæc, quia extra medicum institutum nostrum esse videbũtur, ideo ad citriorum auxilia commodũ transio. Qui de re medica & rustica scripserũt Aphri, Arabes, Græci & Latini, vno ore prædicant omnes, citrium pomum venenis inimicum esse, & hinc antidoti loco illis efficaciter opponi. Quod celebri historia sic Athenæus cõfirmat. Cũ princeps quidam Ægyptius maleficos nebulones duos condemnasset, vt suorum facinorum meritas pœnas luerent, eosque aspidibus, secundum Ægyptias leges, in prædam exponẽdos dixisset: ij fortè for-

Halitus cõmendatio, et vestium odoramentum.

Pulcherrima historia probans citrium venenorum esse antidotum.

*Mirāda vis
citrorum.*

tuna citrium in itinere comederunt, dum bestiis futurum pabulum ducerentur: quod caupona quaedam, vicem eorum miserata illis obiecerat. Mox dum in theatrum descendissent, & à ferocissimis ac famelicis feris demorsi essent, nihil noxæ senserunt. Quam rem Præfectus summè admiratus, à satellitibus percontari cœpit, num antidotum aliquod præsumpissent. Respondentibus citrium, ex integra simplicitate donatum, eos in via tantum manducasse, postridie iussit vni præberi, alteri verò denegari, ac denuò in theatrum trudi ad supplicium. Quo factò, qui comederat, demorsus nihil incommodi passus est: alter illato ictu, vndique lividus factus, cōfestim interiit. Quæ res multis postea probata, factòque frequenter periculo, tandem inuentum, confessumque fuit, citrium omni exitiali veneno præsentissimum ac præstantissimum esse remediū, sumptumque, venenatis ictibus resistere, donec concoctum fuerit. Si quis huic historiæ fidem non habet, veracem fidelémque Theopompum Chium consulat: ab eo discet Clearchum Heracleotam Ponti tyrannum multos veneno su-

stulisse, plurésq; necare voluisse, nisi excellentissima citrij vis à populo cognita, venenis restitisset. Quod nonnulli etiam rutæ adscribunt, quemadmodum in medica eius narratione diximus. Citria itaque venenis efficaciter aduersantur: & maximè illorum semen tritum, & ex vino generoso haustum. Eandem rem præstabit etiam succus, nam per ventrem toxicū excludit: nec omittendū est, q̄ cortex tetrum & fœdum oris halitū emēdat. Quam in rem Virgilianū testimonium huc proferre πᾶσι γινώσκουσιν fortasse non erit,

- „ *Media (inquit) fert tristeis succos, tardūmque*
 „ *saporem*
 „ *Fœlicis mali: quo non præsentius vllum*
 „ *(Pocula si quando seua infecere nouerca,*
 „ *Miscueruntque herbas, & non innoxia verba)*
 „ *Auxilium venit, ac membris agit atra venena.*

Deinde subdit,

- „ *—animas & olentia Medi*
 „ *Ora fouent illo, & senibus medicantur anhelis.*
 Si cruda manduntur citria, non facilè coctioni obediunt, quin & crassum generāt succum: ob id illis melle, aut saccharo cōditis vesci satiūs esse putāt medici: quòd **ita** ventriculum excalfaciant ac roborēt.

Semen &
succus citriorum.

Virgil. in
Georgicis.

Quomodo
citrius ven-
dum & ven-
scendum.

Quam rem non animaduertens nec obseruans hæc nostra ætas gulę nimum dedita, ac voluptati plus æquo famulans, cruda citria in cibis parum prudenter esitanda proferre solet. Vt ut fuerit, aduersus atram bilem & morbos, quos illa longos ac mæstos excitat, egregie opitulari nouimus. Succus flauam bilem reprimat, & pestis arcet cõtagia: vnde recentiores medici ad febres pestilentes serapiis è citrio cõcinnatis, fœliciter vtuntur. Semen scorpionũ ictibus tam potum, quàm appositum, mirificè prodest. Si integrũ pomũ quis in iure, vel liquore alio coquat, expressisq; interaneis succum sorbeat, suauissimum sibi conciliabit halitum. Si idem, vt sua fert natura, etiam integrum in aqua rosacea & saccharo tãdiu coquatur, donec tabescens in ius resoluatur, immunem ab omni veneno & peste reddet eum qui manẽ iusculi, vel decocti talis, aut, si mauis, Electarij, vnum vel alterum cochleare paruum hauserit. Res in pestilentibus cõtagiis mihi & fidis amicis meis fœlicissimo successu, sæpenuerò experta ac probata. Verumenimuerò, quia Parisiensibus, & vrbibus quamplurimis ra-

Melancholici morbi, flaua bilis, pestis, ictus venenati & halitus.

Antidotus mira contra pestem & vnguentum.

ra admodū sunt citria, in eorū locum limonia, paruo errore, substituere licebit: quæ compitatim pro citriis, proclamari ac venundari solent.

Aurantia arbor & Limonia, earūque fructus, & medica auxilia. A R. X.

Dvo poma ista cum suis arboribus, climati huic nostro septētrionalis Gallix vsque adeò sunt infensa, vt nullis blāditiis, nullis officiis & artibus in eo habitare velint: etiam si mitioribus locis hospitia illis designentur, & omni cura sollicitè tractentur: tantus est patriæ & natalium amor. Sed missa longiore præfandi mora, ad rem veniamus, & duo poma, vna (si placet) arcula, includam⁹. Aurantia cū auri colore pelliteant, meritò nomen ab auro accepisse mihi videntur: ex quo aurea mala à Virgilio dicta fuisse, contendunt multi: licet id ad cotonea relatum malint plerique, sicuti in illorum historia scripsimus. Quod ad Limonia attinet, triplicem assignant illorum differentiam, quam elegantissimis Iouiani Pontani versibus, ex horto Hesperidum paucis depromemus. Sic itaque Limonia distinguit,

Aurantia & Limonia septentrionalibus inuisa.

.. --altera fœtu

.. Exiguo, succos gustu meditantur acerbos:

.. Altera sunt fructu maiore, & rorida succo

Tres Lino-
norum dif-
ferentia.

Vberiore: sed oblongo tamen vtraque ductu.

Tertia prægrandi turgent ouata volemo,

.. Ac citrj referunt sinuosa ab imagine formam:

.. Sed gustu ingrato, quæque ora offensa recusent.

Aurantiorum
genera tria.

His positis venio ad facultates & medica
vtriusque auxilia. Aurantium tria ob-
seruantur genera, dulcia, acida, & ex his
mista, vulgò acido-dulcia nūcupata. Dul-
cia omnibus partibus excalfaciunt: alio-
rum succus refrigerat, magis, minus, li-
brato cuiusque aciditatis gustu & sapo-
re. Quocirca febricitantibus ad sitim ex-
tinguendam optimè exhibentur acida.
Cortex oībus calidus & igneus est: quod
gustatu deprehenditur, nam acer est &
amarus: hinc cōtra lucernarum flammū-
las expressus ab eo succus, ignē facilè con-
cipit: transitque expeditè in vinū essen-
tiæ suæ tenuitate per vitreum calicē, vel
è longinquo iaculatus.

Pulchra &
notata di-
gna.

Bilis frivola
Et febris pe-
silens.

Limonia citriis & aurantiis omnibus
gustu acidiora sunt, & ob id succo frigi-
diore ac sicciore constant. Ex quibus se-
rapium conficitur ad restinguēdum bilis

feruorem mirè efficax : necnon ad pestilentes febres, & eas quæ contagione serpunt . Sed ilud nõ prætereundum, quòd

- „ *Admotus foculo limon, sensimque recoctus*
- „ *Instillate anima, ac tenuem cõuersus in amnem,*
- „ *Ora puellarum maculis lauat, & candorem*
- „ *Inducit nitidis per colla argentea guttis.*

Hodie in calente balneo Mariæ vocato, vitreis organis elicitur aqua ex limoniorum succo : quæ præterquam quòd mulieribus summè expetitur ad faciem fuce expoliendam & erugandam, etiam vitiligines vbicūque fuerint, ac varos, & totius corporis maculas emendat, etiam si ex elephãtiasi essent. Eadẽ serapiis idoneis remista, acutis febribus & contagiosis fœliciter succurrit. Quod nos frequenter sumus experti. Hic finẽ facturus erã, nisi in mētem opportunè mihi venisset, quòd succo limoniorum bis aut ter colato, si integras margaritas lauabis & immerges, Soliq; expones, in quinque aut sex diebus ita illas colliquabis, vt mellis consistētiam referant. Ex ea materia poteris formare quidquid tibi visum fuerit, & paucis diebus diues fieri. Autor Hieron. Cardanus, cui ingenteis debent

Facit muliebris, vitiligo, vari, febres acutæ & pestilentes.

Duo summè admiranda Et notãda.

tur gratiæ, si vera sunt quæ tradit. Aliud est etiam admiratu dignum, quod apud Leuinum Lemnium medicū doctiss. scriptum & adnotatum legi: nimirum, limoniis tam acidum succum inesse, & vsque adeò exedentis naturæ, vt si ei per horas aliquot aureum numisma inseras, acciso, imminutòq; pōdere illud eximi deprehendes. Sed hæc quia extra limites medici nostri instituti vagātur, missa libenter facimus: de illis alibi per occasionem (si diuina annuerint) fusè & opportunè scripturi.

*Punica arbor & eius fructus, cum medicis
vtriusque auxiliis. A R. XI.*

ARBORIS istius pomū etiā ex illis est, quæ palpamus, gustamus, videmus & admiramur, sed parentes re vera ignoramus, & in hoc septétrionali Galliæ tractu planè desideramus. Granatum dici contendunt nōnulli, à multitudine granorum & acinorum, quibus scatet. Alij, à Granata Hispaniæ (vbi plurimū nascitur) id nomenclaturæ adipisci defendūt. Sed has, si placet, controuersias ociosis & opiniosis Grammaticulis exagitandas ac

Malignanti ratio & nomenclatura.

discutiendas relinquamus, & medica puni-
 corum auxilia, ac facultates paucis ex-
 plicemus. Dulcia punica stomacho inu-
 tilia esse tradit Plinius, quòd inflationes
 pariant, ac dētes & gingiuas lædāt. Quæ
 verò his sapore proxima sunt (vinosa
 nuncupata) aluum sistunt, & ventriculo
 (si pauca sumas) valde profunt. Hæc dan-
 da in febre nonnulli negant, q̄ nec suc-
 co, nec acinorum carne vtilia sint: vnde
 vomentibus ac bilem reiicientibus non
 probantur. Hæc Plinius: cui non subscri-
 bit Dioscorides, tradēs malum omne pu-
 nicum boni esse succi, & ventriculo vtile,
 sed perexiguum tamen sufficere alimen-
 tum. Dulce vt stomacho vtilius habetur,
 ita in illo aliquātulum gignit calorem ac
 inflationes parit: ex quo in febribus ab-
 dicatur. Acidum astringit, ac æstuāti sto-
 macho auxiliatur, & vrinam ciet: verùm
 ora gingiuásque lædit. Cortex, malico-
 rium vulgò dictus (quòd coria maximè
 perficiat, vel quòd sit ipsi pomo velut co-
 riaceum tegumentum) si in aceto mixta
 galla coquatur, mobiles dentes stabilire
 fertur. Et si integrum punicum ollâ no-
 uâ, addito operculo, in clibanò torrefa-

*Dulcia pu-
nica.*

*Aluum &
ventriculus.*

*Vrina, den-
tes, aluus &
tormina.*

*Menses, oris
ulcera, ton-
silla, san-
guis, venter,
stomachus,
dysenteria
& vomitus.*

*Lippitudo
& vulua-
rū defluxio.*

Etum fuerit, deinde cōtritum, & ex vino potum, aluum sistet, ac eius tormina discutiet. Quod etiam præstabit integri & triti punici decoctio, hausta, vel clystere iniecta. Flores (quos balauſtia nuncupāt) fœminarum menses potu retinent, oris vlcera sanant: adhæc tōsillas, vuulam, excreationes sanguinis, necnon ventris ac stomachi solutiones, genitaliūmque vlcera, & alia quacūque in parte manantia emendant & adiuuant. Tusorum farina plerosque dysentericos à morte liberauit. Nuclei acidorum siccati, puluerati, & obsoniis respersi, vel incocti, fluentem aluum & stomachum in vomitiones effusum retinent, bibunturque salubriter sanguinem excreantibus, ac valde vtilis habentur ad dysentericorū desessus, necnon vliginosas & impuras vuluarum defluxiones, quas albos menses dicūt. Dioscor. tradit eum, qui tres q̄ minimos punicorum cytinos deuorauerit, nullam illo anno lippitudinem passurum. Fieri solet ex punicis seu granatis medicatum vinum, cuius artificium tale habeto ex nostris vinorum secretis deprōptum. Acini maturi ex suis membranis diligenter ex-

clusi, prælo committuntur, exprimuntur, vinum faccis ad id accommodatis percolatur, vasculis idoneis, quousque fæx residat, seponitur, & clarum custoditur, oleo desuper affuso ne corrumpatur aut ace scat. Sunt qui absque oleo illud in cadis asseruent: sed per æstatem facile vapescit. Modos alios docebimus alibi, Deo fauente, cum facultatibus & auxiliis eiusdem vini. Quod postremum erit, vbi monuerimus corticem punici mali, ferrum in chalybem mutare, quemadmodum adnotauit Hierony. Cardanus: qui modum conticuit, quem proprio loco aliam exprimemus. Sed hæc quia fabrum ferrarium potius olent, quam medicum hortulanum: idcirco verbum non amplius addo, vt medici medica tractent, & fabrilia fabri. Transeo itaque à punicis ad ficus. Sed ô me obliuiosum! qui singulare arcanum, mihi & amicis multis felici successu expertum, omittebam. Quodnam illud est, inquires? Si punicum dulce cum suo corio & cortice tusum ac læuigatum percolaueris, & sex partibus succi, vnam mellis adieceris, omniaque ad spissitudinem coxeris, habebis eximium auxiliū aduersus inflam-

*Vinum ex
malis puni-
ci.*

*Quomodo
ferrum in cha-
lybem mu-
tetur.*

*Inflamatio
oris, colu-
mella, guttu-
ris, polypus,
fætor oris et
ulcera na-
rium.*

mationes oris, columellæ & gutturis, etiã si præsentem suffocationem minitarentur: necnon ad narium ulcera, polypum, oris fætores, & alia quamplurima, quæ ut mihi longa essent recensere, ita facilia tibi erunt excogitare.

*Ficus & eius fructus, cum medicis auxiliis
vtriusque.* A R. XII.

*Mira Cato-
nis solertia
ad suadens-
dum Car-
thaginis
excidium.*

POMUM istius arboris, priscis temporibus, nedum nostris notissimum fuisse, testatur memorabile Catonis ingenium, & indicibilis prudentia. Nam dum perniciosa odia Carthaginis flagraret ille, & nepotum securitatis anxius esset, clamaretque omni senatu Carthaginem delendam, attulit quodam die in curiam, præcocem ex ea prouincia ficum. Quem (ut scribit Plinius) Patribus ostendens, Interrogo vos, inquit, quando hoc pomum demptum putetis ex sua arbore? Cùm inter omnes recens esse constaret: Atqui, respondit, tertium ante diem scitote decerptum Carthagine: tam propè à muris habemus hostem: statimque sumptum est Punicum tertium bellum, quo Carthago deleta est, & sequenti anno raptus Cato.

Qui

Qui vnus fici argumēto, res mira, tātam
 urbem, & de terrarū orbe vnam per cxx
 annos Romanæ gloriæ æmulam, fundi-
 tū euertendam suafit, & tandem impe-
 trauit. Sed hæc nihil ad medica fici præfi-
 dia, quæ nunc demū aggredior, vbi prius
 monuero, quòd tam recentes, quàm pas-
 sæ fici, olim panis ac obsonij vicem ha-
 buerunt: eoque cibo prisca Athletæ vires
 aluerunt, priusquam Pythagoras eos ad
 carnes trāstulisset. Sale inueteratis etiam
 casei loco vesci excogitatum fuit, Plinio
 autore. Meliores & salubriores habentur
 quæ Solis vigore expertæ, per propriam
 naturam ematuruerunt. Quæ plurimo
 turgent lacte, aut aquoso madent succo,
 & si palato ac stomacho gratiores viden-
 tur, grauiores nihilominus, ponderosio-
 resque censentur: ex quo facilius descen-
 dunt, & aluum ad excretionem proritat,
 perinde atque recētes nuces. Demetrius
 Sceptius admonet, studiosos vocis debe-
 re fici abstinere: motus exemplo Egesia-
 nactis Alexandrini, qui optimus tragœ-
 diarū actor euasit, q̄ fici annos octode-
 cim abstinuisset. Coctæ cū hyssopo cor-
 pus expurgant, tussim veterem abolēt, ac

*Ficus panis
 Et obsonij
 loco fuisse.*

*Ficus passa
 & recentes.*

*Ficus vocē
 inimica.*

Tussū, pul-

Q

*mo, colicus
dolor, tor-
mina, duri-
tia, paroti-
des & fu-
runculi.*

*Hydrops,
pernio, po-
dagra, den-
tes, & ver-
ruca.*

*Ani aposte-
mata, cōdy-
lomata, &
hepatis ob-
structio.*

longa pulmonum vitia emendant. Cum
ruta colico dolori & torminibus summè
profunt, sumpto ore decocto, vel clyste-
ribus opportunè iniecto. Duritias in cor-
pore discutunt, tritæ & appositæ, per se,
vel cum oleo liliorum, aut alio quopiam
idoneo: quo etiam modo parotidas &
furunculos emolliunt. In vino cum ab-
sinthio ac farina coctæ & subactæ, hydro-
pici salubriter illinuntur, & cum cera cre-
mata pernioibus auxiliantur. Adde quod
podagris cum farina fœni græci & aceto
efficaciter admouentur, ac dentium cru-
ciatibus, recenti succo in lana aut gau-
sappio excepto & apposito, perpulchrè suc-
currunt. Qui succus etiam verrucas, car-
ne circumlita, tollit: præsertim myrme-
cias nuncupatas, quæ quendam pūgentis
formicæ sensum repræsentant. Aliæ fo-
liis ficulneis contactæ aboleri traduntur, si
postea folia sepeliantur. Ficus in vino co-
ctæ, tritæ & ano appositæ, eius apostema-
ta, condylomata ac fissuras curant. Et si
cum nucibus, pipere, aut amaris amygda-
lis ieiuno stomacho edantur, obstructio-
nes hepatis soluant, ac ventriculum ro-
borant & detergent. Eubolus medicus

meridiano esu ficus abdicauit, morbum inde concipi testatus, quòd statim febris accelerans inuadat, quæ vomitum flauæ bilis solet elicere. Quare Aristophanes cùm æstate ægrotantem quendam conspexisset, meridiando ficubus vsum præfagiit. Quod de musteis & adhuc humentibus intelligendum arbitror: aut, si mammauis, de recentibus & lacteis, quæ etiam sudores ac papulas mouent, & ob id autumno insalubres putantur. Fit è cinere ficus lixiuia, crematis ramorû fruticibus, quæ eò melior est, quòd sæpius iteratur & veterascit. Hæc, vt tradit Dioscor. vlceribus quæ gāgrenæ vitio periclitātur multum prodest, necnon iis consumēdis, quæ nimium excrescunt: vsus erit ex spongia eo liquore imbuta, & subinde apposita. Salubriter eādē etiā perlinuntur grandes & cuniculosi sinus: nam glutinat, carne replet, astringit, absterget, ac oras hiātes committit, nō secus atque emplastra quæ cruentis vulneribus admouentur. Dissoluit præterea sanguinem in ventriculo coagulatum, si cum pauco oleo bibatur drachma vna. Sed pulchrum erit Galenum audire de ficuum facultatibus

Ficus recentes autumno insalubres.

Lixiua ficuum ad gāgrenas & sinus cuniculosos.

Q ij

*Quã gignãt
carnẽ ficũ.*

*Nephritici,
venena &
pestis.*

*Pulcherri-
ma & nota-
tu digna.*

hunc in modum differentem. Tametsi ficus minùs gignant prauì succi, quàm cæteri omnes fructus, non modò fugaces, sed etiam autumnales, non tamen vitium prorsus effugere potuerunt. Et cùm autumnales fructus omnes exiguũ corpori alimentum præbeant, minimè ficubus id vsu venit. Carnem tamen non compactam, neque firmam generant, ceu panis & suilla caro, sed turgidulam, subinanem & fungosam, veluti fabæ. Cæterùm, extergendi facultate pollent, cuius gratia nephritici post illarum vsu arenuas multas excernunt. Caricæ, seu ficus passæ, multiplicem vtilitatem habent: si quis tamen largiùs esita-uerit, ab eis offendetur: nam sanguinem non admodum probũ gignunt, quapropter pediculorũ quoque agmen eas comitatur. Fit ex ficubus, ruta & nucibus, celebris illa Mithridatis antidotus cõtra venena & pestilentem auram, de qua superiùs in ruta. Hic mihi omittendũ non est, quòd si bubulis carnibus ficulnei remisceantur cauliculi, efficient vt magno lignorum compendio celeriter illæ percoquantur, Plinio autore: quod multi

etiam caprifico tribuunt : quã Columella tradit decoctam , & alitibus atque galinaceis cum cibo exhibitam, ficorum fastidium illis creare , quorũ alioquin sunt appetentissimi . Tradit præterea Africanus ex Græcis geoponicis vnus , & idem celebris, lac igni tepefactum, & fici ramulo motum, statim coagulari & concrefcere . Quod etiam præstabitur succo in lac misso, qui ex vulnerato fici cortice stillare solet: aut lacte ficuũ fatiuarum, sed nõ syluestrium. Penè mihi excidebat, quòd fici crematæ, perniones ac porrigines cū cerato emendant . Et lac ficus ictui scorpionum illitum, salutare est . Hic finē faciebam cùm duo prodigiosa naturæ miracula mihi in mentem venerūt , nequaquam tacenda, aut dissimulanda : & si parum ad medicas ficuum facultates attinere videantur . Vnum est, tauros quãlibet indomitos & feroces cicurari, & immobiles acquiescere, si ficulneæ arbori alligentur. Quod etiam caprifico illorũ collis circũdata ascripsisse mihi videtur Plinius . Alterum est, alitum & cæsorũ animalium carnes, perquàm celeriter tenerescere & fragiles effici, quæ de ficu pe-

*Perniones,
porrigines,
& ictus scorpionum.*

*Taurorum
cicuratio.*

Q iij

*Quomodo
carnes citò,
ac facillè te-
nerescant.*

pēderint. Rationem in Symposiacis reddidit Plutarchus. Cū inter obsonia Aristionis, inquit, coquus immolatum Herculi gallinaceum gallum recentem, tenerum ac penè friabilem obtulisset, tam citam teneritudinem fico referebat Aristion, contendens iugulatas aues, etiam præduras, teneritatem induere, si pensiles fico adhæserint. Nec temerè, nam auram, halituosam & digerētem expirat ficus, qua carnes concoquuntur & tenerescunt. Idem etiam continget, vt id obiter admoneam, si tritici aceruo obruantur, aut penitus demergantur. At de ficu factis. Sed, ô me iterū & tertiò obliuiosum! nam silētio ferè obruebā, quod ille idem Plutarchus celatum noluit: quid illud? Equos & asinos linqui animo, qui ficos dorsuarij comportarint. Verumenimuerò maiore miraculo dignū est remediū, quo & ipsis, & hominibus quoq; succurritur. Exanimata penè iumēta, & prope modum extinctos virium deliquio homines, oblatus panis reuocat: nam si vel pauxillū vorauerint, protinus à cibo sese recolligūt, roborantur, ac pristinum iter iucundè persequuntur.

*Panis mira
energia in
virium deli-
quia.*

*Olea & eius fructus, cum medicis auxili-
liis vtriusque.* A R. X I I I.

GALLICVM vulgus Oleã *Oliuerum* nũ-
cupare solet: quã pauci ignorãt equi-
tum turmas olim coronauisse, & minori-
bus triũphis ouantes illustrauisse. Huius
rami gestati, indicium pacis fuerunt: ex
quo à poëtis iusto epitheto pacifera di-
citur. Sed, ô dolor! nobis non tam licet
esse beatis, vt hanc arborem verè aureã,
septentrionalibus hortis & agris nostris
videre possimus, & ex ea fructus vberes
percipere: inscrutabili Dei Opt. Max. cõ-
silio, qui oĩbus omnia non dat, sed quod
bonum atque vtile nouit. Neque tamen
ob id laborem detrectabo, vt quæ de illa
& eius baccis ac oleo scitu digna à medi-
cis cùm priscis, tum recētioribus cogno-
ui, & meo multorũque experimento
didici, candidè ac ingenuè (vt omnia) in
medium proferam. Venio itaque à ver-
bis, quod dicunt, ad rem. Oleæ folia præ-
mansa, & vlcibus admota, summũ ad-
ferunt auxilium. Decoctum eorundem
cũ melle, sanguinis profluua cohibet, tã
sumptum, quàm adpositũ: crustas insu-
per emarginat, & cicatrices delet. Succus

*Olea quon-
dam pacis
nuntia.*

*Vlcera, san-
guinis pro-
fluua, cru-
sta, cicatri-
ces, oculi &
delachry-
mationes.*

Q iij

ab his expressus carbunculantibus circa oculos vlceribus ac pustulis, procidentique pupillæ, & antiquatis delachrymationibus mirè auxiliatur. Exprimitur autem tuis foliis, & affuso vino albo cum aqua cœlesti. Qui, si visum fuerit, in pastillos & offulas ad Solem resiccari poterit, & in vsum opportunū seruari. Vuluæ admotus in vellere, pessarij modo vel aliter, menses immodicè fluentes sistit: éstque ignibus sacris, & vlceribus quæ serpunt summè utilis: necnon auribus, siue vlcera fuerint, siue purulentæ. Liquor ex accenso recenti ligno stillas, lichenas, furfures, psoras, & manantia vlcera curat. Cortex è radice quatenerrimè derasus, crebro gustatu & illinctu ex melle rosaceo, sanguinem excreatibus, & suppurata tussientibus, miraculo quodã medetur: eiusdemque cinis cum axungia tumores discutit, & fistulis vitia detrahit. Hæc de arbore ex Dioscoride, Plinio & Galeno: nunc de fructu paucis dicendum. Oliua flaua & recens, stomacho utilis censetur, sed ventri difficilis: nigra & matura corruptioni est opportuna, & proinde caco stomacha. Recens cibi modo per se man-

*Menses, ignis
sacer, vlcera,
aures, lichenas,
furfures, psora.*

*Sanguinis
excreatio,
suppurati,
tumores &
fistula.*

ducata antè quàm condiatur, præclarum
 habet vsum: nam arenosæ vrinæ opitula-
 tur, dentibúsq; attritis, aut cõuulsis sum-
 mè prodest. Olearum succus è muria, col-
 lutione gingiuas comprimit, & dētes la-
 bascentes, infirmos, accõmotos stabilit.
 Nucleorum pulpa cum axūgia & farina,
 scabris vnguibus cõmodissimè illinitur.
 Quod ad oliuarium liquorē attinet, vul-
 gò *Oleum* & *Oliuum* nuncupatum (quo
 nullus à vino preciosior succus esse solet
 in vniuersa rerum natura) hæc à me in
 præsentiarum accipies. Receptum cõfes-
 sūmq; est apud omnes rei rusticæ & me-
 dicæ doctores, Pænos, Arabes, Græcos &
 Latinos, oliuarium oleum recēs, & mini-
 mē vitiatum, ad corporis & virium repa-
 rationem, conseruationemque, foris ad-
 hibitum valde conferre. Quod celebri
 Pollionis Romuli exēplo docetur. Hunc
 enim cētesimum iam annum exceden-
 tem, vt autor est Plinius, cū D. Augustus
 hospes interrogasset quam ratione vi-
 gorem illū animi, corporisq; maximè
 custodisset? Intus (respondit) mulso, &
 foris oleo. Id quod à Democrito potuit
 didicisse, vt Diophanes, in suis tradit

*Vrina are-
 nosa, dentes
 attriti, gin-
 giuæ & sca-
 bri vngues.*

*Vires recētis
 olei oliuarij.*

*Historie
 pulchre et
 notatu di-
 gne.*

*Oleum ad-
uersus frigo-
ra præstan-
tiss. esse.*

*Venter, ve-
nena, vomitio-
nes, tor-
mina ileos
& facies.*

Græcis Georgicis. Nam cùm rogatus es-
set, quonam modo homines viuere pos-
sent inoffensa valetudine, & animi cor-
porisque statum incolumem ac vegetum
diu seruare: Si externa corporis (inquit)
oleo, interna verò melle præmuniât. Va-
let itaque oliuum ad corporis & virium
conseruationem, necnon contra algores.
Quod cùm intelligeret magnanimus ille
& incõparabilis Annibal (Romanorum
terror quondam nuncupatus) in alpium
trãfitu, militum suorum corpora, aduer-
sus niuales iniurias & rigentem aërem,
oleo præmunienda imperauit. Quod
vnum à frigoribus homines vindicare, &
gerendis rebus corpora habiliora redde-
re prudenter nouerat. Si introrsum reci-
piatur, de recenti loquor, ventrẽ durum
emolliet, ac venena hebetabit, & ea vo-
mitionib⁹ statim excludet. Si cum succo
rutę calidum hauriatur, tormina illico se-
dabit: & ileosis vtilissimè infundetur,
quos tenuioris intestini morbus tentare
solet. Faciem expurgat, & bubus per na-
res infusum, donec ructent, inflationem
mitigat. Reliqua oliuarij olei præsidia
(ne sim lōgior) omitto, vt ad eius amur-

cam veniam: cuius vsus olim rusticis fuit frequens. Nihil autem aliud est amurca quàm, expressæ oliuæ sanies, aut sidens eius recrementum: quod super omnia miris viribus esse dixit M. Cato: ex quibus hîc nonnullas docebimus, maximè quæ ad hominum vel animalium vsum pertinebunt. Boues qui cibum fastidiunt, cupidè illum appetent, si eorum pabulum amurca respergas: ita enim curati, corpore pulcherrimè valebunt: & si quis aderit morbus, abigetur. Si eadem quadrupes & detonsas oues, cum aqua vbi lupinus deferbuerit illinantur, sic vt biduũ vel triduum desudent, deinde aqua falsa lauentur, neque scabræ fient, neque ricini erunt molesti. Hæc rustica nobis fusiùs alibi explicanda, vlteriùs non procedent. Tria supersunt œconomica veriùs quàm medica. Primum est, Cõdita vestimenta in armariis quæ fundũ habuerint amurca illitum & resiccatum, nullo modò à tineis contingentur ac derodentur. Secundũ, Ligneæ supellex quam amurca deterferis & expoliueris, coloris gratiã ac splendoris elegantiam miram contrahet. Tertium, Ligna eadem amurca macerata, aut

Quid amurca, et quibus proffit.

Tria pulchra & notatu summè digna.

delibuta, nullo fumi tædio exardescunt.
Hæc de olea & pomiferis arboribus satis
erunt, vt nuciferis suum demus locum.

HORTI MEDICI CAMPVS

OCTAVVS, ARBORES NVCIFE-
ras & earundem fructus, areo-
lis quinque distinguens.

*Iuglans & eius nux, cum vtriusque me-
dicis auxiliis.* A R E A I.

*Iuglandis
nomencla-
tura Et eius
ratio.*

IVGLANDEM prisci Grāmatici idem ef-
se voluerunt, ac si diceres Iouis glandē,
interlisis literis. Quo nomine, non pro-
cul à primo mundi æuo, ita appellatam
fuisse nucem plures tradūt. Quippe cū
homines diu glandibus victitassent, in-
uenta tandem arbore quæ nuces ferebat,
degustato nucleorum tam suavi sapore,
illico nuces, Iouis glandes, ob præstā-
tiam & excellentiam nūcupauerunt. Gram-
matici posteriores à nocendo nucem di-
xerūt: quòd graui foliorum odore in ce-
rebrum penetrante, & vmbrae suæ prau-
itate, iis noceat, qui sub eius arbore dor-
mierint, aut diu steterint. Nulla est ar-
borum, post cerasum, quæ vel faciliùs, vel

meliùs proueniat, quàm nux, quod de se apud Ouidium, sic querula testatur,

.. *Sponte mea facilis contempto nascor in agro:*

.. *Pársque loci quà sto, publica penè via est.*

Gallis Noïerus vulgò dici solet: cuius vmbra satis omnibus, Plinio teste, nouerca veriùs quàm nutritrix habetur: nam quæcunque attigit, haud dubiè venenat, & sua lædit præsentia: ob id in hortis, ac agris, ceu inutilis & noxia extremis partibus plantari ac locari solet: quemadmodum apud eùdem Nasonem, illa de se testimonium hunc in modum perhibet.

Nucis prouentus facilis.

.. *--quoniam fata ledere credor,*

.. *Me quoq; in extremo margine fundus habet.*

Sed omiſſa arbore, veniamus (ſi placet) ad eius fructũ, quem duplici munimento & inuolucro tegi, nullus eſt qui non videat: herbaceo primũ cortice, mox ligneo putamine, cõpactili carinarum loco, & tenui tunica intus armato: quot modis fœtus in parente ſolet contineri, ſicuti ingenioſè ſcribit Plinius. Quæ cauſa nuptiis religioſas fecit nuceſ, olim à Regibus è Perſide translataſ, & ob id baſilicas ac Perſicas nominataſ. Heraclides Tarétinus petere ſolebat, primá ne men-

Nucis ingenioſa deſcriptio, & cur nuptiis dicata ſint.

*An primo,
postremòne
cibo sumēda
sint nūces.*

*Nuces coctū
difficiles &
capiti inimi-
ca.*

*Recentium
nucum &
siccaturū na-
tura, necnō
torrefacta-
rum.*

sa an summa, nuces offerri debeant. Sanè, si postremo cibo (vti mos est) exhibeantur, bibendi desiderium proritabunt, potūsque auiditatem molientur: quo ferulis insinuata, distēto iam iam vētriculo & refertis interaneis, deturbante impetu & grauitate, flatus ac inflationes facilè excitabunt, & cibos corruptionis labe vitiabunt: propterea q̄ illis ob oleaginosam substantiam quædam insita est enatandi facultas, quæ coctiōni parum cedit: vnde cruditates oriūtur, & alui intēpestiuæ deiectiones. Diphil⁹ Siphnius hinc capitis dolores ciere, & reliquis cibis extare dixit. Cui subscribit Diocles: additq; sagina sua strigosos ad crassitiem reducere, modò ab illorū stomacho probè vincantur & coquantur. Vt vt fuerit, recētes parcè & opportunè sumptæ, stomacho iucundiores esse solēt: siccæ verò nocentiores, biliosæ, concoctū difficiles, & capitis dolorem (si profusè assumātur) concilians. Sunt præterea tussientibus inimicæ, sed vomituriētib; ieiunis aptæ. Torrefactæ, minùs negotium corpori faceffunt: quo modo Mnesitheus Atheniensis edendas præcipiebat, depa-

sta ab igni & calore, superflua earū olea-
 citate. Cum cepa, sale & melle trita, canū,
 hominūque ac venenatorum morsui
 auxiliantur: & cum exiguo melle ac ruta,
 mammaram doloribus, inflationibus, ac
 luxatis partibus optimè apponuntur: &
 cum suo cortice cremata ac vmbilico ad-
 mota, tormina efficaciter discutiūt. Quæ
 perueteres sunt, gangrænis, carbunculis
 & suggillatis perbellè medētur. Nucleo-
 rum combustorum cinis ex vino subter
 inditus, fœminarum fluentes plus æquo
 purgationes cohibet. Idem nuclei com-
 mansi, & ex ore protinus impositi, areas
 capitis, pilo celeriter replent: modò id se-
 pius iteretur. In teinesmo ad extrahen-
 dam pituitam magna eduntur efficacia.
 Addo quòd vestigia verberatorum, aut
 percussorum, vibicésque flagellatorū fa-
 cilè obliterabuntur, si succo corticis re-
 centium nucum illinētur. Qui si ex pau-
 co melle coctus fuerit, vitiis oris vtilissi-
 mum adferet remedium, necnon ad ve-
 hementes tonsillarum inflammationes,
 ac suffocatus. Lixiuum ex corticibus, ca-
 pillum denigrat & infuscat. Sed celebra-
 tissimum illud Mithridatis alexipharma-

Morsus, mæ-
 ma, luxata,
 tormina, gæ-
 græna, car-
 bunculi Et
 suggillata.

Fœminarū
 purgatio-
 nes, alopecia
 Et teinesm^o,
 verberati,
 percussi, fla-
 gellati, tōsill-
 la, suffoca-
 tio, capilluo.

cum, de quo in ruta scripsimus, hîc paulò
fusiùs ex Plinio rursum recitare iuuabit.
In sanctuariis (inquit) Mithridatis maxi-
mi Regis deuicti, Cneus Pompeius inue-
nit in peculiari commētario manu ipsius
descripto, cōpositionem antidoti è dua-
bus nucibus siccis, ficis totidem, & rutæ
foliis viginti simul tritis, addito salis gra-
no: quam, qui ieiunus sumpserit, nullum
venenum eo die formidabit. Plinio sub-
scribunt Q. Sereni, poëtæ & medici anti-
quissimi, versus, quos eam in rem erudi-
tè, vt omnia ad hunc cecinit modum:

*Mirabilis et
præstantissi-
ma Mithri-
datis anti-
dotus cōtra
venena.*

*Antidotus præstās, multis Mithridatica fertur
Consociata modis, quam Magnus scrinia Regis
Dum raperet victor, vilem deprendit in illis
Synthesin, & vulgata satis medicamina risit:
» Bis denum rutæ folium, salis & breue granum,
» Iuglandésque duas, terno cum corpore ficus:
» Hæc oriente die, parco conspersa Lyæo,
» Sumebat, metuens dederat quæ pocula matri.*

*Aduersus
pestis conta-
gia præstās
alexiphar-
macon.*

Prodest eadem antidotus mirabili suc-
cessu, aduersus grassantis pestis contagia,
vt testes mihi sunt multi cùm noti, tum
ignoti, qui præstantissimo hocce alexi-
pharmaco, per magnas & deploratas pe-
stilentias, me admonente & præscribēte,
è mediis

è mediis manibus tam sæui & metuendi
 hostis erepti fuerunt. Hoc loco nõ omit-
 tam, quòd virides iuglandes, sub finem
 Iunij, antequam putamina obdurescant,
 saccharo aut melle conditæ & asseruatæ,
 stomacho vtilis, ac ori perquã gratæ ha-
 bentur. Quin & ex iis stillatitia fit aqua
 ad multa salutaris, præsertim ad abigēdas
 tertianas febres. Gargilius Martialis in li-
 bris κηπ ρηκων, siue hortensium, quos illi
 Virgilianus adscribit Seruius, asserit se
 expertum, quòd nuces post annum viri-
 des inuenientur, si liberæ putaminibus
 suis melle demergantur: additq; mel illud
 ita medicabile fieri, vt ex eo concinnata
 potio faucibus & arteriis medeatur. Duo
 à fidis amicis mihi nunciata, & illorū cre-
 bris experimentis cōfirmata, priscorū-
 que libris descripta, hīc nollem præter-
 missa, & tibi denegata. Vnum est, si pro-
 bā nux vetus diligenter teratur, & horis
 aliquot demorsæ parti à rabido cane eo-
 dem die superponatur, postea tollatur, &
 famelicæ gallinæ, vel gallo obiiciatur, si
 vorauerit & non moriatur, signum erit
 canem qui momordit, rabidum non fuis-
 se: si verò iacturam vitæ patiatur, signifi-

*Mel nucatū
 faucibus &
 arteriis me-
 dicabile.*

*Signa morfi
 à cane ra-
 bido.*

R

*Sugillata,
gangrane,
azylops &
carbūculus.*

*Mithridati
antidotus
contra ve-
nena, ex Ra-
se ad Regem
Sarraceno-
rum.*

cabit haud dubiè canem rabie actū fuisse. Quare, post tres dies, quod summum est, ad citam & exactā curationem properā- dum erit: alioquin de incurabili *ὄσφοφο- βία* timendum erit. Alterum tibi cōmu- nicandum est, quòd rancida nux suggil- lata efficacissimè delet, si flamma leniter exuratur, aut candenti ferro ita compri- matur, vt oleum reddat ad id præstantis- simum. Quid vis ampliùs? Dum hæc de nuce scribo, & pagellas meas in quibus le- gendo semper aliquid adnotare sum so- litus diligenter excutio, fortè fortuna in- cido in antidotū Mithridatis è nuce, cu- ius paulò antè facta fuit mētio: sed quam Rases medicus Arabs fertur emēdasse, & ad Almanforem Sarracenorum Regem misisse. Huius itaque germanam descri- ptionem sic habeto. Accipe nucū vetera- scentium, & à putaminibus ac interaneis purgatarum, partem vnam: salis & folio- tum rutæ, ana sextā partis vnus: ficuum in aceto aut vino maceratarum, quātum ad prædictorum commistionem sufficit: accuratè tritis & cōfuis omnibus fiat an- tidotus: cuius vsus per se esto ad magni- tudinem vernaculæ auellanæ, superepo-

to vini albi momēto, si videtur. Dicitur non potest, quāta sit alexipharmaci huius efficacia, nō dicā contra venena, sed etiam pestis nocentissima quæuis contagia. A quibus omnium seruator nos seruare dignetur.

*Amygdalus & eius fructus, cum medicis
vtriusque auxiliis.* A R. II.

ARBOR Amygdali tam est nota apud omnes, vt nihil notius esse possit: cuius ea fertur esse natura, vt in senio fœcūdius sit, quā in iuuetā, & sola minū ferax habeatur, quā sociata. Nuculas ei⁹, amygdalas nuncupatas, gemino (vt iuglandes) operimento tegi nullus est qui non videat: puluinati primū calicis, mox lignei putaminis multos scarificat⁹ admittētis, & in rimulas varias dehiscētis, cui solidus subest nucleus, in quibusdam dulcis ac iucundi gustus, in aliis verō amari & ingrati: sed qui ebrietatem arceat, Plutarcho autore, cui⁹ hæc sunt verba. Fuit apud Drusum Tiberij Cæsaris filium, medicus quidam amaras amygdalas comedere solitus, qui omnes bibendi certamine prouocabat, neminīque in ea palæstra cedebat. Is tandem deprehēsus

Amygdalarum descriptio & pictura elegantis.

Amaras amygdalas ebrietatem arceat, & quemodo id fiat.

R ij

est, antè quàm biberet, quinas senâsue
 comesse, quò minùs temulentia tentaretur.
 Porrò cùm deuorare vetuissent cō-
 potores eius bibuli, ne pauxillū quidem
 in huiusmodi certamine resistebat. Plu-
 tarcho subscribit Athenęus, causam ama-
 ritudini tribuens, quę resiccat & humidi-
 tatem depascit, nec finit venas impleri:
 quarū distentione & perturbatu, temu-
 lentiam contrahi volūt, effluuiis calidis,
 & fumosis nebulis obsessa mentis arce.

*Amaras
 amygdalas
 vulpibus le-
 sbales esse.*

Huius rei argumentum euidentius esse po-
 test, quòd vulpes amarorum pastu, atque
 adeò amygdalarum (vt idem refert Plu-
 tarchus) certò moriantur, si non contin-
 gat è vicino aquam lambere, interno hu-
 more affatim ab his exucto. Quod &
 Dioscorides & Plinius etiam testatū re-
 liquerunt. Mnesitheus Atheniensis eo in
 libro quem alimētis dicauit, omnem cu-
 iusque generis nucem, quę ignem exper-
 ta non fuerit, cibus abdicandam præcipit,
 exceptis recentibus amygdalis. Sed aliàs
 torrefieri, aliàs verò incoqui iubet, vt
 ignis illarum pinguetudinem absorbeat
 & ebibat. Vitiis pulmonum & renum ex
 aqua potæ succurrunt, & illinctu cum re-

*Pulmo, re-
 nes, calcul⁹,*

fina terebinthina calculosis medentur, ac
 difficili vrinæ in passo tritæ auxiliantur.
 Gummi ex arbore stillans, spissandi viri-
 bus pollet, ac cruētis excreationibus opi-
 tulatur: adhæc summæ cutis impetigines
 ex aceto illitum rapit, & funditùs abolet.
 Amaræ amygdalæ excorticatæ, tritæ, &
 linteolo inclusæ, si in muliebri pudédum
 mittantur, vterû à corruptis humoribus
 potenter vindicât, & repurgant. Si in vi-
 no terâtur, & eo caput lauetur, illius fur-
 fures amoliuntur. Si integræ vrantur, &
 acri aceto macerentur, postea contūdantur
 & capiti illinantur, alopeciã & ophia-
 sim, ex Galeni sententia, curant. Si aceto
 infundantur, terâtur, in pastillos cogan-
 tur, & in vmbra siccentur, summè prode-
 runt ad varos delendos, & obliterandas
 pustulas paruas in facie, quas Græci *ἰόνδης*
 nuncupât. Quod fiet, si quoties vsus po-
 stulauerit, aceto dissoluantur, illinantur,
 & facta resiccatione, cum sapone abster-
 gantur. Proderit etiam res ea ad pruri-
 tus, scabiosas impetigines, & prætumidas
 faciei dispositiones, quæ sunt veluti præ-
 ludia ad elephantiasim. Sûnt olea ex vtrif-
 que amygdalis expressa, quarum faculta-

*Vterus, fur-
 fures, alope-
 cia, ophia-
 sis, vari, ion-
 shi, pruritus
 & impetigo.*

R iij

tes fatiùs duxi omittere, quàm paucis describere, suum locum alibi per occasionem illis daturus.

Pinus & eius fructus cum medicis auxiliis vtriusque. AREA III.

*Nucis pineae
descriptio
pulcherrima.*

Sitis, stomachus, vires, renes, vesica.

SICUTI pineas nuces Græci, vt testatur Galenus, conos ac strobilos appellant, ita earum nucleos Hippocrates coccalos nūcupauit: vnde facta fuit alticoccali nomenclatura, vt in cinara, seu altili carduo superiùs admonuim⁹. Nuces istæ in sua arbore altissimè à terra suspensæ, intus exiles nucleos, lacunatis toris & ferruginea tunica vestitos contegunt: qui nisi purgati fuerint, durare non possunt. Contendunt tamen aliqui illos cum suis testis in vasis fictilibus nouis, terra oppletis consepultos, rectè custodiri posse. Arbor iuglandi contrariam habet naturam, nam prodesse creditur omnibus quæ sub ea feruntur. Nuclei & si ægrè cōcoquantur, nihilominus corpus perbellè alunt, nisi humorem crassum gignerent. Sitis sedant, stomachi acrimoniam, rosiōnesque leniunt, virium infirmitatem roborant, & renibus ac vesicæ vtilis ha-

bentur. Fauces tamen videntur exasperare, & tussim irritare, licet bilem expellant, ex aqua, vino passo, vel balanorum decocto poti. Contra vehemētes stomachi rosiones, iis miscentur cucumeris semina, & portulacæ succus: necnon ad vesicæ & renum vlcera, quoniam vrinam cient, ac eius acrimoniam hebetant. Humores qui putrendo coierunt in stomacho facilè retundunt: & si recentes ex arbore, in passo cōterantur, ad tabem & tussim veterem vtiliter coquuntur, vt liquor per singulos dies bibatur. Hinc nimirum tradiderūt autores grauiissimi, pineas syluas quæ picis ac resinæ gratia raduntur, tabidis vtilissimas esse: & iis qui lōga valetudine vires non recolligunt: adeò vt illum cœli aërem plus quàm nauigationem Ægyptiā, aut lactis cuiusuis potionem medicatam, conferre dicant. Sed de nuce pinea satis: nam rara quoque in nostris septētrionalis Galliæ hortis spectat.

ca, fauces,
bilis, tussis
& vrina.

Tabes &
tussis.

Pulchra et
notatu di-
gna.

*Corylus & Auellana eius fructus, cum
medicis vtriusque auxiliis.*

AREA IIII.

AVELLANAE nuces ex ea sunt arbore quæ Corylus dicitur, & in multorum

Auellane
descriptio et

R iij

*eiusdē pro-
uentus ma-
gnus.*

*Oblongæ &
rotundæ auel-
lanæ.*

*Auellanarū
varie no-
menclaturæ.*

*Facultates
auellanarū.*

hortis frequens hodie conspicitur. Hæ molli primùm caliculo teguntur, mox lignoso quidem, sed fragili putamine, cui tenuis subest membrana rotundum nucleum obuoluens, in cuius vmbilico peculiaris alter includitur. Gallicani montes, præsertim nemorosi, coryletis adeò vestiuntur, & auellanis oblongis ac rotundis tanta scatent vbertate, vt plenis faccis rura in vrbes comportent. Oblongas præstantiores & gustui gratiores esse constat: maximè quæ putamine & interiore tunica vehemēter rubent, suntque fractu minimè contumaces: nam vegetiore sunt nucleo, ac diu perdurant. Sunt in magna nominum ambage nuces istæ, primùm auellinæ patrio nomine vocatæ, ac si diceres abellinæ, ab Abellino Campaniæ oppido (vt volunt Grammatici) vbi abundare cœperunt. Appellantur etiam Ponticæ, quòd è Ponto in Asiam & Græciam venerint, vt tradit Plinius. Dicuntur præterea Heracleoticæ, Prenestinæ, & Leptocarya Græcis. Rura Gallica *Nucellas, Coryelos & Auellanas* nuncupant. Quod ad facultates attinet & medica auxilia, Galenus eas plus essentiæ

terrestris & frigida habere contendit, quàm iuglâdes: adhæc plus alimenti præbere, nam densiores sunt, & minùs pingues. Philotimus libro quem alimentis dicauit, dolorem capitis ciere scripsit, sed iuglande minùs: cibus præterea extare ac innatare dixit: si tamen ignem expertæ fuerint, innocentiores reddi: quòd torrendo noxia pinguetudo tollatur. Faciunt itaque dolorem capitis immodicè ac intempestiuè sumptæ, aduersanturque stomacho, quem inflationibus distendunt.

Alopecias pilo vestiunt, modò axungia, vel vrsino sæuo excipiantur: medentur præterea distillationi, si tostæ fuerint. In aqua mulsâ tritæ, veterem tussim haustu leuant: & cum modico pipere tostæ, deinde contusæ, & ex eadem aqua potæ distillationes concoquunt, vt scribit Dioscorides. Alij è passo bibendas censent: sùntque autores nōnulli, cæsiōrum oculorum pupillas infantibus denigrari, cinere putaminum auellanarum ex oleo sincipiti cōsperso: adhæc pinguedini conferre, & præter fidem corpulentiam augere. Diocles inter Græcos geponicos celebris, posteritatis memoriæ mādauit,

*Alopecia,
distillatio,
tussis, pupil-
la & pin-
guedo.*

Duo pul-
chra Et sum-
me notāda.

nucem auellanam minùs amygdalis ale-
re, ac cibus (vt diximus) extare: quæ si lar-
giùs estur, caput tētabit: viridem tamen
arida innocentiolem esse promisit. Sed
hoc loco non est omittendum quòd sim-
plex rusticitas obseruauit, serpentem ob-
torpescere quæ coryli caudice, vel furcu-
lo iēta fuerit, ac tādē emori. Addit Plu-
tarchus, scorpionem in domicilia nō obre-
pere, quoties coryli nucula laquearibus
appensa cohærebit. Horum veritas facili
experimento elucescet.

*Castanea arbor, eius fructus, & medica vtri-
usque auxilia.* A R E A V.

Cur casta-
neas mōta-
nas nō hor-
tenses hīc
autor descri-
bat.

ET SI Castaneæ potiùs agrestes & mō-
tane censeantur esse, quàm hortenses
& vrbane, videanturque classi pomife-
rarum arborum veriùs quàm nucifera-
rum ascribendæ, de illis nihilominus bre-
uem postremo hoc loco narrationē ideo
institui, quòd per hyemem tam diuitū,
quàm pauperum mensas vbique onera-
re soleant, & nucis nomine apud scripto-
rum genus omne passim donari ac illu-
strari: quanquam accommodatiùs glan-
dium ordini accenseri possent, vt Græco-

rum nonnullis visum fuit, qui castaneas *Castaneam*
 διὸς βαλάνου, hoc est Iouis glandes dici vo- *quibusdam*
 luerunt: cū tamen iuglandis, aut, si ma- *iuglandem*
 uis, Iouis glandis appellatio, nucibus re- *dici.*
 giis (quas basilicas nūcupant) aptiū con-
 ueniat, ob causas nobis in iuglande supe-
 riū productas. Sed hæc Grāmatico, non
 medico discutienda erāt. Duplices apud
 nos visuntur castaneæ, altiles quæ multo
 maiore corporis tuberculo constant, &
 vulgò *Marones* appellari solent: quæ inter *Castaneæ*
 castaneas veluti mares habeantur, quos *duplices, ma-*
 in omni rerū genere (vt tradit Galenus) *res Et fœ-*
 fœminis habitiores esse cōstat. Aliæ mul- *mine.*
 tō sunt minores, reputātūrque vt fœmi-
 næ: vnde maronibus, seu maribus casta-
 neis lōgè inferiores & macilentiores esse
 spectantur. Illæ, lautiores diuitum men-
 sas claudunt: hæ pauperum ieiunia satu-
 rant. Illas cineribus calidis torrent locu-
 pletes: has in aqua coquunt & elixant po-
 pulares, ad auidam eorum famem exsa-
 tiandā: ex quo populares & coctiuæ Pli-
 nio nūcupantur. Verumenimuerò priū *Cur ferro*
 quàm & hæ, & illæ igni credantur, ferro *vulnerandæ*
 ad carnem vsque intra pediculū vulnera- *sint casta-*
 ri debent: vt hiatu plagæ spiritus igne ci- *neæ, anti-*
quàm igni
cōmutātur.

*Aluus, ven-
tricalus, san-
guis, morsus
canis, man-
ma, Venus
& mēstrua.*

*Quomodo
innocenter
sumātur ca-
stanea.*

*Castanearū
v̄sus suspe-
ctus.*

tatus erumpat. Alioqui magno crepitu,
instar nubis tonantis, profiliunt: nō sine
affidentium terrore & periculo. Sed hæc
coquinam potiùs olent, quàm medicinā.
Venio itaque ad præsidia. Castaneæ tam
alui quàm ventriculi fluxiones Dioscori-
di sistunt: idque tunica maximè, quæ car-
nem & corticem media intercurfat. Sic-
cæ sanguinē excreantibus valde profunt:
& cum sale tritæ, mellèque subactæ, rabi-
dorum canū morsibus vtiliter imponun-
tur. Cum hordeacea polenta & aceto il-
litæ, mammaram duritias discutiunt: &
recēter coctæ ac parcè piperatæ, sopitam
Venerem excitant, ob flatulētam humi-
ditatem qua scatent. Largiùs tamen sum-
ptæ capitis dolorem conciliant, inflant,
aluum astringunt, & ægerrimè coquun-
tur, præsertim ab imbecillo ventriculo.
Quæ tamen cineribus obrutæ torrētur,
innocentiores reddūtur, maximè si cum
sale, saccharo, aniso, vel cinnamomo edā-
tur. Sūt qui illis in vino maceratis, & cum
farina subactis, pessi vice vtantur ad sup-
primendos menses. Sanè & si Galenus
scripserit castaneas plurimùm nutrire,
non tamen in cibis valde commendand-

tur. Nam siue elixæ, siue tostæ, siue etiam
frixæ fuerint, semper esitantibus noxam
inferunt, multoque magis si crudæ edan-
tur. Non sum nescius monticolas, vbi
aliarum frugū annona deficit, per totam
hyemem castaneis victitare, fumo prius
in cratibus exsiccatis, & ab vtroque cor-
tice spoliatis, necnō in farinam redactis,
& postremò in panem coactis & coctis:
aut ex lacte, vel iuscule in pulticulā con-
formatis. Quæ omnia eos bellissimè alūt,
nec quidquam illis obsunt, propter assi-
duas exercitationes, & salubrem aëris re-
gionem quam inhabitant.

*Castaneario
vsu, vbi
aliarū fru-
gum anno-
na deficit.*

FACILIS ET POPVLARIS

OLEORVM MEDICATORVM CON-
cinnatio, ex quavis hortensi materia.

DVM noster hic Alexikepus adhuc sub
incude esset, & ad vmbilicos festina-
ret, medicinæ Candidati aliquot familia-
riter me inuisentes, auidè perlegerunt
quod penes me erat de illo excusum. Id
cū valde probassent, sciscitari cœperūt,
num quidpiam earum rerum ad calcem
Opusculi scriberem, quæ popularibus &
pauperibus scholasticis, ac aliis, ob fre-

quætem vsu cupidè expeti solèt. Quænam illæ sunt, inquam. Formula, inquit, ac methodus facilis cōcinnandorū oleorum medicatorum ex hortensibus materiis, & distillandarū aquarum ex illismet. Cū respondissem me id operæ in aliud opusculum de industria reiecisse: Næ, inquit, absurdè facis, quando hisce rebus nullus tibi aptior locus dari potest coronide Opusculi tui. Quare agè, MIZALDE charissime, inquit, manū huic tabulæ admouere satage, vt populares ac tenuis fortunæ hoīes eo desiderio leues: quorum gratia te hunc medicū Hortum maximè scripsisse professus es. Id me libèter facturū pollicitus, nunc demum, pro mediocritate mea, paucis exequi aggredior.

Variis modis fieri solent olea medicata, & illis rerum virtutes infundi. Sunt qui per infusionem illa conficiant: Alij per coctionem. Qui per infusionē operantur, res quæ infundi debent nonnihil contundunt, maximè radices, femina & folia, si admodum crassa essent, ac pingua, nam de floribus & stirpiū asparagis secus. Deinde in oleum (quod recens esse debet, ac salis expers, vel saltem

elotum) quidquid id est, sensim demittunt, vt vi sua & qualitate illud faciliùs inficiat, ac imbuat. Postquam ibi probè maceratum fuerit, quod xx, vel xxx, aut xli, & plurium dierum spatio fieri solet pro rei cuiusque immissæ natura & corpore, tum demum excludunt, & oleum percolant, ac vsui seruant. Qui diutinam illam rerum macerationem ferre nõ possunt, eas partim oleo, igni lento ex semistis carbonibus excitato, bládè coquunt, vel calentibus cineribus elixant: partim etiã tantum aquæ, aut vini, oleo iniiciunt, quantum coquendo possit vanescere, & in fumantem auram abire. Modus erit, si quadrupla, quintuplá ue mēsurā sit olei, ad vinũ vel aquam. Illud ad affectus podagricos, articulares, & pituitosos, hæc verò ad alios accõmodari solet. Qui solertiores sunt, hanc sequuntur methodũ, ne intrusæ & remistę materiæ torreãtur, & oleum vstionẽ odore præ se ferat. Alij rerum naturas & secreta penitiùs rimantes, oleum omne quod ad medicamenta vsurpatur, in vase duplici cõcinnant quod Galenus ἀγγεῖον διπλῶν vocat, & alibi διπλωμα, recentiores balneum Mariæ, cu-

iusdam, vt opinor, chymistidis . Quod fit
cùm in lebete feruentē aquam recipien-
te, vitreum vasculū superficie tenus mer-
gitur, quod oleum & materias cōtineat.
Quæ inibi tribus diebus, plūs minūs, ma-
cerari ac elixari debent, & post tertium
diem blandè exprimi : ac rursus aliis re-
centibus infusis eodem in balneo, pari
temporis spatio, altera fieri maceratio &
expressio: debétque tandiu opus profec-
qui, donec oleum amplissimas rerum ex-
ceptarum vireis sibi comparauerit . Qui
subtiliores sunt, ac vigilantiores, & rem
istam exactiùs ac fideliùs exequi satagūt,
vasa materias includentia, calentibus &
ebullientibus aquis non immergunt, sed
illarum vaporibus superponunt, coaptāt
ac suspendunt . Quod sanè vehementer
laudo, probóque . Nam hæc vera est via,
& certa medicatorum oleorum, necnon
distillandarū aquarum, vt mox dicemus,
methodus . Quam ingens lucri auiditas
non patitur pingues aliquot, & ignauos
Pharmacopœcos amplecti : eos dico qui
crumenæ magis consulunt, quàm ægro-
tantium saluti : quæ maxima turba est.
Alia habetur concinnandorum oleorum
fabrica,

fabrica, per extorsionē & expressionem torcularium ad id accommodatorum, vt ex amygdalis, & aliis fieri solet. Alia insuper chymistica: de quibus hīc, ne gry quidem, quod dicunt, à me expectabunt populares ac rustici. Nam modus vterque, illorum otium, ingenium & artificium, ne dicam peculium aut hērediolum, longè ac latè exuperat. Ab oleis itaq; ad stillatitias hortensium aquas commodùm trāseo: vbi prius monuero quòd olea facultates respicient earum rerum quæ illis remiscebuntur ac infundentur. Quare ad affectus quibus illæ medebuntur, tutò etiam accommodari poterūt, siue id fiat per linimenta, vnguenta, potiones, cataplasmata, vel clysteres. Quos etiam mulierculæ hodie componere, & iniicere nouerunt.

De medica hortensium distillatione, eaque populari.

DE distillatione ab antiquioribus medicis intentata, & à recētioribus, variis modis excogitata, paucis hīc sum scripturus, propter paucum otium eorum, quibus hanc opellam ex animo deuoui,

S

rusticorum nimirū & populariū. Quos optarem, ita me Deus amet, potius vti suorum hortensium decoctis, quàm stillatitiis aquis, plerunque adustis, ingratis, & nescio quid insuaue spirantibus. Si cui tamen ex eorum tribu illas sibi comparare visum erit, vt sumptui simul & tēpori parcat, cōsulo ac moneo vulgata & recepta vti stillandi consuetudine, quę fit per Alembicū, vt vocant. Sed id è terra probè cocta (qualis est Lutetiæ Bellouaca) fabricatum, potius eligendum censeo, quàm plumbeum, cupreum, aut metallicum aliud quoduis, ob causas nobis alibi describendas. Non sum nescius prope modū infinitos esse modos alios: ex quibus vnum duntaxat in præsentiarum attingam. Qui mihi melior, vt de oleis diximus, ac facilior, cū doctis. & excellētis. medico Ioanne Manardo, semp visus est. Huius operatio simili fit modo, quo Galenus iussit omnia vnguenta confici, in duplici vase, aut Mariæ (vt vocant) balneo. Ita tamen ne vasculi fundum in quo stillandæ materiæ continentur, aquam in maiore vase ebullientem attingat, sed solo vaporifero humore ab ea eleuato,

concalescat. A calore enim illo miti & blando, vapores ex plantarum substãtiis exhalant, qui in aquam vertũtur, occurſu pyramidis seu capitelli vitrei, quale hĩc cum sua basi desideramus. Aqua ad hunc modũ excepta, vireis omnium partium plantarum suarum retinet, & præ se fert, sicuti ex odore & sapore colligere promptum est. Quod videant, obsecro, & in vsum traducere incipiãt cordati & solertes Pharmacopœi: quos decet magis pietatem & humanam charitatem colere, ægrotantiũque saluti consulere, quàm lucro & quæstui turpiter inhiare, ac fumos, & plerũque cineres aut fauillas, pro aquis indignè vendere, irreparabili, ita me Deus amet, ægrotantium iactura, & medicorum, ea in re nihil peccãtium, intolerabili ignominia. Opt. Max. ille IESVS CHRISTVS, sine quo est omnis herba, & omnis medicina, venenũ, hisce imposturis, & aliis nulla humana lege coërcitis, finem quandoque dabit, aut saltem modum & moderationem aliquã imperabit. Cui soli sit honor, gloria, & gratiarũ actio, pro nobis cõcesso favore, in hac describenda auxiliari omnium medicina.

S ij

HA CT E N V S quambreuiſſimè potui-
mus, ſed non tam accuratè quàm vo-
luimus, medicas hortenſium materias &
facultates, methodo, vt res ipſa poſcere
videbatur, perſpicua, facili & diſtincta,
perſtrinximus, docere potiùs, quàm or-
nare contenti. Hoc potiffimùm cõſilio,
vt tenuis fortunæ hominibus, vrbaniſ ac
ruſticis, quò nos inuitat chriſtiana chari-
tas, aliqua ex parte cõſuleremus. Quibus
quoties libet, non licet Medicos accerſe-
re, aut inuiſere, & à Pharmacopœis com-
poſita medicamēta, vel alia, ſumptu ma-
gno comparare. Prætereà, vt medicinæ
ſtudioſis fenestram aliquam aperiremus
ad huiuſcemodi auxiliares hortulos, pa-
triæ, parentibus ac amicis, vbicunq; lo-
corum fuerint, deſcribendos, colendos,
exponendos, & pro cuiuſque facultati-
bus, elegantiuſ exornandos. Si in id con-
ſilij rationes traducent ſuas, curabunt vt
vetus medicina, & priſcus medendi vſus,
ab omni impoſtura & ſuſpicionē alienus,
in apertam & deſideratam lucem, veluti
poſtliminio, aliquãdo redeat: magno ſa-
nè, & indicibili poſteritatis commo-
do. Quod vt faciant hortor, peto, & eſſlagi-

to: Deúmque votis supplicibus obsecro,
 vt publici isti conatus nostri omnibus
 prodesse possint. Quibus, dum licebit,
 fruere, Lector, & fœliciter vale, tantis-
 per dum te breui reuisam, & libenter im-
 pertiam reliquas partes rusticæ & popu-
 laris medicinæ nostræ, pro quibus sub fi-
 nem *πελεγομένων* in hunc Alexikepum,
 publicam tibi exhibuimus sponsonem.
 Iterum vale, & nos sincerè amare, cona-
 tibúsq; nostris ex animo, vt soles, faue-
 re ac patrocinari perge. Id si feceris, spon-
 te currentem, alacriùs ire inuitabis.

FINIS ALEXIKEPI, HOC
 EST AVXILIARIS ET MEDICI
 Horti, nunc primùm diligentia AN-
 TONII MIZALDI Mõluciani, Medi-
 ci, publicæ omnium vtilitati expositi.

S iij

DIOCLIS CARISTII MEDICI ANTIQVISSIMI EPISTOLA ad Regem Antigonum, de tuenda & reparanda cuiusque valetudine, per sola hortensium præsidia paratu facilia.

Diocles Antigono Regi bene agere.

*Antigoni
eruditio &
excellencia.*



*Similitudo
apposita.*

VANDOQVIDEM tibi, ANTIGONE, maxima omnium Regū est eruditio, atque grandæuam ætas, omnisque philosophiæ peritia, & mathematices denique studij (quibus singulis clarus es) palma facilè contigit: ego regiam atque ideo tibi peculiarem esse suspicans, eam quoque philosophiæ partem, quæ incolumitatē tueri docet, idcirco delineare & tuæ maiestati describere hac nostra volui epistola, vndenam mortalibus ægritudines proficiscātur, & quibus notis præcedētibus, diiudicentur: ac quibus remediis illis succurratur. Quemadmodum enim cœli tempestatem nunquam non signa quædam manifesta præcedūt, quibus nautæ, ac cæteri multarum

rerum periti homines, quid agendum sit, quò tutiores euadant, colligunt: sic nullus præter naturam affectus, hominis corpus tentat, nisi certis præcedentibus notis ac præfagiis. Tu itaque nostris hisce præceptiunculis confisus, ea obuiis vlnis suscipere, & adamussim etiam obseruare non grauaberis. Diducimus iam hominis corpusculum in parteis quatuor, caput, thoracem, ventrem, atque vesicam.

Diuisio corporis in partes quatuor.

Cùm igitur olim quid morbi caput læsurum est, hæc portenta solent magna ex parte præcedere, vertigo, dolor capitis, superciliorum grauitas, murmur auriũ & pulsatio tēporum. Oculi matutino tempore lachrymantur & caligant: odoratus hebetatur, ac dētium gingiuæ attollūtur.

Præfagia morborum capitis.

Ergo cùm eiusmodi quiddam portenti senseris, caput cōfestim vacuandum ducito: nullis sanè medicamentorum præfidiis, verùm sumptis hyssopi aut origani capitibus tritis, & in ollula ebullitis cum passo, vel iuris semisextario, quibus os ieiunus abluito, & quoad pituita deducetur, gargarizato. Hoc quippe capitis affectionum facillimum est præsidium. Saluberrimum quoque fuerit sinapi ex aqua

Remedia morborum capitis.

*Cautela
notatu di-
gna.*

*Accidentia
neglectorū
presidorum
capiti.*

*Signa mor-
borum tho-
racis immi-
nentium.*

*Presidia
morborum
thoracis.*

mulsa calida macerato, irrigatō ue, sobrium os colluere, & gargarizando è capite humorem ducere. Oportet autem caput ipsum antea tegmine quopiam calfacere, quò liquefacta pituita sine impedimento effluere possit. Cùm hæc igitur quæ proposita sunt floccipenduntur iudicia & præsidia, eiusmodi ferè morbi succedere consueuerunt: ophthalmiæ, glaucomata, auriū fissuræ, strumæ in ceruice, cerebri tabes & πρᾶξις, coryza, raucedo, angina nocturna, vua, capillorum defluuium, vlcera capitis, & dētium cruciatus.

Cùm autem quidpiam mali thorax passurus est, his signis portenditur. Sudor quidā corpus vndique occupat, sed thoracem maximè: lingua crassescit, eiiciuntur per sputa vel salsa, vel amara, vel biliosa. In lateribus & scapulis dolores citra occasionem oriūtur, oscitationes crebræ fiunt: adhæc vigiliæ, suffocationes, sitis, & ex somno, animi mœror: infestant præterea pectoris angustia, & brachiorum ac manuum tremor. Quibus nō imprudenter ad hunc modum succurritur. Imprimis vomitionem non crapulosam

à cœna, quoad fieri potest, ciere cõuenit absque medicamine : profunt etiam vomitus ieiuni, à Græcis *σπευμαϊσμοὶ* nuncupati. Cui igitur sic placet vomere, radículas tenues, nasturtium, erucam, sinapi, portulacam deuoret: deinde aqua tepida hausta euomat. Qui dicta præfagia nau-

Vomitoriũ.

Incommoda ex neglectis præsidis thoracis.

Si quis verò ventrem morbus occupaturus est, his signis præfagiri potest. Venter primò cõuoluitur, & in sese ipso perturbatur: esculenta cum poculentis amarorem præ se ferre putantur: genuum est grauitas, lumborum rigor inflexilis: vniuersæ molis corporeæ lassitudo, idq; sine occasione: crurũ torpedo, stuporque, & exiles febriculæ. Vbi hæc portenta senseris, venter nullo medicamento quidem, sed victus ratione mollificandus est. Sa-

Præfagia morborum ventris.

Remedia morborum ventris.

tiùs enim & lōgè tutiùs est iis vti, quibus delinqui facilè non potest: è quorum numero sunt beta aquâ mulsâ incocta, allia elixa, malua, rumex, mercurialis, & omnia melle condita: cuncta enim hæc alui

deiciunt sedimina . Quòd si præfagiorum aliquod magis, magisque intēdatur, cnici liquorem omnibus decoctis infundito, suauior nanque & tutior est. Vtilis etiam fuerit læuis brassica in non exigua aqua elixa: cuius succus quatuor heminarum mensura cum melle & sale potui datus profuerit: Ciceris aqua ieiuno epota, eundem habet effectum. Hæc signa parui pendentes huiuscemodi affectiones superuenire solēt : diarrhœa, dysenteria, lienteria, voluulus, coxendix, febris tertiaria, podagra, apoplexia, hæmorrhoides & cruciatus articularis.

*Accidentia
ex neglectis
præsidii
veteris.*

*Præfagia
morborum
vesicæ.*

*Remedia
morborum
vesicæ.*

Quando autem vesicæ malū imminet his notis deprehenditur. Post exiguum cibum plenitudo infestare videtur: oboriuntur inflationes, eructationes, pallor vniuersi corporis, somni graues, lotia lurida & ægerrimè manantia, nec non circa pudēda œdemata. Cùm apparuerint huiusmodi præfagia, suppetiis odoratis lotia impellentibus opem ferre conuenit: id quod sine periculo futurum est. Sunt igitur fœniculi, apiique radices in vino albo & odorato macerandæ, ac cyathi duo quotidie hauriendi (manè nimirum, &

vesperi) cū aqua dauci, smirnij, vel enulæ campanæ, quodcunque horum ad manum sit: iuxtà enim singula iuuant. Cicerum quoque maceratorum aquam si cum vino potauerit ægrotans, idem consequetur. Qui verò dictas notas negligenter præterierit, hos morbos expectet, hydropem, lienis tumorem, hepatis dolore, λιθίασιν, nephritim, stanguriam, ventris distortionem & tormina. Cæterùm, in omnibus his signis quæ hætenus proposuimus, infantibus & iunioribus quidem medelas clemētiores, grandioribus verò natu, efficaciore exhibebimus.

*Accidentia
ex neglectis
praesidiis ve-
sica.*

* * *

Paucula restant in Græco exemplari de seruanda victus ratione per quatuor anni partes & tempestates. Quæ consultò omisimus, quòd ad nostra tempora, climata & temperamenta parùm respondere agnoscemus.

*

LECTORI.

Duo sunt, Lector optime, quæ hîc te scire maximoperè velim, vt sequenti Indice commodè vti possis. Prius est, me multa sub vna nomenclatura, veluti in fasciculū de industria coniecisse, ne nimiùm turgeret Index. Vnde sub hac voce **C A P V T**, omneis capitis affectus claudimus, & quæ capiti sunt annexa. Sub nomine **F E B R I S**, omnium febrium genera, & quæ illas comitari solent. Sub **D I S T I L L A T I O N E**, catarrhum, coryzam, branchum, & defluxus alios. Sub **O C V L I S**, omnes oculorum affectus & accidentia eorundem. Sub **S A N G V I N E**, quamuisilli us excretionem, & à quacunque parte, ac quidquid ex sanguine pēdet, præter hæmorrhoides, muliebres menses, & vterinos affectus, propriis locis adnotatos. Sic sub **V R I N A**, omnia quæ circa lotium contingunt includimus: & ita de aliis. Posterius quod te etiam scire vehementer cupio, est, ne locis multis nimiùm cōfidas & innitaris adnotatiūculis quæ sparsim singulis paginarum marginibus inseruntur: & his maximè quæ cadunt ad initia & fines earundem. Nam quod paginæ sequentis, aut præcedentis esse debet, sibi quandoque falsò adscribunt. Quod mea vnus culpa, & nō Typographi errore aut incuria, factum agnosco: qui exemplar meum integris foliis, iisque magnis descriptum, & adnotatiūculis, quales hîc sunt, adornatum, illi quadruplato folio & octipartito, vt vides, excudendum commisi. Ex quo contigit, vt singula propriis lo-

171
cis appositè respondere nequiverint. Addam
quòd in tanta morborum nomenclatura, & tam
vasto affectuum pelago, sese seriatim consequē-
rium, totis quādoque lineis duabus & tribus, or-
do certus præscribi nō potuit. Ut ut sit, Indicem
ita suis numeris & paginis concordem tibi feci-
mus, ut nihil sit quod possis conqueri. Sed tota
quandoque pagina tibi percurrēda erit: propter-
ea quòd bis nonnunquam, & ter, morbus idem
cum suis remediis in illa variè proponitur, & va-
riis modis explicatur. Hęc de Indice nosographo
fatis, cui alium subtexere poteramus varias rerū
diuersarum historias, & narrationes pulcherri-
mas complectentem, quæ passim in hoc Hortu-
lo inter legendum occurrent, nisi Medici inscri-
ptio, quā ubique præ se fert, nos opportunè ad-
monuisset, medica duntaxat in Indice describen-
da esse. Habes, amicissime Lector, quæ te scire
maximoperè cupiebam: fruire, si potes, labori-
bus nostris, & nos ex animo amare perge.

INDEX ET NOMENCLATURA
 Morborum, quibus certa remedia præ-
 scribit Hortus iste medicus. Paginas
 singuli numeri designant.

A

- A**bscessus siue apostema, 40. 125. 178.
 Abortus, 136. 182.
 Aculei, 92. 150. 164.
 Alarum graueolentia, 108.
 109. 133.
 Albugo, 92.
 Algores, 148. 164. 234.
 Alopecia, 51. 239. 245.
 249.
 Aluus & alui fluor, 3. 6. 17.
 29. 31. 32. 33. 36. 38. 45.
 97. 98. 99. 105. 112. 114.
 118. 162. 163. 172. 176.
 195. 199. 203. 204.
 208. 210. 211. 221. 222.
 252.
 Ambustio & ambusta, 11.
 20. 31. 34. 53. 86. 99.
 120. 121. 167. 183. 204.
- Angina seu cynanche, 49.
 64. 73. 115. 128. 143.
 204. 224.
 Anus, 118. 127. 163. 226.
 Vide pro reliquis, Sedes.
 Appetentia, 34. 62. 72.
 83. 87. 147.
 Aquæ serosæ, 135. 145. 177.
 187.
 Ardor, 11. 165. Vide etiam
 Febris.
 Arteria, 15. 128. 241.
 Arthritis, 13. 16. 87. 157.
 164. 169. 188. Vide Po-
 dagra & Articuli.
 Articuli, 124. 184. 188.
 Asthma, 5. 63. 74. 86. 135.
 167. 183. Vide Suspiria.
 Atrophia, 166.
 Attritiones, 145. 146.
 Aures, 31. 49. 50. 65. 73.
 75. 82. 87. 97. 118. 142.

INDEX MEDICVS.

143. 145. 147. 151. 154.
168. 177. 179. 181. 232.

B

B *Arba*, 149.
Bilis atra, 14. 90. 128.
216. *vide Melancholia*.
Bilis flava, 65. 87. 112. 116.
126. 135. 146. 177. 187.
200. 202. 216. 218.
246. *vide Cholera*.

Boleti, 15. 193.

Bubones, 36.

C

C *Alculus*, 22. 23. 41.
62. 68. 75. 105. 163.
171. 173. 178. 181. 183.
199. 202. 210. 233. 245.
vide Renes.

Caligo oculorum, 5. 78. 79.
159. 174. *vide Oculi*.

Calli, 51.

Cancer, 13. 163.

Capilli, 16. 64. 71. 144. 205.
239. *vide Pili*.

Caput, 9. 11. 16. 29. 31. 36.
44. 50. 60. 83. 90. 92. 93.

114. 118. 128. 133. 134.

135. 140. 147. 151. 208.
249. 252.

Carbunculus, 16. 167. 239.
242.

Cardiaci et Cor, 14. 40. 116.

Cerebrum, 74. 77. 86. 95.

Cicatrices, 64. 231.

Clavi pedum, 97. 120. 134.

Cœliaci, 35. 83. 112. 137.
167. 194. 204.

Cholera, 6. 33. 40. 105. 112.
194. *vide Bilis flava*.

Coitus, 76. 148. 157.

Colicus dolor, 24. 41. 47.
64. 68. 99. 156. 164. 178.
188. 226.

Conceptio, 58. 70. 176.

Concoctio, 57. 74. 87.

Condylomata, 178. 226.

Contusa, 13. 145. 146. 184.

Conuulsa, 78. 95. 133.

Coxendix, 75. 88. *vide Is-*
chias.

Crapula, 9. 18. 116. 126. *vi-*
de Ebrietas.

Cruditas, 142.

Cutis, 104. 105. 180. 202.

INDEX MEDICVS.

- D**
- D**entes, 29. 31. 36. 42. 55. 58. 59. 66. 73. 97. 110. 115. 134. 136. 142. 168. 173. 181. 204. 205. 221. 226. 233.
- Diarrhœa*, 191.
- Distillatio*, 73. 90. 93. 94. 110. 116. 128. 136. 138. 249.
- Dolor*, 135.
- Dysenteria*, 29. 35. 37. 41. 50. 71. 101. 110. 112. 137. 167. 183. 191. 194. 198. 204. 210. 222.
- Dyspnœa*, 149.
- Dysuria*, 41. 43. 52. 76. 90. 245. *vide Vrina.*
- E**
- E**brictas, 3. 9. 18. 21. 22. 144. 243.
- Elephantiasis*, III. 169. 219. 245.
- Empyici*, 165. 194. 232. *vide Pulmo.*
- Enterocœle*, 131.
- Epilepsia*, 25. 26. 74. 86. 126. 152. 167. 181. 203. 188.
- Epiphora*, 49. 159. 177. 188.
- Episthotonus*, 183.
- Erysipelas*, 21. 35.
- F**
- F**acies, 110. 121. 122. 136. 188. 219. 234.
- Fascinatio*, 160.
- Fastidium cibi*, 35. 76. *vide Nausea.*
- Fauces*, 180. 241. 246.
- Febris*, 3. 26. 28. 30. 37. 39. 40. 55. 57. 60. 64. 87. 99. 101. 102. 103. 110. 112. 116. 128. 140. 147. 149. 152. 166. 169. 200. 209. 218. 219. 241.
- Fistula*, 134. 167. 174. 227. 232.
- Flatus*, 24. 32. 38. 41. 74. 79. 86. 90. 159.
- Fluxio*, 28. 114. 137. *vide Distillatio.*
- Flux^o muliebris*, II. 36. 44. 70. 110. 114. 159. 168. 222. 239. *vide Menses.*
- Fœcundi-*

INDEX MEDICVS.

- Œcunditas*, 46. 47. 69. *Halitus*, 26. 133. 147. 154.
 194. 213. 215. 216. 224.
Fœtus, 24. 71. 122. 172. *Hepar seu Iecur*, 14. 31. 32.
 182. 198. *vide Partus*. 35. 41. 65. 73. 74. 78.
Fractura, 45. 131. 134. 180. 94. 95. 110. 128. 135.
Fungi, 65. 193. 142. 147. 152. 174. 181.
Furfures, 20. 34. 120. 121. 202. 226.
 232. 245. *vide Porrigo*.
Furunculi, 226. *Herpes*, 35.
G *Hilaritas*, 92.
Angræna, 16. 66. 163. *Hydrops*, 50. 59. 73. 76.
 227. 239. 242. 78. 87. 135. 147. 152.
Gargareo, 179. 167. 188. 226.
Generatio, 82. 108. 157. *Hypochondria*, 88.
 175. *vide Conceptio*.
Genitaliũ Vlcera. 49. 222. *I*
Gingivæ, 29. 110. 114. 168. *Icterus*, 15. 23. 36. 57. 63.
 199. 204. 233. 65. 93. 94. 111. 116.
Gonorrhœa, 3. 109. 114. 133. 128. 143. 146. 147. 174.
 159. 181. 177.
Guttur, 118. 178. 202. 224. *Ignis sacer*, 22. 29. 118.
 159. 167. 178. 183. 188.
Grauedo, 18. 126. 232.
Grauidæ, 26. *Ileosî*, 64. 234.
H *Impetigo*, 20. 35. 83. 245.
Hæmorrhoides, 50. 52. *Inflammatiõ*, 16. 113. 116.
 115. 121. 136. 205. 117. 122. 125. 128. 224.
Hæmorrhagia, 30. *Inflatio*, 24. 41. 94. 156.
Hæmoptæ, 5. 183. 221.

T

INDEX MEDICVS.

Inguina, 143. 159.

Insania, 183.

Intertrigines, 52.

Ischias, 40. 86. 131. 136.

149. 181. 188.

Ischuria, 66.

Iunctura, 188.

L

L *Abia*, 30.

Lac, 11. 17. 20. 26. 66.

78. 82. 84. 90. 155.

Lachrymæ, 133. 232.

Lapsus, 178.

Latera, 16. 71. 88. 152. 164.

Lentigo, 56. 64. 104. 134.

Lepra, 15. 35. 163.

Lethargus, 50. 76. 163.

Libido, 26. *vide Venus*.

Lien, siue splen, 14. 15. 16.

32. 73. 74. 95. 110. 120.

121. 124. 133. 134. 135.

143. 163.

Lingua, 82. 143.

Lipothymia, 90. 93.

Lippitudo, 88. 92. 115. 118.

168. 222.

Limores, 66.

Lumbi, 45. 50. 88. 133. 149.

152.

Lumbrici, 29. 53. 64. 73.

87. 151. 172. 208.

Luxata, 13. 77. 86. 120. 163.

167. 180. 184.

Lychenes, 56. 120. 157. 183.

199. 202. 232.

M

M *Acule*, 51.

Malacia, 37.

Mammæ, 13. 23. 24. 30.

78. 82. 84. 155. 179. 183.

188. 198. 252.

Matrix, vide Vterus.

Melancholia, 16. 86. 88. 183.

216. *vide Bilis atra*.

Memoria, 40.

Menses & mēstrua, 15. 16.

23. 47. 52. 58. 64. 70.

71. 75. 77. 78. 83. 86.

87. 95. 112. 114. 122.

124. 125. 133. 136. 137.

143. 146. 149. 156. 162.

163. 165. 169. 170. 171.

175. 181. 204. 205. 222.

232. 252.

INDEX MEDICVS.

Morsus canis, 15. 49. 50. 51. 80. 88. 94. 105. 110. 118.
 54. 79. 82. 120. 156. 162. 124. 126. 127. 139. 144.
 168. 211. 239. 241. 252. 145. 150. 151. 156. 159.
Morsus & ictus venena- 160. 168. 174. 175. 177.
torum, 16. 43. 44. 54. 188. 202. 232. 242. 249.
 59. 63. 71. 120. 121. 152. *Ophiasis*, 51. 245.
 155. 156. 160. 181. 182. *Oris vlcera*, 23. 115. 119.
 216. 229. 239. 125. 166. 198. 222. 224.

N

Nares, 50. 83. 134. 165.
 169. 224.

Nausea, 35. 78. 143. 183.
 191. *vide Fastidium.*

Nephritici, 57. 62. 68. 178.
 228. *vide Renes.*

Nerui, 70. 87. 94. 120.
 171. 184.

Nomæ, 168. *vide Vlcera.*

Nutrices, 26. 64. *vide Lac.*

Nyctalopes, 32.

O

O bmutescencia, 50.

Obstruãtio, 116. 147.
 174. 208. 226. *vide*
Hepar.

Oculi, 7. 15. 17. 20. 24. 36.
 43. 52. 55. 56. 57. 77. 79.

Orthopnoici, 73. 85. 133.
 164. 194.

P

P Ani, 178. 181.

Papulæ, 56.

Paralysis, 51. 95. 131. *vide*
Resoluti.

Parotides, 163. 181. 226.

Paronychia, 134.

Partus, *vide Puerpera.*

Pectus, 41. 76. 86. 149.
 152. 162. *vide Thorax.*

Pedes, 127. 169. 203.

Pediculi, 56. 91.

Perfrigerati, 133.

Peripneumonia, 73. *vide*
Pulmo.

Perniones, 31. 226. 229.

Pestis, 37. 66. 93. 140. 149.

T ij

INDEX MEDICVS.

153. 154. 156. 157. 158. 170. 208. 216. 218. 219.
228. 240. 243.
- Phlegmone*, 21. 66. 124.
179.
- Phrenesis*, 101.
- Phthisis*, 167. 247.
- Pili*, 50. 120. *vide Capilli*.
- Pituita*, 5. 51. 62. 73. 74. 86.
105. 135. 183.
- Plage*, 64. 145. *vide Vi-*
bices.
- Pleuritis*, 73. 126. 192.
- Podagra*, 21. 30. 36. 88. 124.
125. 126. 131. 164. 166.
178. 179. 188.
- Polypus*, 224. *vide Nares*.
- Porrigo*, 31. 59. 183. 229. *vi-*
de Furfures.
- Præcordia*, 14. 118. 133.
- Pruritus*, 36. 143. 147. 245.
vide Scabies.
- Psoa*, 15. 232.
- Puerpera et Partus*, 18. 26.
40. 46. 51. 64. 70. 71.
75. 82. 84. 86. 91. 92.
124. 171. 172. 181. 195.
- Pulmo*, 14. 40. 44. 60. 74
75. 78. 86. 90. 135. 152
164. 226. 244.
- Purulenta excreatio*, 101.
- Pustula*, 51. 245.
- Putredo*, 146.
- R
- R** *Abies*, 211. 241. *vide*
morsus Canis.
- Raucedo*, 60. 180. *vide*
Distillatio.
- Rhagadia*, 166. *vide Anus*
& *Sedes*.
- Renes*, 22. 23. 41. 55. 78. 105.
110. 152. 168. 180. 210.
244. 246. 247. *vide*
Calculus.
- Resoluti*, 95. *vide Paralysis*.
- Respiratio*, 74.
- Ructus*, 63. 64. *vide Flat⁹*.
- Ruptura*, 178.
- S
- S** *Anguis*, 24. 29. 30. 43.
45. 46. 47. 63. 72. 81.
83. 112. 114. 120. 127.
137. 162. 167. 169. 204.
205. 222. 227. 231. 232.

INDEX MEDICVS.

245. 252.
Scabies, 73. 147.
Secunda, 24. 40. 57. 71.
 86. 95. 122. 124. 171. 172.
 176.
Sedis dolor, 115. 124. 198.
vide Anus & Hemorrhoides.
Singultus, 83. 155.
Siriasis, 98. 106.
Sitis, 29. 103. 112. 128. 184.
 218. 246.
Somnus, 3. 4. 116. 128. 133.
 144.
Somnia, 17. 29.
Sperma, 17. 79. 106. 157.
 159.
Spina, 41. 92.
Sputum, 74.
Sterilitas, 25. *vide Cōceptio*.
Sternutamentum, 77. 90.
 133. 135. 136.
Stomachus, 24. 31. 32. 41.
 43. 72. 83. 89. 108. 112.
 118. 127. 138. 143. 171.
 191. 195. 200. 222. 246.
 247. *vide Ventriculus*.
Stranguria, 13. 41. 171. 176.
Strumæ, 36. 131. 135. 155.
 164. 167. 168. 181.
Sudor, 120. 162. 171.
Suffocatio, 204. 239.
Suggillata, 23. 55. 66. 73.
 77. 78. 143. 239. 242.
Suppuratio, 37. 120. 163.
Surditas, 14. 60. 176.
Suspiria, 60. 63. 73. 85.
 127.
Syncope, 101.

T

- T***Ensio*, 135.
Testes, 71. 82. 88. 121.
 157.
Tinesmus, 60. 183. 239.
Thorax, 45. 74. 75. 86. 89.
 126. 128. 131. 133. 135.
 142. 146. 149. 177. *vide Pectus*.
Tonsillæ, 29. 178. 198.
 199. 204. 222. 239. *vide Angina*.
Tormina, 24. 33. 76. 78.
 112. 133. 198. 222. 226.
 234. 239. *vide Dy-*

T ij

INDEX MEDICVS.

- Senteria*.
- Tremor*, 70.
- Tristitia*, 90.
- Tubercula*, 50. 163.
- Tumor*, 13. 16. 24. 37. 77.
78. 79. 135. 167. 232.
- Tussis*, 40. 44. 49. 56. 60.
63. 71. 73. 86. 92. 93.
101. 127. 133. 135. 149.
152. 164. 183. 202. 225.
247. 249. *vide Distillatio*.
- V
- V** *Ari*, 110. 188. 219. 245.
- Varices*, 178.
- Venena*, 57. 63. 66. 143.
148. 149. 152. 153. 156.
157. 160. 162. 182. 183.
184. 194. 213. 215. 228.
234.
- Venus*, 3. 29. 41. 60. 76.
84. 90. 92. 101. 106.
108. 109. 150. 159. 163.
182. 252.
- Venter*, 5. 31. 33. 41. 47. 78.
90. 94. 164. 177. 180.
182. 191. 202. 222. 234.
- Ventriculus*, 16. 30. 35. 76.
78. 95. 97. 142. 144.
145. 147. 164. 172. 199.
221. 226. 252. *vide Stomachus*,
- Vermes*, 30. 32. 56. 71. 83.
147. 157. 170. *vide Lumbri*.
- Verruca*, 86. 90. 134. 177.
226.
- Vesica*, 66. 75. 87. 101. 110.
168. 180. 182. 246. 247.
- Veternus*, 75.
- Vibices*, 64. 239.
- Vigilia*, 11.
- Vinum*, 19. 21. 33. 37. 48.
67. 93.
- Virile membrum*, 71. 79.
- Viscera*, 74. 116. 135.
- Visus*, 16. 87. 175. *vide Oculi*.
- Vitiligo*, 49. 105. 120. 157.
219.
- Vlcera*, 13. 16. 31. 44. 49.
64. 66. 71. 110. 120. 121.
124. 126. 134. 143. 155.
162. 163. 165. 167. 168.

INDEX MEDICVS.

<p>174. 175. 177. 178. 204. 224. 231. 232. <i>Vmbilicus</i>, 29. <i>Vngues</i>, 233. <i>Vomitus</i>, 33. 62. 83. 105. 112. 138. 155. 164. 191. 195. 222. 234. <i>Vox</i>, 15. 45. <i>Vrina</i>, 22. 24. 31. 41. 42. 46. 55. 57. 60. 66. 75. 78. 86. 87. 90. 101. 105. 106. 108. 109. 110. 142. 163. 164. 171. 173. 181. 188. 195. 221. 233. 247. <i>Vterus</i>, 24. 40. 46. 58.</p>	<p>71. 73. 77. 95. 119. 120. 121. 124. 126. 133. 135. 137. 145. 156. 165. 168. 171. 172. 182. 198. 245. <i>Vulnera</i>, 24. 99. 30. 46. 58. 71. 81. 99. 110. 120. 127. 131. 143. 168. 180. 182. 184. 204. 205. <i>Vulua</i>, 32. 41. 46. 47. 64. 71. 108. 120. 122. 124. 145. 149. 157. 163. 171. 182. 198. 222. <i>Vvula</i>, 15. 116. 163. 164. 198. 199. 204. 222.</p>
---	--

F I N I S.

Handwritten text in two columns, likely a list or index, with some faint markings and a small dot in the left column.

A. N. V. L. A.

